

WANTOK

Niuspepa bilong Papua Niugini stret

25 yia nau

40 pes

Namba 1089

Wik i stat long Fonde, Me 11, 1995.

50 toea

Traibunel rausim "nogat sas" aplikesen bilong Posai

PETER MAIME i raitim

LIDASIP Traibunel i rausim pinis 30 sas bilong Fores Minista, Andrew Posai long Mande olsem em i no asua long ol dispela sas.

Taim traibunel i sindaun long namba tu taim long Mande, kaunsil bilong Mista Posai, Dr Alan Marat i mekim olgeta lain bilong pablik prosekiuta na traibunel i kirap nogut taim em bungim wanpela aplikesen na putim i go.

Dispela aplikesen i tok olgeta 30 sas ya i no tru na i nogat as bilong kotim Mista Posai. Bikos Ombudsmen Komisnin yet i bin brukim konstitusenel lo. Olsem na Seksen 18 (2) bilong Mama Lo we i sut long lidasip traibunel olsem i larim sas ya i go long Suprim Kot long skelim.

Tasol Pablik prosekiuta, Panuel Mogish i tok em i no ting bai kain aplikesen olsem i kamap. Olsem na em i

askim traibunel long givim em wanpela de long glasim dispela aplikesen pastaim long em i ken bekim.

Long Tunde, Siaman bilong Traibunel, Jastis Kubulan Los i tok Mista Posai i no bin mekim wanpela toktok long ol dispela sas bilong em taim kot i bin kamap. Olsem na em i mas toktok long banisim em pastaim. Long dispela as, Jastis Los i tok long em bai ritim aut ol dispela 30 sas bilong Mista Posai. Kaunsil bilong Mista Posai orait long dispela.

Bihain long Jas i go insait long dispela 30 sas, ol i painimaut olsem Mista Posai i no asua long wanpela bilong ol 30 sas ya.

Taim traibunel i bung gen long Tunde, Mista Mogish i tok traibunel i no ken oraitim dispela aplikesen bilong Dr Marat. Bikos i nogat gutpela as bilong en.

Na tu ol i no ken kisim kot ya i go long Suprim Kot.

Tasol Dr Marat i tok Ombudsmen Komisnin i bin brukim konstitusenel lo na pusim dikletori oda. Insait long aplikesen pepa ya, em i tok Ombudsmen Komisnin i no bin tok-save long Mista Posai olsem ol bai sekim em we i bihainim Seksen 17 (1) bilong Ogenik Lo bilong Ombudsmen Komisnin.

Mista Posai tokaut tu olsem Ombudsmen i no bin tokim em olsem ol i wok long sekim em. Dispela tu i brukim Seksen 20 (2) bilong Ogenik Lo long Diuti na wok bilong lida.

Aplikesen ya i tok tu olsem ol i no givim taim long Mista Posai long givim ol tingting na bekim bilong em egen-sim ol dispela sas. Seksen 20 (3) bilong OLODRL i tokorait long dispela.

Taim traibunel i bung long 3 klok long Tunde apinun, Jastis Los i tok aplikesen ya i no inap yusim dispela traibunel olsem Nesenel Kot we aplikesen i save kisim Dikletori Oda aninit long oda 16 bilong Nesenel Kot Rul. Traibunel i skelim olsem em i nogat pawa long givim

Dikletori Oda long aplikesen ya.

Jastis Los i tok Seksen 18 (2) bilong konstitusenel referens i tokaut olsem ol kain askim olsem i no bin kisim tingting bilong Suprim Kot yet. Dispela em wankain tu long kot bilong Albert Karo wataim Ombudsmen Komisnin long Epril 21 long dispela yia.

"Traibunel i skelim

olsem ol askim i orait pinis olsem na nau i orait long traibunel o atoriti ken bihainim dispela disisen. I nogat wanpela samting bai kamap long referens. Dispela kot i luk olsem em i laik stat gen we Ombudsmen i ken givim notis nau. Na sapos Ombudsmen i amamas long ol sas ya, em i ken givim i go long pablik prosekiuta. Na

pablik prosekiuta i ken askim Sief Jastis long kamapim Traibunel. Traibunel i ken kamapim ripot ya na go insait gen long skelim dispela 30 sas.

Jastis Los i tok Seksen 17 (1) bilong Ogenik Lo long Ombudsmen Komisnin i gat stretpela rot bilong kamapim kain kot olsem. Kain pasin olsem i mas kamap pastaim long ol i kisim i

go long kain traibunel olsem. Long dispela, aplikesen i ken kisim sapat long wanpela gutpela loya na traibunel bai tokaut long gutpela o stretpela pasin we i toktok long holim traibunel.

Traibunel long dispela taim i no inap muvim dispela askim i go moa.

Namba 3 sindaun bilong traibunel bai kamap long namba 22



Bilas na redi ... • Ol meri bilong Maria Kwin Vokensenel Senta long Banz i bilas na redi long welkamin ol sinia edukesen opisa taim ol i go long lukluk raun long ol skul long Fatima. Foto: Michael Manda

INSAIT

8 pes

RAGBI


LIG NIUS

BIRUA MAN

KOMIK

8 pes

LAIPSTAIL



YUNO INAP WINIM
TOYOTA HILUX 4x4 DABOLKABIN

Sapos yu painim hat long igo, go wantaim Toyota Hilux 4x4 tasol. nau long Ela Motors.

TOYOTA

Ela Motors
OLGETAHAP

Oh! Em Gutpela Tru!

Plis RIPOT



WESTEN HAILANS: Long las wiken, namel long 40 na 50 haus insait long ples Waruwau long Westen Hailans ibin paia. Dispela em bihain long ol man i dring na spak na kamapim pait namel long ol lain bilong Enga na Westen Hailans. Provinsal plis komanda Leo Kabilu i tok tupela sait wantaim i lusim ol haus long paia ya. Tupela man Enga i stap nau long Hagen haus sik bihain long bikpela bagarap we ol i kisim long dispela birua. Long nau, Mista Kabilu i tok ol plisman i stap long hap ples ya long lukautim lo na oda. Em ino wanbel long disisen bilong provinsal gavman long rausim tambu long bia we ibin stap long provinsal taim provinsal gavman i bin stap long saspensen.

MOSBI: Plis long Mosbi i bin holim 8-pela man long kilim dai wanpela Yunaitet Sios pasto. Tupela bilong ol em ol Yunaitet Sios pasto, tupela kaunsela na foapela ol plisman bilong ples yet. Plis i kisim ol lain ya long askim ol long dai bilong wanpela lapun pasto, Gutuma Rawa. Ol hauslain bilong pasto ibin painim bodi namel long ples Kemabolo na Bonamo. Pikinini bilong pasto, Peter Gutuma i tok famili i bilip olsem sampela lain ibin wokim puripuri long kilim dai papa bilong ol.

MOSBI: Ol stilman ibin brukim ANZ Beng long Waigani tasol ol ino painim wanpela samting na ol i go bek han nating. Namel long 7 na 9 kilok nait, ol i go insait long beng bihain long ol i brukim ol glas long fran bilong beng wantaim wanpela hap simen. Ol sekyuriti gad na ol arapela ai wites i tok taim ol stilman ino painim wanpela mani ol i go bek. Ol plis i bin askim wanpela sekyuriti gad husat ibin stap long duti taim dispela samting i kamap.

KOKOPO, Is Nu Briten: Bihainim trabel we i bin kamap long Kimbe namel long ol Tolai na Bakowi na ol Bakowi i baim kompensesen mani i go long ol Tolai, plis i ting olsem moa trabel bai i kamap. Mekim na ol i salim wanpela plis mobail skwat i go long Kimbe long Mandel long dispela wik. Dispela kwat i bilong sanap redi nogut trabel i bruk namel long ol bikples na ol Bakowi gen. Plis Komanda bilong Ailans rijon, John Toguata i tok samting ya i afektim ol skul pikinini husat i save go na kam long skul, ol ka na trak na tu ol pipel husat i save go na kam long wok. Tasol bihain long plis mobail skwat i kamap, ol samting i go gut gen. Mista Toguata em i tok planti long ol setla em ol bilong Sepik husat i laikim bai ol Bakowi pipel i peim kompensesen tu long ol haus bilong ol we ibin kisim bagarap tu.

Ol pilai bilong poka masin bai stat long Mei 29

ABBY YADI i raitim

GEMING indastri redi nau long givim aut ol poka masin bilong pilai na winim mani. Geming Indastri redi long kirapim dispela wok bilong em long namba 29 de bilong dispela mun (Mei).

Dispela em bihain indastri kisim longpela taim tru long stretim ol hevi na arapela samting bihain long wanpela bil bilong kamapim lo. Na bringim ol poka masin i kam insait long kantri go ploa bilong Palamen long 1993. Na ol hevi

na egens i kamap bihainim dispela bil.

Bihain long olgeta samting i stret na tokorait i kamap, Nesenel Geming Kontrol Bod, i gat nau wanpela K3 milien sentral kontrol monitoring sistem.

Wanpela vidio geming kampani bilong Australia, Olimpik Vidio Geming, long las yia i developim na putim kamap dispela sentral kontrol monitoring sistem. Bihain long ol i traim dispela kontrol sistem, ol i putim dispela sistem long operesen senta bilong Geming Bod long Airways Motel long Pot Mosbi.

Long lukim olsem olgeta samting i go orait long namba wan taim, tripela kampani husat i gat laisens bilong operetim ol poka masin, bai nominetim tupela sait ona insait long Pot Mosbi. Na ol dispela sait ona bai kisim namba wan poka masin.

Dispela tripela kampani em ol i gat laisens bilong operetim ol poka masin em Monian Pty Ltd, United Pacific Corporation (UPC) na Lord & Co.

Ol opisa bilong Geming Bod i tok wanwan bilong ol dispela sait ona bai kisim 10-pela masin. Olgeta wantaim bai putim on ol dispela masin long Mei 29.

Monian Pty Ltd bai putim ol masin bilong em long Granvil Motel na Boroko Hotel. UPC bai putim ol masin bilong em long Lamana Motel na Ayebees Sosel Klub. Lord & Co tasol i no stretim yet sampela hevi na ol arapela samting long putim ol masin bilong em.

Ol senis we i kamap long Geming Ekt i no longtaim i go pinis, i tambuim ol arapela lain long karim aut ol wok bilong poka masin. Ol lain em lo i tokorait long mekim dispela samting em ol opereta bilong poka masin, permit holda na Stet.

Morobe primia na spika wantaim yusim moa mani-Seketeri

YAKAM KELO iraitim

PRIMIA bilong Morobe, Titi Christian na Spika Isaac Narol wantaim i bin yusim moa mani long raun bilong tupela long dispela yia.

Wanpela hait ripot we Wantok i kisim i tokaut olsem Spika Narol na Primia Christian wantaim i bin yusim mani we abrusim mak 1995 baset i makim long lukautim raun bilong tupela long ol wok. I tru olsem spika i yusim mani long opis bilong em yet. Tasol em i yusim moa mani long mak baset i makim long raun bilong em i go long Daru long Westen Provins. Dispela hait ripot we Wantok i kisim i tok Mista Narol i yusim moa long K8,000. Primia tu i bin tromoi bikpela mani go aut long bung bilong ol primia insait long Mamose rijon long Lae long dispela yia.

Dispela em bikos i bin gat bikpela grup bilong Mamose rijon i sindaun long dispela bung. Olsem na bikpela mani bin go aut long lukautim ol long taim ol i holim dispela bung.

Long las wik, Primia Titi Christian i sutim tok long Spika Isaac Narol long yusim bikpela mani long raun bilong em i go long Daru long bung bilong ol provinsal spika.

Tasol Mista Narol i tok em i yusim mani long opis bilong em stret we em i gat pawa long yusim long ol wok bilong em.

Olsem na primia i tok provinsal baset bilong dispela yia bai no inap kamap gut. Bikos i nogat moa mani bilong wokim baset.

Seketeri bilong Morobe, Aine Sengero i tok bai gat bikpela rivyu i kamap long mun Julai long glasim ol projek

eria bilong dispela yia.

Mista Sengero i tok bihain long dispela rivyu, Morobe provinsal gavman bai redi long putim kamap Mini Baset bilong dispela yia.

Mista Sengero i tok dispela Mini Baset bai go antap liklik long 1995 provinsal baset. Mak bai stap olsem long K25 na K27 milien.

Provinsal sekteri tok ol toktok bilong primia na spika i yusim moa mani trupela. Bikos i gat luksave i stap olsem tupela i yusim mani abrusim mak bilong baset bilong opis bilong tupela.

Em i tok i luk olsem Mista Narol i yusim moa mani long mak em inap long kisim i go long Daru. Wankain tu long Mista Christian we em i tromoi moa mani abrusim mak we baset i makim long em i mas yusim long dispela kibung bilong ol Mamose primia.

Ramu/ Madang haiwe kisim K22m

BIKPELA haiwe rot long Ramu na Madang i kisim pinis K22 milion helpim i kam long Yuropien Yunion (EU) long stretim rot long dispela yia.

Primia bilong Madang, Mathew Gubag i tok helpim bilong EU i stap pinis long provins na ol i wetim tasol Works Dipatmen long putim aut tenda bilong pulim kontrak kampani bilong wokim dispela rot.

Dispela em wanpela bikpela helpim EU i putim antap long ol arapela helpim olsem wara saplai insait long ol liklik distrik long Madang provins long las yia.

Primia Gubag i tok em i laik lukim olsem wok bilong stretim rot ya na putim kolta long en i kamap hariap long dispela yia. Tasol em sampela bilong Nesenel Works olsem na ol bai wet tasol.

Primia i tok ol i bin askim pinis Provinsal Works minista long lukluk moa insait long dispela samting na ripot bek long provinsal gavman.

Mani bilong wokim dispela wok em K22 milion we EU i bin promis long las yia long edministreta. Wep Kanawi husat i bin lukautim edministresen bilong Madang long taim provinsal gavman i stap long saspensen.

Primia i tok sapos rot ya i kamap gutpela na ol i putim kolta long en, bai planti samting i kam long Madang na i go aut long Lae na ol hailans provins. Bai ol i putim

kolta antap long rot na stretim gut ol baret long sait bilong rot. Sampela longpela maunten na ol kona bai masin i brukim na traim mekim rot i go stret long ol ka na PMV i ron long en.

Dispela Ramu Madang haiwe em wanpela bikpela rot we olgeta de ol manmeri na kago i save kam long Lae na Hailans provins long en. Na tu ol manmeri i save kam long Manus, Wewak, Vanimo na Madang yet na bihainim dispela rot i go long arapela provins.


Nesenel Works opis long Mosbi i no redi long tokaut long ripot bilong putim aut tenda. Bikos seketeri na Pablik Rilesen Opisa i no stap long toktok.

Tasol primia bilong Madang i tok nau em san i wok long kamap na ples i drai bihain long bikpela ren na hai wara we i bagarapim ol pipel long Gusap na ol rot namel long haiwe ya.

Nau ples i drai na level bilong wara i go daun. Olsem na taim san i kamap na ples i drai, kain wok olsem long stretim Madang Ramu rot i mas kamap, primia i tok.

Nau yet Works dipatmen long Madang i wok long mekim wok long stretim gen Gusap bris we i bin bruk long taim bilong ren long las mun.

Ol i tingting long wokim wanpela strongpela na longpela bris.



Bel isi kamap... • Sampela pipel i bung na wok long witesim wanpela bel isi na sekan bung i bin kamap long Buka i no longtaim i go pinis. Poto: Aloysius Sami.

WANTOK
Published Weekly, Thursdays, 11p

All departments Phone: 25-2506 Fax: 25-2579

PO Box 1592 Boroko, NCD Papua New Guinea

Word Publishing Co Pty Ltd

Regional office: 1st Floor, 100-102, 104, 106, 108, 110, 112, 114, 116, 118, 120, 122, 124, 126, 128, 130, 132, 134, 136, 138, 140, 142, 144, 146, 148, 150, 152, 154, 156, 158, 160, 162, 164, 166, 168, 170, 172, 174, 176, 178, 180, 182, 184, 186, 188, 190, 192, 194, 196, 198, 200, 202, 204, 206, 208, 210, 212, 214, 216, 218, 220, 222, 224, 226, 228, 230, 232, 234, 236, 238, 240, 242, 244, 246, 248, 250, 252, 254, 256, 258, 260, 262, 264, 266, 268, 270, 272, 274, 276, 278, 280, 282, 284, 286, 288, 290, 292, 294, 296, 298, 300, 302, 304, 306, 308, 310, 312, 314, 316, 318, 320, 322, 324, 326, 328, 330, 332, 334, 336, 338, 340, 342, 344, 346, 348, 350, 352, 354, 356, 358, 360, 362, 364, 366, 368, 370, 372, 374, 376, 378, 380, 382, 384, 386, 388, 390, 392, 394, 396, 398, 400, 402, 404, 406, 408, 410, 412, 414, 416, 418, 420, 422, 424, 426, 428, 430, 432, 434, 436, 438, 440, 442, 444, 446, 448, 450, 452, 454, 456, 458, 460, 462, 464, 466, 468, 470, 472, 474, 476, 478, 480, 482, 484, 486, 488, 490, 492, 494, 496, 498, 500, 502, 504, 506, 508, 510, 512, 514, 516, 518, 520, 522, 524, 526, 528, 530, 532, 534, 536, 538, 540, 542, 544, 546, 548, 550, 552, 554, 556, 558, 560, 562, 564, 566, 568, 570, 572, 574, 576, 578, 580, 582, 584, 586, 588, 590, 592, 594, 596, 598, 600, 602, 604, 606, 608, 610, 612, 614, 616, 618, 620, 622, 624, 626, 628, 630, 632, 634, 636, 638, 640, 642, 644, 646, 648, 650, 652, 654, 656, 658, 660, 662, 664, 666, 668, 670, 672, 674, 676, 678, 680, 682, 684, 686, 688, 690, 692, 694, 696, 698, 700, 702, 704, 706, 708, 710, 712, 714, 716, 718, 720, 722, 724, 726, 728, 730, 732, 734, 736, 738, 740, 742, 744, 746, 748, 750, 752, 754, 756, 758, 760, 762, 764, 766, 768, 770, 772, 774, 776, 778, 780, 782, 784, 786, 788, 790, 792, 794, 796, 798, 800, 802, 804, 806, 808, 810, 812, 814, 816, 818, 820, 822, 824, 826, 828, 830, 832, 834, 836, 838, 840, 842, 844, 846, 848, 850, 852, 854, 856, 858, 860, 862, 864, 866, 868, 870, 872, 874, 876, 878, 880, 882, 884, 886, 888, 890, 892, 894, 896, 898, 900, 902, 904, 906, 908, 910, 912, 914, 916, 918, 920, 922, 924, 926, 928, 930, 932, 934, 936, 938, 940, 942, 944, 946, 948, 950, 952, 954, 956, 958, 960, 962, 964, 966, 968, 970, 972, 974, 976, 978, 980, 982, 984, 986, 988, 990, 992, 994, 996, 998, 1000

Advertising deadlines: 14 days before publication

Subscription rates: \$10 per year

Lae tinpis fektori klinim pipia long Busu wara na nambis

ALPHONSE PU i rairim

Sab kontrakta, Malahang Lenona Kampani i bin kisim kontrak long Lae Pis Keneri long rausim ol pipia na rabis long fektori. Ol i save go tromoi long Busu wara bikos i gat hevi long arapela eria bilong tromoi rabis long Lae siti.

Ripot i kamap olsem ol pipia long Busu wara i bin kamapim hevi we inap givim sik long ol manmeri long ples klostu long maus bilong wara Busu.

Long dispela as, Pis fektori i salim 300 wokman bilong em i go daun long maus bilong wara Busu na rausim ol pipia long las wik Sarere. Ol i klinim arere long wara i go olsem long 2 kilomita mak long nambis.

"Mipela i bungim tripela ton pipia long ka na go tromoi. Tasol planti bilong ol dispela pipia i no bilong mipela". Raja Abdul Aziz, Jenerel

Menesa bilong fektori ya i tok.

Mista Aziz i tok planti rabis ya i bilong ol woksap na arapela fektori na i no bilong ol stret. Tasol ol i mekim bikos long sapot bilong ol long komyuniti.

Billy Igili husat i makim dispela asples kampani i tok ol stori long niuspepa i no tru bikos ol i bin kisim toksave pinis long lida bilong Ong klen. Olsem na dispela hap i bin graun bilong tromoi pipia long en long bipo yet i kam, Mista Igili i tok.

Mista Aziz i tok nau i luk olsem asples kampani ya i kisim gutpela skul na luksave long asua bilong ol we ol i no inap tromoi pipia moa long hap.

Jenerel Menesa bilong Pis Fektori ya i tok em i givim tok lukaut i go long dispela asples kampani long bihainim gut samting long bihain. Nogut bai ol i lusim kontrak bilong ol long mekim moa hevi olsem long bihain.

Morobe seketeri sori long ol setla-tasol hat long em helpim

SEKETERI bilong Morobe, Aine Sengero i tok em i sori long lukim ol manmeri i kisim hevi

long dispela wok bilong Klinim Morobe. Tasol ol i mas harim tok na go.

Seketeri i tok gavman i givim ol dispela lain planti taim long brukim ol haus na samting bilong ol na muv long as ples bilong ol. Tasol ol i no harim tok. Bikos kot i bin makim taim tu long gavman i mas larim ol manmeri i stretim ol samting bilong ol na kirap go. Kot i givim ol 90 de long las yia i kam inap long 19 Mas long las mun.

Nau yet gavman i stat pinis long rausim moa setelmen. Bihain em larim ol wokman i rausim, Moskito kompaun, 9 Mail setelmen na Asiawe setelmen.

Planti manmeri i bin harim toktok bilong Morobe gavman na i rausim ol samting bilong ol long las yia

yet. Planti i no ting bai kain samting olsem i kamap bikos ol i no harim gut disisen bilong kot we kot i givim ol 90 de long stretim kago na muv.

Mista Sengero i tok primia Titi Christian i salim ol wokman bilong em long stretim hevi na ol setelmen we i save givim nem nogut long Lae na Morobe.

Nogat taim nau long toktok. Taim nau long klinim provins na siti.

Long taim progrem ya i stat, moa long 1,000 man i muv pinis long ol setelmen na moa bai i go yet. Bikos Morobe gavman em papa long gavman graun na i gat olgeta rait long rausim ol skwata setelmen, Mista Sengero i tok.

Ol hetman bilong 2 Mail eria i askim Morobe Gavman long i no ken harim maus bilong ol papagraun long larim ol setelmen i stap yet.

Ol Mamose primia egensim PG senis

ELIZABETH LENY i raitim

KONSTITUSENEL Rivyu Komisn husat i go raun long ol provins i no bin tokaut stret long gutpela na nogut bilong dispela ol senis bai kamap long provinsal gaman sistem insait long kantri.

Ol pipel i wok long sapotim dispela ol senis long wanem ol i luksave tasol long ol gutpela sait bilong ol dispela senis bai kamap.

Ol primia bilong Mamose rijon i bin tokaut long dispela samting taim ol i holim Mamose Rijinol Kaunsil kibung bilong ol long Madang.

Ol i tok bikpela wari bilong ol i olsem planti pipel i no save gut long wanem samting dispela ol senis bai kamapim. Long wanem Konstitusenel Rivyu Komisn, aninit long nesanel gavman, i wokim dispela ol senis hariap tumas.

Ol primia bilong Mamose rijon i tok dispela i ken kamapim ol hevi olsem long Bogenvil sapos gavman i go het wantaim dispela ol senis. Ol i tok ol i no laikim dispela pasin bilong bruk nabaut insait long Papua Niugini.

"Konstitusenel Rivyu Komisn i no bin luksave long tupela hap tingting mipela i bin bung wantaim na toktok long wanpela Mamose Primias Kaunsil komprens long Lae. Dispela tupela tingting em: (1) Larim provinsal na lokol gavman bilong nau i stap na wokim sampela senis tasol long stretim dispela tupela level bilong gavman. (2) Painim ol narapela rot long senisim provinsal gavman sistem aninit long Momase rivyu," ol Mamose primia i tok.

Ol i tok sapos senis i kamap, PNG bai senis i go kamap olsem wanpela kantri we gavman bai wokim samting long laik bilong em tasol. Ol pipel bai nogat sans long autim tingting bilong ol. Na

tu gavman tasol bai gat pawa. Nogat gutpela luksave bai kamap namel long ol pipel na gavman. Na gavman i no inap lukautim laik bilong ol pipel.

Bihainim dispela ol tingting na luksave bilong ol, ol i askim Palamen long no ken tokorait long bil bilong kamapim senis long mun Jun. Tasol i mas go aninit long Pemenen Palamentari Riferel Komiti.

Ol i putim kamap strongpela askim tru long gavman na askim gavman long larim provinsal gavman sistem bilong nau i stap. Na wokim sampela senis tasol long stretim dispela sistem.

"Sapos senis i kamap, gavman i mas baim ol lain em ol i wok long ol provinsal gavman insait long kantri. Na tu senis i no ken kamap long dispela taim we Papua Niugini wok long bungim hevi long sait bilong mani na sosel developmen," ol primia bilong Mamose rijon i tokaut.

CRC Komisina rabisim ripot bilong Kombiam/Ambum memba

SAPOS Palamen i holim namba tri riting long arapela mun (Jun) na tokorait long bil bilong kamapim senis long provinsal gavman sisten insait long kantri, dispela bai helpim planti bilong ol provinsal gavman husat i wok long bungim hevi.

Komisina bilong Konstitusenel Rivyu Komisn (CRC), Reuben Parua i tokaut long dispela samting.

Mista Parua i tok sapos wanpela komiti laik luksave long ol senis we bai kamap long provinsal gavman sistem, dispela komiti mas sekap wantaim Konstitusenel Rivyu Komisn pastaim.

Mista Parua i bin wokim dispela toktok bihain long em i kisim ripot bilong wanpela komiti bilong nesanel memba bilong Kombiam/Ambum John Pundari.

Dispela komiti bilong nesanel memba bilong Kombiam/Ambum (Mista Pundari) i tokaut olsem i gat planti samting i asua. Na tu i no stret i stap insait long bil o legislesen we i toktok long kamapim senis long sistem bilong provinsal gavman insait long kantri.

Mista Parua i tok CRC i redi tasol long stretim wari bilong ol lain em ol i tok olsem dispela legislesen i gat asua. Tasol em i tok ol i mas raitim ol wari bilong ol na tok stret long wanem hap ol i laikim

olsem komisn i mas tok klia long ol.

Long nau yet, Mista Parua i tok, komisn i no inap long wokim wanpela samting. Long wanem dispela komiti no bin tok stret long wanem hap komisn i rong.

Mista Parua i tok tu olsem pati bilong David Unagi, Pipels Yuniti Pati bai sanap strong long sapotim namba tri riting bilong dispela bil bilong kamapim senis long sistem bilong provinsal gavman insait long kantri.

Em i tok tu olsem ol memba long Palamen i mas vot long dispela bil. Long wanem dispela toktok bilong senis i bin stat long wanpela komiti insait long Palamen yet. Bihain Palamen na Konstitusenel Rivyu Komisn i bin kisim ol dispela senis olsem bilong ol yet bihain long wanpela ripot. Dispela em wanpela las ripot bilong Palamentari Bai-Patisen Komiti. Em i tok ol memba i mas sanap strong na sapotim namba tri riting olsem ol i bin wokim long namba wan na namb tu riting.

Mista Parua i tok ol lida olsem Mista Momis, Pokawin na Brown i wok long tingting long ol provins bilong ol yet. Na i no tingting long ol narapela provins husat i wok long bungim hevi long provinsal gavman bilong ol.

FE
KILN DRYED
TIMBER

100 x 25 Kwila Flooring K1.90 l/m.
100 x 25 R/Wood Panelling K2.95 l/m

MOULDINGS
100 x 25 Flooring T&G
150 x 25 weatherboard
20 mm Quad and square
50 x 25 Architrave
100 x 25 Architrave
42 x 12 Door stops
32 x 12 Flywire battens
150 x 50 window sill

DAR TREATED
75 x 50
100 x 50
150 x 50
Based on random lengths
All other sizes available
immediate delivery.

Phone: 42 4879
Fax: 42 5494



WANTOK

NIUSPEPA BILONG OL PAPUA NIUGINI STRET

Poka masin bai kamapim ol hevi o nogat

Em nau, Geming Bod i tokaut pinis olsem ol namba wan tripela opereta bilong ol poka masin bai stat long yusim ol poka masin long namba 29 de bilong dispela mun.

I gat bikpela luksave i stap olsem dispela pilai bai pulim planti manmeri yangpela na singel wantaim.

Planti famili man bai spenim taim bilong ol long ol hotel na sosel klab we i gat ol poka masin. Dispela bai kamapim planti sosel hevi insait long famili. Wankain olsem hos res, planti wokmanmeri bai lusim wok long pilai ol laki gems i stap long ol poka masin.

Ol masin ya bai no inap kamapim hevi long ol famili tasol. Nogat. Ol bai kamapim tu ol arapelqa hevi insait long komyuniti na sosaiti bilong mipela

I tru olsem Nesanel Geming Kontrol Bod i tokaut olsem ol bai lukautim na kontrolim gut dispela pilai. Tasol mipela i mas luksave olsem olgeta samting i gat we na rot bilong ol yet long kamapim ol hevi.

Bel isi na wanbel bung bai kamap long Buka

VERONICA HATUTASI i raitim

ROT long painim gutpela sindaun long Bogenvil i luk gutpela bihain long ol memba bilong resiten paitman na Bogenvil Revoluseneri Ami long Buka, Not Is na Not Wes distrik i pasim tok long holim seremoni long kamapim sekan na bel sisi

Ripot i kam long Bogenvil i tok dispela seremoni bai kamap namel long ol komyuniti insait long ol wanwan distrik we ol lain i tokorait pinis long kamapim dispela samting.

Ol sekyuriti fos tekova long Haisi eria

OL sekyuriti fos long Siwai tekova pinis long Haisi eria long las wik. Dispela eria em i bin wanpela eria we ol BRA paitman long Siwai save bosim.

Ripot i kam long Siwai tok moa long wan tausen pipel i stap nau long Haisi Katolik misin kea senta.

Wantok i kisim tu ol ripot olsem ol top BRA lida long Siwai eria i kamaut long bus. Na ol i givim ol yet long han bilong ol sief na ol memba bilong sekyuriti fos memba.

Tripela bilong ol dispela lain em James Kamisu, Gunther Uming na Peter Miriking.

Gunther Uming ol i tok i stap nau long Loloho wantaim ol lain sekyuriti fos memba. Ol ripot i tok em i go wantaim ol ami olsem wanpela pren na i no olsem wanpela kalabus man.

James Kamisu na Peter Miriking ol i tok i stap long kea senta long Haisi. Dispela ol lain ya i bin go pas long ol BRA paitman long Siwai. Nau ol i kamaut i min olsem Siwai eria bai kamap gut nau. Tasol ol raskol lain bai wokim nabaut yet long traim bagarapim gutpela sindaun we ol pipel i wok long i gat nau.

Long nau yet, ol raskol lain ya i ranawe i go na hait long ol maunten long Kongara insait long Sentral Bogenvil. Dispela em bihain long ol ami tekova long Haisi eria.

Dispela samting bai daunim ol bel kros pasin namel long tupela grup ya we ol i gat namel long wanpela na arapela. Bikos long ol samting we i kamap long taim bilong hevi long ailan. Na tu strongim gutpela wokbung wantaim long painim rot long pinisim ol hevi long ailan.

Ol lain husat i go pas long dispela samting i no wari long pasin bilong kilim indai man. Na ol arapela trabel we i go bikpela gen long sampela hap long Bogenvil. Bikpela tru

long Siwai na Nagovis eria we i gat ripot olsem 16-pela memba bilong Bogenvil Revoluseneri Ami bin dai bihain long ol sekyuriti fos i putim kamap ol trep na kilim ol.

Distrik Menesa, Joseph Noro i tok ol nogat kliapela save long namba bilong ol man husat i dai long ol trabel long Siwai long dispela taim. Em i tok em sampela raskol lain bilong BRA i bin go long Tonu kea senta na bagarapim ol gaden kaikai bilong ol pipel. Na bihain ol i go nsait

long kea senta na sut nabaut long sotgan.

Bihainim dispela hevi ol pipel long kea senta i askim ol sekyuriti na lukaut lain bilong ol long sanap was na lukautim ol. Bikos ol i pret nogut ol man nogut i kamapim bagarap long ol.

Long nau yet, Mista Noro i tok, sindaun long hap bilong Siwai go gut gen bihain long ol trabel bilong las 4-pela wik i kam inap long dispela wik. Na em i sutim tok i go long ol raskol lain insait long BRA long kamapim ol bagarap.

Miriung askim BRA long rispektim laip bilong ol pipel

PRIMIA bilong Not Solomon Provins, Theodore Miriung i askim ol lida bilong BRA long rispektim laip na rait bilong ol pipel em ol i stap long ol kea senta.

Primia Miriung i putim kamap dispela askim bihainim ol birua we i kamap. Na planti manmeri na pikinini dai nating long Siwai, Nagovis na Not Nasioi eria.

Em i tok ol lidaman bilong BRA i no mekim wanpela samting long stopim ol paitman bilong ol bagarapim laip bilong ol pipel. I luk olsem ol lidaman bilong BRA i wok long givim oda long ol ami bilong ol long sutim na kilim indai ol pipel.

Mista Miriung i askim ol BRA lida long no ken kusai na giamanim ol pipel na tokaut olsem Bogenvil klostu bai kisim independens aninit long helpim bilong Yunaited Nesen. Long

wanem, Miriung i tok, Papua Niugini tasol bai givim tokorait o stopim Bogenvil long kisim independens.

Em i tok sapos i tru olsem ol (BRA) i gat sapot i kam long Yunaited Nesen, orait ol i mas lusim bus na kam ausait. Na stopim dispela pasin nogut bilong kilim nating ol pipel.

Em i tok Seketeri Jenerel bilong Yunaited Nesen, Boutras Boutras Ghali bin tokaut pinis olsem Yunaited Nesen bai no inap suvim het bilong em nating long hevi bilong Bogenvil.

Mista Miriung i tok Mista Ghali bin askim ol wan solwara kantri bilong Papua Niugini olsem Nu Silan Australia na ol arapela liklik kantri long helpim PNG long pinisim dispela hevi.

Primia Miriung i askim tu olgeta arapela pipel long wokbung wantaim long pinisim dispela hevi long Bogenvil.

Sekyuriti stopim wok bilong stretim Bogenvil-UN grup

OL wok kamap, aninit long program bilong stretim gen Bogenvil, i laik go het gut. Tasol hevi bilong sekyuriti wok long daunim na stopim dispela wok.

Wanpela grup bilong Yunaited Nesen (UN) i luksave na tokaut long dispela hevi. Dispela grup bilong UN i luksave long dispela hevi bihainim wanpela wokabout bilong ol long planti hap na eria long Bogenvil.

Aninit long dispela wokbaut, grup ya i karim aut wanpela wok sekap. Astingting bilong dispela wok sekap em long kamapim wanpela program long givim i go long gavman bilong Papua Niugini.

PNG gavman bai yusim dispela program long askim long kisim helpim i kam long ol ausait lain na oganaisesen em ol i gat laik long givim helpim lng stretim laip na sindaun bilong ol pipel long Bogenvil.

Tripela bikpela eria we dispela grup bilong UN i lukluk long ol em edukesen, h it na agrikalsa. Arapela bikpela samting em grup ya i laik helpim ol pipel long kirapim ol liklik projek we i ken helpim ol long stretim sindaun bilong ol long ples.

Dispela UN grup i karim aut dispela wok sekap long Bogenvil bihainim wanpela askim

bilong PNG gavman. Long nau yet, grup ya i bung wantaim ol opisal bilong nesanel gavman, Bogenvil na tu ol arapela lain em ol i gat laik save long ol samting dispela UN grup i painim aut long wok sekap bilong ol.

Long dispela wokbaut bilong en, UN grup ya i amamas tru long luksave olsem ol pipel i gat bikpela laik long laip na sindaun bilong ol i mas kamap gutpela gen.

Dispela UN grup i paitim toktok wantaim ol sief na bikman, ol pipel long ol kea senta na tu wantaim ol resiten paitman pastaim i bin stap olsem ol paitman bilong BRA

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00



Ol papagraun bilong Brandi wara askim long kompensesen

FUZO PAUL i raitim

OL pipel husat i stap insait long biktaun bilong Is Sepik Provins, Wewak, i save kisim wara saplai bilong ol i kam long Brandi wara.

Wata Bod husat i lukautim wok bilong saplaim wara i wokim bikpela dem antap long het bilong Brandi wara. Na yusim dispela dem long saplaim wara long ol pipel, bisnis haus, gavman opis, sios oganaisesen, edukesenel institusen na ol arapela lain insait long Wewak taun.

Tasol i kam inap long dispela yia, i gat bilip na luksave i stap olsem, i nogat gutpela agrimen o tokorait i bin kamap namel long ol papagraun na Wata Bod long yusim Brandi wara long wokim dem.

Bihainim dispela luksave, 4-pela klen lida husat i makim ol pipel bilong ples Maur na Harigen insait long Turubu konstituensi askim nau Wata Bod na

gavman long baim kompensesen long dispela dispela hap bilong Brandi wara dem i stap long en.

Dispela 4-pela klen lida bilong ples Maur na Harigen i tokaut olsem long Tunde, Mas 28, long dispela yia, ol i holim wanpela miting wantaim ol opisa bilong Envairomen na

Konsevesen dipatmen. Ol i holim dispela miting long ples Maur.

Ol i tok insait long dispela miting, ol i askim ol opisa bilong Envairomen na Konsevesen long dipatmen bilong ol i mas sekap long ol bagarap Wata Bod i kamapim long Brandi wara.

"Mipela i papa tru bilong Brandi wara we Wata Bod i wokim dem na putim ol masin bilong kisim wara na saplaim long Wewak taun. Wata Bod i wok long kisim nating wara bilong mipela." dispela 4-pela klen lida bilong ples Maur na Harigen i tok.

Ol papagraun pasim bikpela komyuniti skul long Goroka taun

OL papagraun long ples Kama insait long Isten Hailans Provins i pasim pinis wanpela bikpela komyuniti skul long Goroka. Bikos ol i laikim skul na Edukesen dipatmen long baim kompensesen long hap graun we skul i stap long en.

Nem bilong komyuniti skul ya ol papagraun i pasim em Wes Goroka Komyuniti Skul.

Long nau yet, samting olsem 400 skul pikinini em ol i save skul long Wes Goroka komyuniti skul i no moa i go i kam long skul. Ol i stap nating long haus long tupela wik olgeta nau.

Ol papagraun bilong ples Kama i tokaut olsem gavman i no bin baim ol gut long dispela hap graun we skul i stap long en. Bikos long dispela as na

ol i pasin skul.

Tasol ol i tok ol bai larim skul i go het gen sapos gavman i luksave na stretim wari bilong ol.

Edministreta bilong Isten Hailans, Ubum Makarai bin bungim ol papamama bilong ol skul pikinini na ol papagraun bilong Kama. Na holim wanpela miting wantaim ol.

Bihain long dispela miting, Mista Makarai tokaut olsem em bai bringim dispela hevi go long ol bikman bilong gavman na Edukesen dipatmen. Na ol i ken kamap wantaim sampela rot o ansa long stretim dispela hevi.

Tasol taim Mista Makarai no go bek na toktok stret long ol papagraun, we ol i givim em tupela de long bekim ol askim na toktok bilong ol, ol i kirap na pasim skul.

Sepik hai wara bagarapim tru ples Kambaramba

BIKPELA hai wara long Sepik wara long Is Sepik Provins i wok long givim yet bikpela hevi go long planti ples we i stap arere long wara.

Ol ripot i soim olsem wara i wok long solap yet. Na mak bilong wara i wok long surik i go antap isi isi olgeta de. Mekim na planti famili husat i stap long ol ples arere long wara i wok long bungim bikpela hevi. Bikos mak bilong

wara i winim pinis ploa bilong haus. Na klostu bai tasim het bilong haus.

Wanpela ples arere long wara we i bungim pinis dispela hevi em Kambaramba.

Kambaramba em i wanpela bikpela ples. Na i gat 5-pela klen i stap long dispela ples. Ples ya i stap insait long bikpela taiswara. Na i nogat bikbus i stap klostu we ol pipel i ken katim diwai na ol ara-

pela samting long surukim ploa bilong haus i go antap.

Kaunsela bilong Kambaramba, Robby Tuta i tokim Wantok olsem Kambaramba namba wan (1) i wok long bungim nau dispela hevi. Bikos planti haus i wok long go aninit long bikpela hai wara.

Kaunsela Tuta i tok ol famili em ol i gat ol wantok na wanpinis insait long Wewak taun na tu long ol arapela hap insait long provins i lusim pinis ples Kambaramba. Na i go stap wantaim ol.

Em i tokaut olsem wara ol i save yusim long dring na kukim kaikai bagarap. Bikos ol pipel i save yusim long wasim ol samting, waswas na tu i save pispis na pekpek long en. Bikos i nogat toilet i stap we ol i ken yusim.

"Arapela samting i olsem ol wel abus bilong bus olsem snek i wok long painim ples bilong stap. Mekim nogat na ol i wok long i go antap na go insait long ol haus." Mista Tuta i tok.

Simbu politisen askim gavman long alauwens

PROVINSAL politisen long Simbu provinsal gavman i askim nesenel gavman long stretim ol pastaim long ol i lusim opis.

Provinsal Minista bilong Polisi Plening na Infomesen, Peter Mek i tok nesenel gavman i mas baim olgeta alawens na mani ol i gat rait long kisim pastaim long ol i lusim provinsal gavman opis na go aut.

"Mipela i bin stap wantaim ol pipel bilong mipela long olgeta gutpela taim na ol taim nogut, tasol nesenel gavman i sapotim provinsal gavman rifom we i mekim hat long mipela long stap, Mista Mek i tok.

Ol i ken go het na tromoi mipela i go aut long windua. Tasol ol bai sori tru taim dispela de bilong bikpela salens i kamap long 1997, memba bilong Wikauma i tok.


Sapos nesenel gavman i no inap sapotim ol wok bilong mipela long Sosio-ekonomik developmen bilong provins wan wan, mi ken lukim olsem bai i gat bikpela hevi long 1997 nesenel ileksen, memba ya i tok.



JOINT HANGERS



MULTI GRIP



ANGLE BRACE 'T' SECTION BRACE



STRAP BRACET

Wokim haus bilong yu i STRONG wantaim

LUMBERLOK

Timber Connectors long PNG

I GUTPELA LONG:


Wokim haus, liklik haus, Timba Joineri na ol arapela wok long timba.

- I winim strong bilong ol nil
- I kwik na isi
- Yu no inap westim timba
- Inap winim guria na strongpela win

Em Istap Long P.N.G. Long:

Carpenters Hardware (PNG)

PORT MORESBY: PH 25 3655, 25 1520, FAX: 25 3626, Waigani Drive.




CONCEALED PURLIN CLEAT



SCAFFOLD PLATES



NAILON PLATE



CYCLONE TIES



MULTIBRAC'S



STRAP NAILS



STRAP FIXING



SPIKE



WIRE DOGS

TU MINIT TINGTING


DE BILONG ONAIM MAMA

TUDE em i de bilong onaim mama. Papa em i bikpela samting long laip bilong yumi. Tasol mama i win moa yet long olgeta wok em i bin mekim bilong kamapim yumi. Yumi bin gro insait long mama. Em yet i givim laip long yumi. Em i bin karim bikpela pen long taim em i karim yumi. Yumi bin pulim susu bilong mama. Em i bin karkarim yumi nabaut long bilum bilong em. Em i bin klinim olgeta doti bilong yumi. Em yet i bin mekim yumi go bikpela. Em i bin givim kis long ol sua na pen bilong yumi. Em yet i bin skulim yumi long wokabaut, long kaikai, long toktok, long beten, long bihainim gutpela pasin. Inap em i dai, mama i save wari long yumi. Nau mi soim yu wanpela eksem-pel.

Long wanpela de mi bin limlim-bur long Enga. Mi go pas long wanpela haus meri na mi harim wanpela bebi i krai strong. Bihain liklik, mi harim wanpela meri i krai strong moa yet. Mi hariap i go long haus. Mi ting man i gat kros long meri i no bin lukautim gut bebi, na nau em i paitim meri. Tasol nogat. Mi painimaut olsem:

bebi i bin kukim han long paia, na mama i no inap slekim pen bilong bebi. Em i givim kis long han, i haitim em aninit long susu bilong em, i putim wara long en. Tasol nogat. Pen i stap yet. Nau mama ya i ting em i mas krai wantaim bebi na helpim em olsem. Nau mama i putim pinga bilong em antap long wanpela ston klostu long paia. Em i kisim narapela ston na paitim pinga na brukim olgeta. Blut i ron na mama ya i krai nogut tru. Na bilong wanem em i mekim olsem? Bikos em i laikim pikinini na em i laik helpim pen bilong han bilong bebi i aia pinis.

Em i gutpela eksampel bilong tingting bilong mama. Bebi i bosim laip bilong em. Na maski yumi groap pinis, long ai bilong mama yumi oltaim pikinini bilong em. Na sapos yumi kisim namba o biknem, bel bilong mam i gutpela tru. Long wanem, oltaim yumi sindaun antap long solda bilong mama: long taim yumi bebi yet, na long taim yumi go bikpela



FRANK MIHALIC i raitim

pinis. Sapos yumi no gat mama, yumi yet bai no stap. Tude long PNG, na long planti arapela kantri, em i spesel de bilong onaim mama. Bai yjumi bekim olsem wanem long mama tude? Bai yumi givim wanem presen long em? Maski pe. Tasol sapos yumi save mama i gat laik tru long wanpela samting, orait, tude yumi mas givim long em.

Tude mama em i kwin long laip bilong yumi.

Tasol lukaut! Yumi no inap trikim mama. Yumi no inap lusim bikpela moni long wanpela presen, tasol yumi yet i save bihainim pasin mama i laikim. Nam-bawan presen mama i laikim, em i gutpela sindaun na gutpela pasin bilong yumi. Ol pasin nogut bilong yumi i save senim mama, na i mekim ol arapela meri i tok bilas long em.

Sapos yumi laik mekim mama bilong yumi i amamas na i hepi tru tude, orait, yumi mas promisim mama bai yumi stretim laip bilong yumi. Em bai kisim gutnem na namba long dispela, na God bai blesim yumi tu.

Em hia wanpela liklik stori bilong mama. Long wanpela de wanpela skulboi i kam bek long skul. Em i ron i go insait long haus na i painim mama i wok long kukim kaikai. Boi ya i tromoim han nabaut long mama na i tokim em olsem: "Mama, mi laikim yu tru."

Mama i harim dispela tok na em

i kalap nogut. Klostu sospen i pundaun long han bilong em. Em i ting dispela em i wanpela trik bilong manki ya; ating em i laik grisim mama tasol.

Olsem na mama i tanim i askim boi olsem: "E, grisman, yu laikim wanem samting? Ating yu bin mekim wanpela rong, o yu laik pulim sampela moni long mi.....o yu laikim wanem samting tru?"

Boi i no gat tok na i laik ronewe. Tasol mama i holim em na i askim: "Bilong wanem yu bin tok olsem long mi? Yu tok."

Boi ya i lap na i tok: "Tude long skul, tisa i bin givim oda long mipela i mas tokim papamama, mipela i laikim ol. Na mipela i mas wet long ol i mekim wanem tok long dispela. Tisa i laik save."

Em nau! Ating sapos yumi go long mama na yumi tokim em, "Mama, mi laikim yu tru," em bai kalap nogut. Watpo? Bikos yumi no save mekim olsem. Yu traim tude tasol; bai yu amamasim mama.

Long Olpela Testamen i gat dispela tok i stap: "Pikinini i litimapim nem bilong mama, em bai stap olsem man i hipim planti gutpela samting."

Ol Yunaited sios pasto bung long skelim hevi

VERONICA HATUTASI i raitim

LAIP na witnes bilong ol pasto long eben rijon i bin wanpela samting we moa long 90 pasto bilong Yunaited Sios Eben Seket insait long kantri i bin toktok long en long wanpela bung bilong ol.

Ol i bin toktok long dispela samting long wanpela woksop bilong ol long Mosbi las wik. Ol meri bilong ol pasto i bin stap tu insait long dispela bung we ol i holim long ol sios bilong eben seket insait long Mosbi.

Dispela i bin namba wan taim kain bung i kamap namel long ol Yunaited Sios Eben Seket.

Lotu bilong kirapim woksop i bin kamap long Yunaited sios haus lotu long ples Pari long Sande, April 30. Long Mande, ol i bung long Kaugere Yunaited sios, long Koki long Tunde, Trinde long Vabukori, Fonde long Kilakila na bung i pinis long Fraide.

Long Fonde, ol meri bilong ol sios ministra i

bin joinim ol pasto long Kilakila long toktok long ol samting we i karamapim wok bilong ol long famili. Na tu long sios olsem ol meri bilong ol pasto.

Mausman long het opis bilong eben rijon long Mosbi tok bung ya i olsem wanpela ritrit o taim bilong maus pas we ol sios lida i glasim gut na skelim wok bilong ol insait long sios na famili.

Ol bikpela samting we ol pasto i bin toktok long ol i karamapim:

• Laip bilong sios na ol hevi we wanwan seket na ol wokman na meri bungim

• Ol pasto i toktok na serim ol wari bilong ol. Dispela em long hevi ol i bungim long wok namel long ol kongrike-sen bilong ol. Ol meri bilong ol pasto tu i tok-tok na autim hevi ol i save bungim. Wanpela samting ol i autim em nogat gutpela luksave long wok bilong ol olsem ol meri bilong ol pasto

• Nupela we bilong karim aut wok bilong liptimapim nem bilong Papa God insait long PNG. Dispela wok i bikpela namel long ol yut husat i stap insait nau long ol rivaivel na karismatik muvmen.

Ekumenikel reli long Mosbi pulim 700 Kristen manmeri

DANIEL MONA i raitim

WANPELA ekumenikel reli we i bin kamap long Mosbi pulim 700 Kristen pipel.

Reli ya i bin kamap long Sir John Guise Stadium na tu long arapela hap olsem long Hohola Katolik sios. Katolik Karismatik Riniuwal grup i bin go pas long dispela reli.

Pater Jack Soulsby, wanpela Katolik ewanjelis husat i bin kam long Australia olsem ges spika long dispela reli, tokim ol pipel olsem ewanjelais-esen em i wanpela bikpela samting. Olsem na em i bin strongim tingting bilong ol long karim na serim Gutnius bilong God i go long ol manmeri na pikinini.

Em i bin tok tu olsem hetman bilong Katolik sios, Pop Paul 11 i wanbel long pasin bilong ewanjelais-

esen. Na long strongim dispela rot long autim Gutnius bilong Jisas.

Narapela ges spika, Bill Waterman i tokim ol manmeri long reli olsem mipela i mas soim eksen long laik bilong mipela long ol man long pasin we Jisas i skulim mipela.

Wankain toktok i bin kam long ol arapela spika olsem Kumalau Tawali. Tasol em i tok moa olsem PNG i wanpela Kristen kantri. Sapos mipela i no soim ol trupela Kristen pasin, dispela i no gutpela.

Siaman bilong Papua Niugini Kaunsil Bilong ol Sios, Pater Daniel Meakoro bilong Anglikan sios, i laikim olsem ol Kristen sios i mas wokbung wantaim.

Em i tok reli ya na konprens em i bihainim yet Mama Lo bilong Melanesian Kaunsil Bilong ol Sios we i laikim ol ekumenikel bung.

Mendi gat nupela Katolik bisop



•Nupela bishop bilong Mendi(long namel) Bishop Firmin M. Schmidt i sanap wantaim tripela bruder. Dispela em bihain long odinesen bilong em olsem bishop na tu tripela bruder ya husat tu i kisim odinesen long kamap bruder.

LONG Mei 7, bikpela lain manmeri bin bung long Katidral long Mendi long selebretim odinesen bilong Bisop J. Reichert, O.F.M. Cap.

Moa long 300 manmeri bilong olgeta hap insait long Sauten Hailans na tu ol arapela ples i bin amamas long joinim 16-pela bisop bilong Papua Niugini na Solomon Ailan. Na stap insait long odinesen misa bilong Bisop J. Reichert.

Planti bruda, pater na sista i bin kamap na stap tu insait long dispela bikpela misa.

Bisop Firmin M. Schmidt, O.F.M. Cap i bin stiaim misa bilong givim Sakramen bilong Ordo-Bisop long Bisop Stiven na Asbisop Meier bilong Hagen wantaim Asbisop Ramiro Moliner Ingles. Pesmen bilong Pop i bin helpim em.

Ol manmeri bin amamas tru. Bikos mama bilong Bisop Stiven wantaim

tupela susa na kandre bilong em i bin kamap. Na stap wantaimem long dispela bikpela de bilong em.

Mama i bin karim Bisop Stiven long 1943 long taun bilong Leoville long hap bilong Kansas long Amerika.

Em i bin kisim Ordo-pris long 1969. Orait long 1970 em i kam long Papua Niugini long statim wok bilong em olsem wanpela pater.

Insait long 25 yia nau, em i bin mekim kankain wok insait long sios. Em i wok pastaim long peris bilong Pumberel kostu long Nipa. Sampela yia bihain, ol i salim em i go lukautim Kapusin Koles long Bomana long Pot Mosbi.

Taim em i pinisim dispela wok, ol i selektim em het bruda bilong ol lain Kapusin insait long Papua Niugini. Taim Pop John Paul II i makim em long kamap bisop, em i stap peris pris long Tari.

Ol askim i kamap nau long Wankain wok bilong komyuniti na lokal gavman stretim Lorengau maket

TAŪN Atoriti long Lorengau, Manus Provins, i kisim bikpela tok salens i kam long provinsal memba long stretim gut Lorengau maket.

Provinsal memba bilong Bupi Chupeu, Michael Chongahan i tok planti manmeri save nogat spes long lainim ol kaikai bilong ol antap long tebol na ol i save putim ol kaikai antap long gras na salim.

Em i tok sapos spes i liklik orait ol i mas opim maket spes i go bikpela nau long abrusim ol kain pasin olsem.

Mista Chongahan i tromoi dispela toktok tu i go antap long deputi primia Pika Kasau husat em Minista bilong Komyuniti Gavman.

Mista Chongahan i tok em i kirap nogut long lukim planti lain husat i save salim pis i save putim ol pis bilong

ol long ploa na salim.

Em i tok i no gutpela long putim ol abus na samting bilong kaikai long graun. Bikos win inap pulim ol das na pipia i go long ol kaikai we ol manmeri i ken baim na kisim sik.

Em i tok sapos spes long maket i liklik, moabeta taun atoriti mas lukluk long opim i go bikpela bai olgeta kaikai na abus i mas stap antap long tebol.

Bikman ya i tok em i amamas long wok bilong Maket Inspekta long lukim olsem eria bilong Lorengau taun maket i stap klin.

Long bekim ol dispela toktok bilong memba ya, deputi primia Pika Kasau i tok Lorengau taun maket i no bilong ol husat i stap insait long Lorengau taun o ol ples klostu tasol. Maket ya i bilong olgeta manmeri na pikinini insait long Manus Provins.

Kasau i tok olgeta manmeri mas lukluk gut na i no ken tromoi ol pipia nabaut long maket ples. Bikos em i maket bilong olgeta manmeri long provins.

Deputi primia i tok ol manmeri yet i save abrus na mekim samting i go krangi. Olsem na ol i tingting long muvim buai maket i go longwe liklik.

WOK bilong komyuniti gavman i no nupela long wok bilong lokal gavman kaunsil. Tupela wankain i gat wankain wok na sistem tasol.

Provinsal Minsita bilong Distrik Sevis long Sandaun provinsal gavman, Ulivian Ameneng i tok.

Mista Ameneng i tok long strongim tingting bilong ol komisina bilong Vanimo Taun

Atoriti na komyuniti gavman memba bilong narapela 24 konstituen-si insait long provins.

Minista Ameneng i tok olsem rot bilong pulim na kisim mani long lokal gavman sistem i save bihainim pasin bilong kamapim ol sabmisen long kisim ol projek. Na tu raitim ripot long ol wok projek ol i save yusim mani long en.

Em i tok Sandaun


gavman i kamapim dispela lo we i kamapim senis long lokal gavman sistem. Dispela i givim pawa long brukim daun eria bilong lokal gavman kaunsil we i bikpela na op moa long bipo.

Dispela senis i brukim olgeta kaunsil eria i go liklik long 25 konsituensi we ol bai i gat wanpela komyuniti gavman i kamap na makim ol wan wan.

Em i tok nau gavman bilong primia Peien Aloitch i kamapim dispela senis we i lukluk long givim pawa i go bek long ol pipel long ples.

Sandaun provinsal gavman i bin kamapim dispela Provinsal Viles Sevis polisi we dispela komyuniti gavman i kam insait.

Dispela bai givim wok i go bek long han bilong ol pipel.



• Ol wokman bilong tinpis faktori long Lae i klinim maus bilong wara Bumbu bihain long komplek long ol pipia i bagarapim ples.

Toktok bilong katim timba long Siassi

TOKTOK bilong timba kampani wok long go het long Siassi Ailan long Morobe Provins. Bikos long dispela, wanpela timba kampani no inap go insait long ailan long katim diwai.


Wanpela yut lida, Paul Alu i tok em i no laikim bai ol saveman bilong taun i go long ples na paulim ol manmeri long kainkain toktok bilong kampani kam katim timba.

Mista Alu i tok Siassi ailan i no bikpela. Em i gat bilip olsem sapos ol i larim ol timba kampani go insait na katim ol diwai, ailan bai bruk i go kamap tupela hap

Wanpela grup bilong Enviromen Faundesen i raun pinis long Siassi ailan, Morobe Patrol Pos long saut kos, Boana na ol arapela eria na putim kampa ol drama pilai long skulim ol pipel long lukautim bus bilong ol.

YU NO INAP WINIM

TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 **TOYOTA**

Ela Motors



Balus i pairap...Ol lain reskiu wokman bilong kantri Romania long Yurop i raunim olgeta hap bilong wampela bikpela Tarom Airbus A-310 em bin pairap taim ol man i putim wampela bom insait. Moa long 300 pasindia i dai long dispela bagarap.

LIKLIK NIUS

Rebel lida laik kisim marasin

JAKARTA-Indonesia: Rebel lida bilong Is Timor gorila i askim Indonesia gavman long larim em i go kisim marasin long haus sik. Nius ripot i tok rebel lida, Xanana Gusmao i laik kisim marasin bikos em i gat bagarap long long kidni bilong em.

Tasol ol wokman bilong Red Cross husat i bin go sekim em i tok i nogat bikpela wari tumas long bodi bilong Gusmao. Em bai i stap orait sapos em i ken kisim sampela marasin tasol long helpim em. Ami bilong Indonesia i bin holim Gusmao long 1992 long wampela pait namel long Is Timor na holim lida bilong ol. Em bai kisim sas long 20 kris-mas olgeta. Nau em i sevim tupela krismas nau.

Ripot i tok lida ya i makim pinis long holim wampela bikpela straik insait long haus kalabus sapos em i no kisim marasin.

Loya bilong em tu i bin mekim bikpela askim long gavman bilong Indonesia long larim Gusmao long kisim marasin.

Ol paitman bilong Is Timor i bin holim pait wantaim Indonesia gavman long wankain hevi olsem ol lain long Wes Irian i wok long kamapim. Is Timor tu i laikim independens bilong em yet.

Yangpela man kilim famili bilong em

DUNDIN- Nu Silan: Wampela yangpela man i sanap long ai bilong bikpela kot long Nu Silan long kilim indai papamama, tupela susa na brata bilong em long 20 Jun las yia. Em i stap long haus kalabus na wetim kot bilong em we i bin kamap long las wik.

Kot i bin skelim toktok bilong em i go tasol i no gat inap ripot long em i kilim famili bilong em yet. Tasol kot i skelim olsem sampela toktok bilong em i no kamap gut na tu em i wok long lusim tingting long planti samting em i bin tokaut o mekim pinis.


Nesenel kot jas i skelim olsem yangpela man ya i mas i gat sampela kain bagarap long tingting bilong em.

Long narapela taim bilong kot, yangpela man ya, David Bain husat i gat 23 krismas i tok em i bin lukim wampela woa piksa we ol i kilim man i dai. Olsem na em i laik traim long famili bilong em.

Kot i givim tripela moa wik long sindaun gen na skelim kot bilong em.

Maggi®
2-MINUTE NOODLES

BRICKGAME
COMPETITION
1000
ELECTRONIC BRICKGAMES TO BE WON



TO ENTER, SEND COMPLETED ENTRY FORM WITH 3 EMPTY MAGGI 2-MINUTE NOODLES PACKETS IN A STANDARD SIZED ENVELOPE TO:

MAGGI 2-MINUTE NOODLES
BRICK GAME COMPETITION
LOCKED MAIL BAG
BOROKO N.C.D

TERMS AND CONDITIONS:

1. Information on how to participate and prizes form part of these terms and conditions.
2. Entry is open to all residents of PNG except employees of Nestle and their families, its associated companies and agencies.
3. No responsibility is accepted for lost, misdirected or delayed mail.
4. 100 Brickgames to be won weekly for 10 weeks. All entries must be received not later than 12.00 noon on Friday for the same weeks draw under Police supervision.
5. Winners will be notified by registered mail and names will be published in the Post Courier every Monday.

NAME: _____

ADDRESS: _____

PHONE: _____


6. Prizes must be taken as offered and are not redeemable.
7. Competition commences on 26 March 1995 and closes on 26 May 1995.
8. In the event of any dispute the decision of the promoter (Nestle) is final and no correspondence will be entered into. All entries become the property of the promoter (Nestle).

Fast to cook, Good to eat.



Brukim ol Banis...

Ol lain Navy bilong Philipines i wok long brukim daun wampela bikpela net bilong kisim pis em ol lain Saina i putim. Presiden bilong Philipines Fidel Ramos i tok ol Saina i save brukim lo na painim pis long solwara bilong ol narapela lain kantri. Ol Saina i save mekim dispela pasin long planti kantri.



Harim toktok bilong bos...Wampela meri husat i join-im wampela kalt muvmen long Japan i sindaun na harim gut toktok bilong bos bilong em. Ol lain ya i save mekim ol posin ges we i save mekim ol man i sik.



Bikpela kilok...Wampela wokman bilong wampela fektori bilong mekim ol kilok long London i setim taim bilong wampela ol traipela klok em ol i save mekim.

Ol wansolwara nius

Gutpela wok pren namel long Frans na Forum

FORUM: Jenerel Seketeri bilong Saut Pasifik Forum Ieremia Tabai i tok amamas long gutpela wok poroman Forum i gat wantaim Frans. Na em i tok dispela gutpela wok pren bai i go het yet namel long ol wantaim kamap bilong nupela presiden bilong Frans, Jacques Chirac.

Mista Tabai i tok long planti yia nau ol Forum kantri ibin go hetim gutpela wok bung olsem ol poroman wantaim Frans. Na ol wok developmen we Frans i helpim kamap na go het long rijon.

Mista Tabai i amamas long gutpela luksave we i stap namel long Forum na Frans long ol isu olsem Nu Kaledonia na nuklia tes we Frans i karimaut long rijon. Na em i gat bikpela hop long nupela presiden Mista Jirac bai i go het long luksave na developim ol polisi we tupela grup i gat namel long ol long nau.

Stapim loging long Pavuvu

SOLOMON AILANS: Oposisen lida long Solomon Ailans gavman Sir Bradley Debesi i laikim gavman long stapim wok long katim timba long Pavuvu Ailan.

Ol papagraun long ailan ya ino laik bai Mavin Bratas, wampela kampani bilong Malesia i go hetim loging operesen long ples bilong ol.

Sir Bradley i tok sapos gavman i ting em i bosim strong kantri na ol risosis long graun, moabeta em i rausim dispela loging kamapani nau.

Em i tok i gat ol ripot i kamap we i sutim tok long ol bikman bilong ol ausait loging kampani husat i grisim sampela gavman minista long givim ol tokorait i go long ol bilong ranim bisnis.

Tok we gavman i givim olsem ol i salim ol plis wantaim nogat gan long stapim trabel long Pavuvu long Ista Sande ino tru, Sir Bradley em i tok. Bikos ol bin lukim wampela opisa long lotu wantaim ful yunifom na tu em bin karim gan wantaim em.


Gavman ibin salim ol plis fil fos memba long lukautim ol Maving Bratas long taim ol asples i kros na ol ibin laik go kukim ol masin bilong yusim long loging operesen. Ol plisman ibin holim pasim 56 pipel long taim ol i laik mas i go long kem bilong kampani. Ol bin karim ol tamiok na naip samting wantaim.


Paradise Bisket Holimpasim Prais

Kampani bilong mekim olgeta Paradise Bisket i holimpasim nau prais bilong ol.

Dispela i min olsem feveret ol Paradise bisket bilong yu olsem Nambawan Bisket, Beef Cracker, Chicken Cracker, Scotch Finger na Coconut Crunch em ol pes jois nau bilong yu.

Olsem na tingim, neks taim yu go soping, Paradise Biskets i gutpela long famili bilong yu.





*St Luke Sios long Moim Komyuniti Skul insait long Angoram Distrik bilong Is Sepik i stap aninit long wara bihainim dispela bikpela haiwara i kamap long las mun we planti pipel i kisim bagarap.



*Ol lain man ya i amamas na singsing long Fatima Insait long Banz, Westen Hailens provins long taim ol bikman bilong edukesen i go raun long Fatima.



Tupela poto ya long lephan na raithan i soim ples Kambaramba insait long Angoram distrik bilong Is Sepik provins. Ples ya em wanpela bilong ol hap insait long wara Sepik we i kisim bikpela bagarap tru long bikpela haiwara ya nau i wok long bagarapim Sepik Wara. Plantim ol pipel i kisim sik na tu i dai. Olgeta wok bilong helpim ol pipel i go het yet nau.



KLINA KLINA KLINA

KLINA KLINA

KLINA



...usim olgeta dei!

- * Em strongpela hap sop!
- * Em save stap longpela taim!
- * Em isi wei long mekim samting klin!

Is Sepik kirapim wanpela okit neseri long provins

IS Sepik Provins i gat tingting nau long planim na lukautim wanpela okit plawa nem bilong en Sepik Blu.

Dispela okit plawa Sepik Blu em i provinsal plawa bilong Is Sepik Provins.

Sepik Blu na tu ol arapela okit plawa i gro na stap long het bilong Sepik wara na sampela arapela eria insait long Is Sepik Provins.

Long namba wan tru, Sepik Blu okit i gro long ol eria insait long Karawari Leks long hap bilong Amboin. Wanpela man Australia, nem bilong em Kepten Blood, bilong Australia Ami bin namba wan man long painimaut dispela nupela na narakain okit plawa.

Bihain long Kepten Blood i painimaut long dispela nupela okit plawa, planti turis na ol arapela ovasis manmeri bin go insait long Amboin eria long lukim dispela okit plawa.

Long samting olsem yia 1600, wanpela botanis (saveman bilong ol samting bilong bus), nem bilong em Henry Miller i bin go raun insait long long Amboin eria. Na em i stat long baim ol stik okit. Bikos long dispela nupela kain okit plawa, Mista Miller i kirapim wanpela liklik hotel long Karawari eria. Na em i givim nem Karawari Los long dispela liklik hotel.

Long sampela yia i go pinis, Is Sepik Provinsal Eksekutiv Kaunsil i holim kibung na makim dispela nupela kain okit olsem plawa bilong provins. Na ol i givim nem long dispela okit plawa olsem Sepik Blue.

Long nau yet, Divisen bilong Komes na Industri long Dipatmen Bilong Is Sepik, i gat tingting na plen long putim kamap wanpela provinsal okit neseri. Astingting em long planim na lukautim Sepik Blu na ol arapela okit plawa na ol i no lusim provins na long ol ovasis kantri.

Sandaun lenona kampani i sutim tok nau long SBDC na Vanimo Fores Prodak

STAN RANGA i raitim

SIAMAN bilong Pante Entaprais, wanpela lokol lenona kampani insait long Sandaun Provins, John Tonte i askim nau Dipatmen Bilong Komes na Industri long saspenim Sandaun Bisnis Developmen Komiti (SBDC). Na tu, mekimsave long Vanimo Fores Prodak kampani long kisim longpela taim tumas long givim sab kontrak bilong stivedoring i go long ol lokol kampani em ol i gat laik long karim aut stivedoring wok.

Mista Tonte i tok las yia Vanimo Fores Prodak i bin edvetaisim dispela wok bilong sab kontrak. Na i gat tupela grup i bin aplai. Tasol wanpela i rausim aplikesen bilong en. Bikos ol i no papa tru bilong eria we bris bilong Vanimo Fores Prodak (VFP) i stap long en. Na tu i bin i gat toktok kros i kamap namel long dispela tupela grup.

Stivedoring wok

Klen bilong Mista Tonte, Pante/Wuble i papa long eria we bris bilong VFP i stap long en. Na papagraun kampani bilong ol i gat laik long karim aut stivedoring wok.

Mista Tonte i tok ol i bin raitim namba wan pas i go long seketeri bilong Komes na Bisnis Promosen long Pot Mosbi Kikireng Wargem. Na Mista Wargem i givim toksave ong kampani. Tasol BDC i no kisim wanpela gutpela bekim bihainim

pas bilong ol i kam inap nau. Olsem na ol i laikim olsem Invesmen Promesen Atoriti (IPA) i mas mekim wanpela samting.

Aninit long agrimen Pante Entaprais i kamapim wantaim VFP, Pante Entaprais bai saplaim ol wokman na lukautim olgeta ekspens bilong haiarim ol masin long bris taim sip i kam insait long kisim timba.

"Mipela i stretim ma redim pinis olgeta pepa wok bilong kampani. Na tu mipela i painim na stretim pinis rot bilong kisim mani long karim aut dispela sab kontrak wok. Tasol watpo na VFP na BDC i wok long larim mipela i stap long tudak wantaim nogat toksave," Mista Tonte i tok.

Tingting long kot

Long nau yet, Tonte i tokaut, Pante Entaprais i gat tingting long bringim dispela samting i go long han bilong kot. Bikos ol i brukim dispela tokorait wantaim grup bilong em.

"Sapos olgeta toktok bilong kot i orait, mipela bai stopim kampani long yusim bris. Bikos ol i no baim yet dispela hap graun we bris i stap long en," Tonte i tok.

SIAMAN bilong BDC, Mark Martin i toksave pinis long ol komiti memba bilong em na jenerel menesa bilong VFP long dispela wari bilong Pante Entaprais.

Tasol em i tok BDC na VFP i kisim longpela taim long stretim wari bilong ol bikos ol i laikim tupela wantaim long stretim bel hevi tupela i gat.

Dome Resources i bungim ol papagraun

OL pipel bilong Dilava eria " long Goilala klostu long Tolukuma Gol Main bin tokorait pinis long Dome Resources Pty Ltd bilong Australia long mekim wok bilong painim gol.


OL i givim dispela tokorait long wanpela miting ol i kolim Mining Waden Miting long Kodige klostu long Fane Katolik Misin.

Tasol ol i askim kampani ya long no ken bagarapim envairomen bilong ol.

Dispela eksploressn laisens namba 894 i karamapim ples Fane na i go daun long ples Kodige, Karame, Ilide, Avela, Baura, Baida, Havora, Mugolani, Haivani na Yaloge.

Mausman bilong ol pipel, Louis Mona i tokim kampani long helpim ol pipel.

NEW AXION LEMON GREASE STRIPPER



**ISI WE LONG
KLINIM OL DIS
NA SOSPEN
BILONG YU!**

Papua rijon kaunsil bilong ol meri kisim sampela moa masin bilong samapim ol klos

VERONICA HATUTASI
raitim

EM i bikpela samting long helpim ol meri insait long kantri. Na ol i ken kisim gutpela save long kamapim gutpela sindaun namel long ol na famili bilong ol.

Presiden bilong Non Gavman Oganaisesen bilong ol meri, Rose Mojica i mekim dispela toktok:

Em i mekim dispela toktok taim em i givim 5-pela masin bilong samapim klos i go long kaunsil bilong ol meri long Papua rijon long dispela wik Tunde.

Dispela 5-pela masin bilong samapim klos i kos K875.

Misis Mojica i tok askim bilong ol meri long ol dispela masin na em i putim kamap wanpela danis long Travelos hotel long Epril 29. Na em i yusim mani em i kamapim long dispela danis na baim dispela 5-pela masin bilong samapim klos.

Presiden bilong kaunsil bilong ol meri long Papua rijon, Ethel Gabi makim grup bilong em na kisim ol dispela

masin long Misis Mojica. Na i gat bikpela amamas na tu i givim bikpela tok tenkyu i go long Misis Mojica.

"Mi gat bikpela amamas. Bikos ol dispela masin bai givim bikpela helpim i go long ol meri long lainim na kisim save bilong samapim ol klos," Misis Gabi tok.

Misis Gabi tok ol bai yusim

wanpela memba bilong ol Jenny Kiri olsem risos meri long skulim ol meri long samapim ol klos we ol i laikim.

Em i tok ol man husat i gat laik i ken kam na kisim skul long yusim ol masin bilong samapim ol klos.

Presiden bilong Nesenel Kaunsil Bilong ol Meri, Dem Josephine Abaijah i askim gav-

man long givim fainensal helpim i go long ol grup bilong ol meri insait long ol ruel eria. Na ol i ken yusim dispela mani long kirapim ol liklik projek long kamapim mani long helpim ol yet.

Em i tok ol liklik projek olsem kirapim na ranim ol ges haus long ol ruel eria i ken helpim ol meri.



• Dem Josephine Abaijah i traim wanpela bilong ol dispela masin.

Woksop bilong helpim ol Bogenvil

WANPELA woksop i go het nau long Goroka long bungim na skelim ol tingting long kamapim wanpela gutpela program we bai helpim ol pipel bilong Bogenvil long kisim bek gutpela sindaun.

Samting olsem 50 pipel i stap insait long dispela woksop. Ol i makim ol han bilong Yunaitet Nesen olsem UNDP na ol arapela, ol lain i makim Bogenvil Trensesenel Gavman, nesenel gavman na ol arapela moa husat i gat laik long helpim na stretim ol hevi long Bogenvil.

Makim praim minista

Stet minista na minista husat i helpim praim minista, Arnold Marsipal i bin makim praim minista long opim dispela woksop long Mande.

Em i laikim ol lain long dispela woksop long kamapim ol gutpela program we bai helpim tru ol pipel bilong Bogenvil. Dispela em ol program we bai helpim ol long kisim sampela mani. Bikos i no gutpela long ol i wetim helpim bilong gavman olgeta taim.

Mista Marsipal i laikim ol pipel long ol kea senta long Bogenvil long go bek long ol liklik ples bilong ol. Long wanem ol bai sindaun gut na mekim ol samting long laik bilong ol.

Em i tok tu olsem wok long stretim sindaun bilong ol pipel na ol samting we i bagarap long hevi long Bogenvil i bikpela wok tru. Na gavman bilong PNG i no inap long wokim ol dispela wok em yet. Olsem na em i nidim helpim bilong ol ausait lain.

Komyuniti gavman memba egensim senis long provinsal gavman

EMILY MATASORO i raitim

WANPELA memba bilong Rapatona Komyuniti Gavman insait long Manus Provins, Molean Kisokau i egensim tru gavman long kamapim senis long provinsal gavman sistem.

Mista Kisokau i tok ol nupela senis we gavman i laik kamapim long provinsal gavman i no gutpela. Bikos pawa bilong wokim ol bikpela disisen long provins na kantri bai stap long han bilong ol bikman tasol long Mosbi. Em i askim ol memba long egensim dispela ol senis long narapela bung bilong ol long Lapan Asembli.

Makim ol pipel long Mouk/Tilienu long Rapatina ilektoret, Mista Kisokau i tok ol pipel bilong em i no wanbel long senis we gavman i laik kamapim. Em i tok ol pipel bilong em i laikim sistem nau ol i yusim.

Provinsal gavman sistem

"Ol pipel bilong mi gat strongpela bilip long provinsal gavman sistem we mipela i gat nau. Bikos dispela gavman i sevim mipela gut tru. Mipela i kisim ol gutpela sevis olsem helt na edukesen. Mipela i amamas long dispela sistem bilong gavman," Mista Kisokau i tok.

Em i tok i tru olsem sistem bilong nau yet i no wok gut long sampela arapela provins. Tasol asua i no stap long sistem. Asua i stap long ol pipel husat i karim aut wok aninit long dispela sistem.

Em i tokaut olsem ol pipel long ilektoret bilong em i no klia long mining bilong ol nupela senis. Ol i kisim wanpela saveman long tok klia long wanem ol samting bai kamap aninit long ol senis bai kamap.

"Mipela i no save ol i toktok long wanem samting. Ol senis i bilong kisim hariap ol sevis i go long ol pipel o i bilong i gat wanpela kain gayman sistem we wanpela liklik grup tasol bai bosim?" Mista Kisokau i askim.

Manus laik rausim refuji kem

MANUS Provinsal Gavman i tingting long muvim ol Wes Irian refuji long ples Niwok long Is Lorengau i go long nupela hap graun.

Ol provinsal memba i paitim toktok pinis insait long Haus Lapan long dispela toktok bikos long ol nupela wok projek ol i laik kamapim long dispela hap bilong Niwok.

Memba bilong Saut Westen, John Aile i askim primia Stephen Pokawin long asembli miting bilong Manus long 20 Epril. Mista Alle i askim sapos gavman i kamapim sampela tingting pinis long muvim ol refuji manmeri long dispela hap graun bikos long ol nupela wok projek we i laik kamap.

Primia na Minsita bilong Fainens, Mista Pokawin i tokaut olsem ol refuji i wanbel long dispela tingting bilong lusim Nuwok na go sindaun long nupela hap.

Mista Pokawin i tok ol toktok i go orait pinis na ol bai painim wanem hap graun i gutpela lokng muvim ol lain manmeri ya. Ol bai makim liklik blok bilong ol refuji



Post PNG
GOING PLACES

Dear Post PNG Customers

We have set up a "CUSTOMER SUPPORT CENTRE" dealing with any of your valid complaints, enquiries or suggestions. Please call our friendly staff, William or Greg at this centre on 3003705 with your queries. Alternatively, you may fax us on 27 4866 or write to us, on P.O. Box 2, Boroko, NCD.

Please remember, at PTC POST, we continuously strive to serve you better.

JAYANT S GULWADI
Acting General Manager
Post PNG

PANGOLAIP STAIL

Laip insait long setelmen em laip bilong wanwan

YAKAM KELO i raitim

SETELMEEN em ples we yu ken mekim samting yu ting i gutpela long givim yu gutpela sindaun na amamas. I nogat tambu long wok bisnis o pati bilong yu.

Bikmoning yet mi slip na harim ol pik i kraik long dua bilong haus. Na mi ting ples i tulait nau long ol manmeri kirap long haus.

Tasol mi kirap nogut tru olsem mi stap long Lae siti. Tasol ol pik, kakaruk na sipsip i wokabaut long rot long painim kaikai. Dispela i no long asples bilong mi stret.

Dispela hap setelmen long Wes Taraka long Lae siti em wanpela bikpela setelmen we kain kain abus na samting we i save stap long rot na raun long ol haus long painim kaikai.

I gat kainkain manmeri tu planti planti hap provins i pulap long dispela hap setelmen. Planti bilong ol i kam long Kerowagi long Simbu Provins. Yu ken luksave long ol hariap. Bikos ol bai sindaun long ol liklik grup na salim buai, pilai kas na tu pilai bingo. Na tokples bilong ol bai pairap ples klia.

Papa bilong mi i baim wanpela blok long dispela hap na mipela i stap long en tasol long namba wan taim, mipela i nogat wantok o poroman long toktok wantaim bikos mipela i nupela long dispela hap setelmen.

Moa long 3,000 manmeri i stap long dispela hap setelmen na olgeta de na nait, bai ol manmeri i wokabaut na mekim nois raun. Dispela em i ples bilong nois tru.

Kampani papa bilong mi i save wok long en i bruk daun olsem na mipela i lusim kampani haus na go painim dispela hap blok long stap long en. Bikpela samting em mi stap yet long skul olsem na papamama i tingting long painim wanpela hap we mipela i ken

stap long en inap mi pinisim skul bilong mi. Mi bin wokim gret 7 bilong mi long 1984 long Bugandi hai skul long dispela taim.

Papa i traim long stretim gut dispela hap blok bilong mipela na planim ol liklik samting olsem buai na ol flawa raunim blok bilong mipela.

Liklik brata bilong mi tasol i bin namba wan man long wokim poroman wantaim ol manki long dispela setelmen. Ol i save raun long rot, lukim piksa, go waswas long Bumbu wara na raun wantaim long taun long olgeta de. Liklik brata i wok long bringim ol poro-

man i kam klostu long save long mipela.

Long wiken taim mi go long haus long lukim mamapapa bilong mi, mi no save slip gut bikos long nois. Ol spakman bai raun na singsing na tu kainkain disko i save kamap long setelmen long olgeta wiken. Mi bin nupela long dispela kain laip taim mipela i bin stap long banis bilong kampani inap mipela i muv i go long setelmen.

Na mi save olsem dispela laip bilong setelmen tu i wok long pulim liklik brata bilong mi i go moa long ol kain raun na bikhet pasin bilong ol yangpela long setelmen.

Wanpela Morobe long hap bilong Sialum i save stap klostu long

mipela. Em i marit long meri Simbu na olgeta de, tupela i save pas wantaim mipela long toktok na kuk kaikai samting. Man ya i kamap olsem brata bilong mipela na mipela olgeta i save kolim mamapapa long tupela lapun bilong mi.

Dispela setelmen i kamap olsem wanpela kain ples we i gat hap laip bilong taun i stap na hap laip bilong ples kanaka i stap. Bikos i gat ol bikpela stua na supamaket i stap we i save salim ol planti ol gutpela samting bilong taun. Tasol arere long stua i gat maket buai na lus smok na spia rol.

Ol manmeri save kukim ol abus na salim gen long rot, sampela i wokim paia na kukim ol

mit na ol man i ken baim stet long 10 toea na 20 toea. Sampela i kukim flaua long haus na kam salim long rot. I gat ol haus kopi i stap we yu ken baim flaua na go baim wanpela kap kopi na dring wantaim.

Mi lukim tu olsem planti yangpela manmeri i no wari tumas long kukim kaikai long haus na kaikai. Bikos planti liklik mes o haus kaikai i sanap arere long ol rot na strit bilong dispela setelmen.

Long moning ol kopi stua i op yu ken tromoi 20 toea long wanpela kap na 20 toea long tupela flaua na dring wantaim kopi.

Apinun tu i gat kuk mit i stap pinis arere long rot wantaim ol kaukau o banana we ol i tromoi

antap long paia wantaim ol sipsip na kau mit we i kuk na redi i stap.

Long narapela sait tu i gat ol pik, kakaruk, sipsip, banis kapul na ol arapela abus i stap. Sampela bilong ol dispela abus i raun nating long rot na painim kaikai raun we papa bilong ol i no wari long putim ol insait long banis.

Wanwan man husat i gat mani i save pulim lait i go insait long haus bilong ol. Ol i save tingim long wokim gutpela haus bikos taim ol i laik salim, bai ol i mas kisim gutpela pe long en.


Planti lain husat i stap long setelmen longpela taim pinis i no inap long salim blok bilong ol long liklik mani. Sas

bilong ol i save stap long K1,000 i go antap long K20,000.

Ol i save sasim blok bilong ol bihainim amas buai, kokonas na wanem kain diwai kaikai o frut ol i planim wantaim. Prais bilong ol dispela samting i save go wantaim prais bilong haus na ol wok ol i mekim long lukautim blok i stap gut.

Dispela em kain laip yu inap painim insait long setelmen. Mi bin raun tu long ol sampela setelmen long Lae, Madang na Mosbi; na mi lukim olsem dispela wankain pasin i stap long olgeta hap.

Dispela em laip na dispela em stail bilong ol setelmen manmeri we ol yet i kamapim long mekim sindaun bilong ol long setelmen.



Soim kalsa tasol... Dispela tupela meri Madang i memba bilong wanpela singsing grup husat i bin danis na amamasim ol Spika bilong ol Komonwel Kantri em ol i bin go lukluk raun long Madang. Olgeta Spika bilong ol Komonwel Kantri kam na bung long Papua Niugini long holim wanpela bikpela kibung bilong ol. *Poto: Edna Diuvia.*

Bata, yu kam ya... Dispela liklik manki ya tu i bin brukim skru na mekim save long singsing long amamasim ol Spika bilong ol Komonwel Kantri.

COLOR

Wan Smol Beg bilong Vanuatu soim pes long Wewak

FUZO PAUL i raitim.

SAMTING olsem i go pinis, wanpela tiata grup bilong Vanuatu i bin lusim Vanuatu na kam kamap long Wewak, Is Sepik Provins.

Nem bilong dispela tiata grup ya em Wan Smol Beg Tiata Grup-*One Small Bag Theatre Group*.

Wan Smol Tiata Grup i wanpela bikpela tiata grup insait long Vanuatu. Dispela tiata grup i bin stat long 1989 long biktaun bilong Vanuatu ol i kolim Pot Vila.

Dispela tiata grup i bin stat wantaim 4-pela memba tasol-wanpela meri na tripela man. Dispela meri wantaim 4-pela man ya man i kisim helpim i kam long wanpela oganaisesen ol i kolim Komyuniti Eid Abrod (CAA) long statim dispela tiata grup bilong ol. Na tu long putim kamap ol drama na arapela pilai na karim aut ol awenes kempen.

Bihain long helpim ol i kisim long CAA, Wan Smol Beg Tiata Grup stat long 1993 i kam inap long dispela yia, i save kisim ful taim fanding i kam long wanpela arapela oganaisesen ol i kolim ADA. Bihainim dispela ful taim fanding i kam long ADA, Wan Smol Beg i stat long kisim planti yangpela manmeri long joinim grup na kamap olsem ol memba bilong tiata grup.

Taim tiata grup ya i

luksave olsem em i gat planti memba, ol bosman na bosmeri bilong grup i paitim toktok na wokim disisen long wokim tupela grup. Em nau ol i brukim grup i go tupela na skelim ol memba i go i kam long tupela grup wantaim.

Namba wan grup i save go aut long ol arapela kantri bihainim ol askim bilong ol tiata grup bilong ol arapela kantri. Namba tu grup i save go aut tu long ol ara(pela kantri. Tasol astingting em long go aut na senisim ol pasin tumbuna, kasla na kastam wantaim ol memba bilong ol tiata grup bilong ol kantri ol i go na stap.

Wan Smol Beg tiata grup i bin lusim Vanu-

atu na kam kamap long Wewak long stap insait long wanpela provinsal woksop bilong olgeta komyuniti tiata grup insait long Is Sepik Provins.

Insait long dispela woksop, Wam Smol Beg tiata grup i helpim ol lokol tiata grup insait long Is Sepik Provins long kliapela tingting long rot bilong raitim ol drama pilai na karim aut ol awenes kempen na progrem.

Dispela woksop bilong ol tiata grup i bin kamap long banis bilong Is Sepik Kaunsil Bilong ol Meri (ESCOW). I bin i gat 9-pela tiata grup bilong na 28 manmeri bin kamap na bung long stap insait long dispela woksop. Ol tiata grup ya i bilong Ambunti, Maprik na Wewak. Nem bilong ol dispela 9-pela tiata grup ya em

Ignore, Tumbuna Kopikets, Gaindus, Kamba, Vatmai, Hapma, Mukaina na Kwomyen.

Ol lain husat i kamap na bung long dispela woksop i bin amamas tru long bungim Wan Smol Beg tiata grup bilong Vanuatu.

Wan Smol Beg i no skulim tasol ol lain em ol i kamap na bung long dispela woksop. Nogat. Em i go aut na putim kamap ol drama pilai long ol skul, ples, komyuniti na tu insait long Wewak taun yet. Ol pilai drama Wan Smol Beg i putim kamap i toktok long gutpela na nogut bilong ol developmen wok na projek.

“Insait long dispela woksop, Wan Smol Beg tiata grup i helpim ol lokol tiata grup insait long Is Sepik Provins long kliapela tingting long rot bilong raitim ol pilai na drana na karim aut ol awenes kempen na progrem.”

Sampela eria we ol pilai drama bilong Wan Smol Beg i karamapim em helt, edukesen, kalsarel, loging, disabiliti, litiresi, AIDS na famili plening.

Ol tiata grup bilong Is Sepik bai soim sampela tredisenel na kalsarel pilai bilong

provins i go long Wan Smol Beg.

Meri husat i go pas long Wan Smol Beg tiata grup i tokaut olsem ol i no kam tasol olsem ol trenu long skulim na lainim ol tiata grup bilong Is Sepik Provins. Nogat. Ol i kam tu long lukluk na luksave long wanem

kain ol samting ol tiata grup long Is Sepik Provins i wokim. Long dispela rot ol i ken lainim na save long ol pasin tumbuna bilong ol pipel bilong Is Sepik Provins.

Wan Smol Beg tiata grup i lusim Wewak longl as wik Fraide na go bek long Vanuatu.



Lukautim envairomen...Dispela meri ya, nem bilong em Margaret Taylor, i wok long toktok na askim tupela NGO representativ bilong Amerika long wok bilong ol NGO insait long wol. Dispela i bin kamap long opis bilong Embasi bilong Amerika long Pot Mosbi. Margaret Taylor i wok long toktok na askim tupela NGO representativ bilong Amerika long wanpela kain satelait televisen we em i toktok na tupela i harim em. Na tupela i bekim ol askim bilong em. Foto: Godfried Yassafar.

1	2	3	4	5	6	7	
8		9				10	
	11			12	13		
14			15				
16			17				
		18				19	
	20	21		22			
23		24	25			26	
27		28			29	30	
		31		32	33		34
35		36				37	

SKRUIIM TOK

Lep i go long rait

- 1. Long taim ol prut i mau bai yu tok orait.
- 4. Strit.
- 6. Bilas bilong lek.
- 8. Bikpela ples long Morobe Provins.
- 10. Rot bilong go insait long haus.
- 11. Grup.
- 12. Tok ples bilong ol asples long Mosbi.
- 14. Man i no dai em i gat yet.
- 15. Wanpela ailan long Solomon Ailan.
- 16. Sapos lektrik pawa i bai i gat lait.
- 17. Sel bilong baim meri.
- 18. Samting i save ran long rot.
- 20. Tenpela de bihain long Jisas i kirap long matmat em i antap

- long heven.
- 22. Wanpela politikal grup long Manus.
- 23. Long Is Nu Briten na Nu Ailan, ol dispela lain husat i no bilong Katolik sios.
- 26. Melanesian Alaiens.
- 27. Yunaitet Nesens.
- 28. Wanpela distrik long Wes Sepik Provins.
- 29. Waiba em i Nesenel Minista bilong Haus.
- 31. Wanpela han bilong Plis Dipatmen i save sekap long ol pinga prin.
- 32. Ol lip bilong saksak em ol pipel i karamapim haus long en.
- 35. Tupela samting i helpim man long lukluk.

- 36. Birua pis bilong solwara.
- 37. Poisin.

Antap i go daun

- 1. Welpaul i save haitim ol kiau bilong insait long graun.
- 2. Dispela bikpela festival bipo i save kamap long Nu Ailan.
- 3. Jisas long Gut Fraide na em i kirap gen long Ista Sande.
- 12. I no strong.
- 13. Wanpela abus bilong solwara.
- 14. Ol plisman na soldia i patrol long ol strit bilong Lae bikos dispela samting i brukdaun.
- 15. Sampela meri i gat ol dispela long pes bilong ol.
- 17. Namba bihain long

- wan.
- 19. Wanpela grup em ol i makim long mekim wok.
- 21. memba bilong Palamen i wok long kempen nau.
- 23. Poro.
- 24. Kurakum em wanpela.
- 25. Strongpela dring em ol pipel bilong Westen Provins i save wokim.
- 29. Bruder.
- 30. Asembli ov God.
- 33. I no pas.
- 34. Wanpela saveman bilong Wes Irian husat i dai pinis.

ANSA BILONG SKRUIIM TOK LONG PES 19

Man bilong tokpilai lusim Wod Pablising

VERONICA
HATUTASI i raitim

MI bin lainim planti samting long taim mi wok wantaim Wod Pablising Kampani.

Dispela em hap tok tok bilong Pater Vince Ohlinger, man husat i holim posisen olsem Fainensal Kontrola na pastaim olsem Jenerel Manesa long Wod Pablising Kampani.

Wantok Niuspepa, The Times of PNG, Weekend Sports na PNG Business niuspepa em ol niuspepa bilong Wod Pablising.

Pater Vince i mekim dispela toktok long wanpela liklik bung we ol wokman na meri bilong kampani putim kamap long tok gutbai long em.

Taim em i mekim las toktok bilong em long lusim Wod Pablising, em i strongim ol wokman na meri bilong kampani long wokbung wantaim. Na karim aut wok long kamapim ol gutpela niuspepa we kampani wok long kamapim long nau yet.

Olgeta wokman na meri bilong Wod Pablising i save kolim pater ya Vince tasol. Em i wok 4-pela yia wantaim Wod Pablising. Long Septemba 1992 em i stat wok olsem Fainensal Kontrola. Na long Mas 1992, bihain long dai bilong olupela jenerel menesa Pater Jim Franks, Vince i tekova olsem jenerel manesa. Em i holim dispela posisen inap long Februari las yia long taim nupela Jenerel Manesa, Ian Fry i tekova. Na Vince i amamas long go bek long olupela posisen bilong em olsem Fainensal Kontrola. Long nau taim em i pinis long wok na go bek long ples bilong em long Amerika, em i lusim wok ya long han bilong Elizabeth Konga, wanpela meri Western Hailans Provins, husat i gat bikpela save long dispela wok.

Tasol Vince i laik tru long kisim dispela malolo. Olsem na em i lusim PNG long dispela wik Tunde na go bek long ples stret bilong em long Iowa long hap bilong Amerika.

Bihain long 8-pela mun long em i kisim malolo, em bai kam bek long PNG. Long Amerika, em bai go stap wantaim famili bilong em na ol arapela hauslain. Em bai wokim sampela riniual skul tu long dispela taim.

Bikpela tok tenkyu bilong Vince i go long olgeta wokman na meri bilong Wod Pablising



Pater Vince long katon...Dispela katon i soim Pater Vince i holim 4-pela niuspepa we Wod Pablising Kampani save wokim.

long mekim stap bilong em long kampani gutpela tru.

"Long stap na wok bilong mi wantaim dispela kampani, mi lainim planti bikpela samting, " Pater Vince i tokim ol wokman na meri bilong Wod Pablising long taim ol i bung na kaikai wantaim em.

Provinsal bos bilong em, Pater Francesco Sarego i bin askim em long kam wok wantaim Wod inap long 6-pela mun. Dispela em long 1991. Tasol laik na tingting bilong Vince

em long wok wantaim Wod long tripela yia. Olsem na em i stat wok wantaim Wod na em i muv long tupela posisen bilong fainensal kontrola na jenerel menesa na bek gen long bosim mani bilong kampani.

Tripela bikpela samting we Peter Vince i tok em i lainim na luksave taim em i wok wantaim Wod Pablising em long:

- Bikpela wok bilong midia (ol niuspepa, redio na televisen) long kantri. Bikpela tru em

"Provinsal bos bilong em, Pater Francesco Sarego i bin askim em long kam wok wantaim Wod long 6-pela mun."

long ol samting we Times of PNG na Wantok Niuspepa i save kamapim long kantri.

- Wanem samting we ol lain PNG manmeri yet inap kamapim sapos ol i wokbung wantaim. Dispela i kamap long ples kliia long Wod we i wanpela kampani yet bilong ol asples pipel. Na ol lain PNG wokman na meri ranim.

- Wokbung olsem wanpela tim i bikpela samting Vince i lukim long Wod Pablising. Na em i laikim dispela gutpela tim wok namel long ol wokman na meri mas go het.

Pater Vince i bin kam namba wan taim long PNG long Oktoba 15, 1968. Ol bosman bilong em i salim em long wok olsem pater long Wewak. Bihain em

i go long Rabaul. Long hap em i kamap saplin bilong ol wokman long ol plantesen long Kokopo. Bihain ol i salim em i go wok long Goroka we em i holim posisen olsem Dairekta bilong Nesenel Katolik Yut.

Long 1988, em i joinim Divain Wod Institut long Madang olsem Fainensal Dairekta. Em i lusim dispela posisen long 1991 long go malolo long Amerika. Taim em i stap long hap, em i kisim toksave long kam wok wantaim Wod Pablising na em i wanbel na kam.

Olsem nau taim em i lusim kampani, em i strongim ol wokman na meri long go het yet long karim aut gutpela wok ol i wok long mekim.



□ Wanpela taim Kanage i go raun long Kreer nambis. Long nambis em i rausim laplap bilong em n em i redi long kalap long solwara. Em i redi i stap na ol meri K, reer i kam. Abrus long em i kisim laplap nogat em i abrus na em sanap as nating. Bihain wanpela trik i kamap long em na em i askim ol meri. Yupela ges wanem hap mun i kam daun na i go antap long en.

JSYambui
WEWAK

□ Olgeta taim Kanage i save go painim pis long wanpela bikpela wara. Wanpela taim em i kisim susup bilong em na i go painim pis long wankain wara. Tasol i no long taim pekpek i bagarapim em. Na em i siksti i go long bus. Em i rausim rabis pinis na em i painim samting long klinim as bilong em.

Em i kisim wanpela ston na klinim as bilong em nogat. Ston i pinisim olgeta as bilong em na blut i bagarapim baksait bilong em.

Kanage i no wan bel long dispela ston i pinisim olgeta blut long as.

Sam Luke
KIMBE

□ Wanpela Sande moning wanpela manki Kabwum i pilai mabel i stap arere long haus bilong ol. I no long taim wanpela mabel bilong em i pundaun i go insait long gras. Em i painim i stap na wanpela Patar i kam. Manki i kirap na askim patar long God i stap long olgeta hap. Na patar i tok yes. Olsem na em askim, na God tu i stap insait long gras? Na Patar i bekim yes. Olsem na manki Kabwum kirap na tokim Patar, God i mas stllim mabel bilong mi.

John Karl
KIMBE

□ Wanpela taim Kanage i go danis long Munlait klap long Mosbi. Em i baim get long K8 na i go insait long danis. Dispela em i festaim bilong Kanage long Munlait. Na em i lukim kankain man na meri. Boi ros i go sindaun i stap na DJ i pilai wanpela gutpela singsing bilong em. Em i harim i stap na wanpela meri i kam na askim Kanage long tupela i danis. Hariap tru Kanage i kisim step na tupela meri i danis.

Tasol stail bilong meri long danis i olsem ol man laik pait olsem na hariap tru meri i askim Kanage. Yu bilong wanem hap? Kanage i tok em bilong Wains. I no long taim Kanage i bekim na askim meri. Meri i kirap na tokim Kanage long em bilong Mundi.

John Karl
KIMBE

□ Skul holide na Kanage wantaim wanpela manki i go raun long ples bilong Kanage. Ol i kamap long ples na olgeta man i amamas long lukim Kanage. Bikos em i stap long taim long skul na ol i no lukim em liklik.

Mama na papa bilong Kanage i kilim wanpela pig na kukim planti gutpela kaikai. Kanage i lukim olgeta kaikai ya na em i gat laik long kaikai ol dispela kaikai. Em i no glivim sans long pren bilong em. Olgeta man i kaikai pinis, tasol Kanage i go moa yet.

Bihain em i tok ekskus long ol man na em i laik kalap i go daun long haus boi. Taim em i putim leg long graun olgeta kaikai i kam ausait long tupela maus wantal. Long daun bilo na tu long antap na em i pundaun i go slip hap i dai i stap long graun. Bikos kaikai i pulap stret long bel bilong em.

Falcon M
MOSBI

Moa tok pilai long pes 19

Lukautim nau na bihain bai nogat wari

VERONICA HATUTASI i raitim

GRAUN, wara, bus, wara na ol arapela samting i stap long envairomen em ol bikpela samting tru long helpim sindaun na laip bilong mipela.

Hia long Papua Niugini, mipela i laki tru long i gat planti bilong ol dispela samting i stap long kantri bilong mipela. Tasol mipela i mas lukautim ol gut. Mipela i no ken seksek long mani na gris bilong ol ausait kampani na kantri long ol i kam bagarapim graun, bus, wara na ol arapela samting bilong mipela.

Maski maining na loging projek o wel na fiul projek i gutpela long pulim mani na ol arapela bikpela developmen i kam insait long kantri, ol dispela bikpela developmen projek i ken kamapim bagarap we bai senisim tru sindaun na laipstail bilong mipela. Olsem na ol papagraun na ol asples pipel i mas tingting gut. Orait paitim toktok wantaim ol ausait kampani na tokorait long givim

graun, bus na wara i go long ol long kamapim wok developmen.

Long nau yet, ol biknem kantri olsem Amerika i strongim ol liklik na ol kantri we i wok long develop yet long Esia, Afrika, Pasifik na Saut Amerika long lukautim gut envairomen bilong ol. Bikos ol i no laikim ol liklik kantri kisim wankain bagarap long envairomen bilong ol wankain olsem bagarap i kamap long envairomen bilong ol.

Long Amerika na ol arapela bikpela kantri, ol i gat ol envairomen muvmen na ol Non Gavman Oganaisesen husat i wok long karim aut ol awenes kempen long skulim ol pipel long lukautim gut envairomen. Na tu long toktok wantaim gavman na ol bikpela kampani long lukautim envairomen aninit long ol wok developmen.

Tupela biknem envairomen grup long Amerika em Sierra Klab na Wol Wailap

“Long Amerika na ol arapela bikpela kantri, ol i gat ol envairomen muvmen na ol Non Gavman Oganaisesen husat i wok long karim aut ol awenes kempen long skulim ol manmeri long lukautim envairomen bilong ol.”

Fan. Aninit long wok bilong tupela, dispela tupela Non Gavman Oganaisesen i save toktok na givim i go long gavman bilong Amerika long kamapim ol gutpela polisi long lukautim envairomen bihainim ol bikpela projek na wok kamap we kam aninit long wok bilong developmen.

PNG em i wanpela yangpela kantri we planti pipel i no klia gut yet olsem envairomen bilong mipela i bikpela samting tru. Na sapos

ol i katim na pinisim ol bikpela diwai na bus, ples bai bagarap olgeta. Planti save olsem ol tumbuna i bosim graun, bus, wara na ol arapela samting long ples. Na ol i givim ol long lukautim na yusim gut.

Tasol long nau, taim ol waitman i kam kamap long ples bilong mipela wantaim mani, klos, kaikai na ol arapela samting long mekim laip na sindaun gutpela, planti bilong mipela kwiktai kalap

long i gat ol dispela samting. Na wantaim nogat save, mipela i tokorait long ol bikpela ovasis kampani long kirapim wok long bus, graun na wara bilong mipela.

Long planti taim, gavman bilong mipela long nem bilong kamapim developmen na pulim mani long ranim kantri, save tokorait na larim ol bikpela ovasis kampani long kam insait na kirapim ol bisnis bilong ol. Dispela i gutpela. Tasol gavman i mas lukluk long tupela sait wantaim pastaim. Na skelim ol gutpela na nogut samting wanplea developmen projek i ken kamapim long envairomen, sindaun na laip bilong ol pipel.

Long PNG mipela i gat ol NGO na ol sios grup nusat i stat pinis long skulim ol grasrut pipel olsem graun, bus, wara na solwara na ol samting we i stap long ol em ol bikpela samting long laip bilong mipela. Na mipela i mas lukautim ol na ol pikinini na tumbuna i kam bihainim i ken lukim na yusim tu ol dispela samting.

Ol bikpela kantri lukim asua na bagarap ol i kamapim long envairomen bilong ol. Bikos ol laik kamapim developmen na ol bikpela industri long ples bilong ol. Olsem na ol envairomen na NGO grup i kempen strong nau long helpim long sevim envairomen bilong ol liklik kantri.

Bihainim developmen na ol bagarap i kamap long envairomen, ol i makim Epril 25 long olgeta yia olsem de bilong luksave long envairomen-Earth Day. Dispela yia i makim 25

yia bilong Earth Day. Bikos long dispela de long 1970, ol envairomen grup long Amerika i autim bikpela toktok na wari long bagarap we i stap long ea (air) na wara. Na long dispela de, long olgeta biksiti long Amerika, ol i holim ol demonstresen long soim pablik na gavman long Amerika olsem ol i no pilai long wari bilong ol. Na ol i laik bai gavman i luksave long wari bilong ol. Na mekim samting long daunim hevi we i stap long lukautim envairomen na tu daunim ol bagarap. Mekim na long namba wan taim gavman bilong Amerika i kamapim tupela lo bilong Klin Ea na Klin Wara.

Maski PNG wanpela yangpela na liklik kantri, em i joinim ol arapela bikpela na liklik brata kantri long pait bilong lukautim na sevim envairomen. Olsem na em i bin stap insait long bikpela Et

bung long Rio De Janeiro long 1992 we klostu long 200 kantri long wol i bung. Na toktok long wanem samting ol inap mekim long sevim envairomen.

Tingim, em i taim nau long mipela ol grasrut pipel long kantri long tingting strong envairomen na mekim sampela samting long lukautim.

Long makim Et de, Embasi bilong Amerika long Mosbi las Fraide, Me1 28 i bin hukim satelait televisen we i soim tupela biklain bilong Sierra Klab, Stephen Mills na Sinia Progrem opisa bilong WWLF na Frances Seymor i toktok wantaim ol lain envairomen grup long Indonesia na PNG.

Ol i toktok long ol bikpela wok we ol NGO grup i ken mekim long helpim na skulim ol pipel long lukautim envairomen insait long ol wanwan kantri ol i stap.

“Maski PNG em i wanpela yangpela na liklik kantri, em i joinim ol arapela bikpela na liklik kantri long pait bilong lukautim na sevim envairomen.”

Baha'i Faith 40 Years in PNG

"Long taim mi harim stori bilong Baha'i, mi laikim tru skul bilong ol. Mi ritim toktok long Baibel i tok yumi jen luksave long trupela profet long ol skul bilong em. Diawi nogut i no inap karim gutpela kaikai. Mi lukim planti gutpela kaikai i kamap long bilip bilong ol Baha'i. Ol i traim long bihainim gutpela sindaun. Ol i skulim man long mekim gutpela samting long laip, soim gutpela pasin long narapela manmeri.

" Bilip bilong Baha'i i wok long gro nau long wol. Tasol mi no save harim ol i tok baksait long ol narapela relisen. Bilip bilong Baha'i i tok ol relisen i gat nem bilong ol yet tasol olgeta i kam long wanpela God tasol. Baha'i em i wanpela nupela relisen. I gat planti pipel long wol i bihainim skul bilong Baha'i. I no long wanpela eria tasol.

"Insait long Yunaitet Nesen, ol Baha'i i gat nem long wok ol i mekim long bringim bel isi na gutpela sindaun long olgeta manmeri long wol. Mipela i gat nem long planti han bilong Yunaitet Nesen. Wanpela hap toktok bilong Baha'i i tok: Graun em i wanpela kantri na ol pipel i sitisen bilong en." Ol Baha'i i bilip long dispela na i bihainim dispela pasin. Mi bilip long gutpela kaikai. Na gutpela kaikai i save kamap long gutpela diwai."



Eki Analua, Kiando Village, Eastern Highlands

Wanpela Go, Wanpela Pipel, Wanpela Rilisen



Wokabaut liklik...Dispela brata ya long poto i wok long trenim animol ol i kolim sikau long wokabaut raun. Olsem na em i holim animol ya long tel bilong em na larim em i llimbur liklik. Poto: Michael Monda.

Pait egensim hevi bilong drag-dispela wok bai kamap olsem wanem?



HEVI bilong drag i stap long olgeta kantri insait long wol. I gat bikpela luksave i stap olsem hevi bilong drag em i wanpela bikpela hevi tru we sosaiti bungim long nau yet.

Sapos yu egensim dispela hap tok o yu sapotim, dispela bai no inap senisim toktok olsem dispela hevi ya em i wanpela bikpela hevi insait long wol. Na i wok long kamapim o kainkain hevi long ol manmeri, komyuniti na sosaiti. Dispela hevi wok long bagarapim ekonomi na ol famili. Long wankain taim, i wok long putim kamap mani bilong kilim pipel na raskol pasin insait long wol.

Long planti yia nau intanesenel komyuniti kam bung wantaim aninit long Yunaited Nesen long pait egensim dispela hevi. Tasol ripot bilong Yunaited Nesen Intanesenel Komisin bilong Nakotiks i soim ples kliia olsem dispela hevi wok long kamap moa bikpela long olgeta yia.

Long wanem rot bai wanpela kantri pait egensim dispela hevi we mipela i bungim long dispela taim?

I gat tupela samting we i save kam aninit long hevi bilong drag. Dispela tupela samting ya em saplai na diman. Diman i toktok long ol pipel husat i save laik long yusim drag. Na saplai i toktok long wok bilong planim na wokim ol drag na salim. Sampela taim ol i save kolim dispela olsem drag trefiking.

Mipela i toktok long ol drag we lo i egensim o i tambuim. I gat ligel diman i stap long ol drag we i kam aninit long ol medikel, dentel na veterinari wok. Tupela drag we i kam aninit long ol dispela wok em kokein na mofin. Long mekim isi long karim aut ol dis-

pela kain wok, i gat intanesenel kontrol na lo i karamapim wok bilong wokim ol dispela drag na saplai.

Long sampela yia i bin i gat bikpela toktok i kamap insait long intanesenel komyuniti long pasin bilong planim na wokim ol drag na ol pipel husat i save yusim drag.


O kantri olsem Yurope na Amerika we i gat bikpela diman bilong yusim ol drag, i save pinaninim gut tru ol kantri em ol i gat ol samting bilong wokim kamap ol drag. Eksampel-kokein ol i wokim kamap long Saut Amerika na opium na heroin ol i wokim insait long Esia rijon. Na ol kantri husat i save wokim kamap ol drag i save sutim tok i go long ol kantri we diman bilong yusim ol drag i moa bikpela.

Dispela i kamapim astingting olsem sapos yu pinisim saplai, diman bilong yusim drag bai pinis. Daunim saplai na dispela hevi bai pinis.

Ol atoriti na oganaisesen husat i pait egensim dispela hevi spenim bikpela na planti mani tru long daunim hevi bilong kokein insait long ol kantri long Saut Amerika. Tasol nogat wanpela samting i kamap.

Ol bikpela na strongpela lo i kamap long mekimsave long ol lain pipel husat i save karim ol drag. Ol arapela lo i kamap long ol plisman na ol arapela atoriti na lo ejensi long kisim ol samting bilong ol drag masta. Mekimsave long ol na brukim strong bilong ol na dispela bai bagarapim bisnis bilong ol pipel husat i save karim aut drag trefiking wok.

Tasol dispela samting i no kamap. Em i tru olsem sampela pipel i kisim mekimsave. Sampela i laki na ol i kisim drag i go aut long ol arapela kantri na ol



• Long dispela poto ya, yu ken lukim sampela samting we ol manmeri husat i save smokim mariwana i save yusim long wokim na redim dispela spakbrus long smokim. Sampela bilong ol dispela samting em ol nil ol i save yusim long putim ol drag i go insait long bodi bilong ol.

arapela i bringim drag i kam insait long kantri. Maski ol atoriti holimpasim, sasim na mkimsave long ol, ol arapela wanwok bilong ol i kisim ples bilong ol.

Sapalai bilong ol drag we lo i egensim i wok long kamap bikpela moa moa yet. I gat bilip i stap we dispela hevi ken pinis sapos mipela i daunim diman bilong ol drag nogut?

kamap bikpela. Long wanem ol i ken paul na i no save gut long drag.

Long senisim o kamapim pasin bilong ol pipel i no sispela samting. Dispela samting i ken kamap aninit long wok bilong karim aut ol awenes na edukesen. Sapos ol pipel i luksave gut long wanem kain ol hevi drag i ken kamapim long laip bilong ol, ol

hevi. Tasol planti no luksave long ol hevi. I gat sampela ripot i soim olsem awenes progrem bilong ol hevi tobako i ken kamapim wok long kamapim sampela gutpela samting kantri. Tasol dispela i kamap bihainim ol bikpela na strongpela lo we i tambuim ol pipel long smok long ol pablik ples na eria.

“Long daunim diman bilong yusim ol drag nogut i narakain. Bikos ol pipel i mas senisim pasin bilong ol long yusim drag o ol i mas i gat pasin bilong egensim drag nogut long namba wan taim.”

Long daunim diman bilong yusim ol drag nogut i narakain. Bikos ol pipel i mas senisim pasin bilong ol i ong yusim drag o ol i mas i gat pasin bilong egensim drag long namba wan taim. Wok bilong daunim diman i mas luksave long dispela samting.

Bikos long dispela samting, wok bilong daunim diman i mas lukluk long pipel taim ol i liklik yet. Na taim ol i

bai lusim drag o ol bai no inap tingting long traum yusim drag long namba wan taim.

Tasol em i no isi. I gat ol awenes progrem we i soim olsem planti pipel i no kisim gutpela luksave long ol hevi ol drag nogut i ken kamapim long ol.

Eksampel-i gat ol alkohol edukesen awenes o ol awenes progrem i toktok long HIV o AIDS. Sampela pipel i luksave long ol

Awenes bilong ol drag nogut we i mekim pre-tim ol pipel long sait bilong kisim bikpela mekimsave o bagarap i kamap long helt i no kamapim wanpela bikpela samting o luksave long stopim ol pipel long yusim drag.

Wok i no stap tasol long awenes long wanem samting drag i ken kamapim o mekim long wanpela man o meri. Bikpela wok i stap long skulim na tok

“Long senisim o kamapim pasin bilong ol pipel i no isipela samting.”

kliia long ol pipel long oli mas i gat gutpela laip. Na ol rot we ol i ken bihainim long painim gutpela sindaun.

Tru tumas, wok bilong daunim saplai gat ples o spes long pait egensim pasin bilong yusim ol drag nogut. Olgeta wok we i karamapim ol drag i mas kamap long pinisim wok bilong planim, wokim, salim na yusim ol drag nogut.

Tasol dispela samting tasol bai no inap karim aut dispela wok bilong daunim dispela hevi. Na tu ol awenes na edukesen progrem. Ol awenes na edukesen progrem i ken karim kaikai sapos mipela i karim aut ol dispela progrem na skulim ol lain mipela i tong o luksave i gat hevi bilong yusim ol drag nogut.

Dispela wok i no wok bilong polis na ol arapela pipel husat i save pait egensim dispela hevi tasol. Em i no wok

bilong Nakotiks Biro tasol. Wok bilong pait egensim dispela hevi no stap tasol long hangamapim ol posta na givim skul long ol pipel. Dispela wok i mas go daun na i go aut long komyuniti na go insait long famili.

Sapos wok bilong daunim saplai na diman i no kamap long komyuniti na famili, mipela bai no inap winim wok bilong pait egensim ol drag nogut. Mipela i mas skulim ol pipel na wankain taim strongim laip na sindaun bilong komyuniti na famili. Na ol pipel i ken save long trupela na gutpela mining bilong laip. Dispela bai daunim saplai na diman bilong ol drag nogut.

Dispela em i wanpela wok we mipela i no inap long karim aut i gat ol asua na hevi insait long gavman long wanem rot dispela wok i mas kamap.

MUSIK NA TELEWISEN

PAPUA NIUGINI



Sandaun boi redi long katim namba tu kaset

WINIS MAP i raitim

MUSIK industri long Papua Niugini wok long kamap bikpela moa moa yet wantaim ol musikman husat i no kisim skul long musik. Na planti lain long ol kantri olsem Solomon Ailan na Vanuatu i save laikim tru PNG musik.

Tasol industri ya em ol lain Tolai, Kerema, Oro, Morobe, Madang na Sepik wantaim ol Sentral tasol i save bosim. Ol lain i save laikim musik i ken tokaut stret olsem ol i no save harim wanpela musik bilong ol lain Sandaun.

Tasol provins ya i gat planti musikman i hait na i stap nabaut. Na i no soim save bilong ol yet long wanem ol i nogat gutpela rot long ol masin bilong mekim musik na ol i nogat sans.

Nau yet i gat samting olsem tupela grup tasol i rekotim pinis kaset bilong ol na i kamaut pinis. Tupela grup ya em *Wamobi Jeles* bilong ples Waromo long Vanimo na *Sandaun Misfits* husat i save stap long Wewak, Is Sepik Provins.

Sandaun Misfit i

kamap biknem ben tru wantaim singsing bilong ol "Sussan Lewa" we i go olgeta long holim namba wan ples long PNG Top 20 long 1992.


Long las mun John Ambom bilong ples Waromo long Vanimo i katim wanpela namba wan solo kaset bilong em. Taitel bilong kaset ya em *Surf In Style*. Ambom em namba tu man long provins long kamap wanpela solo atis.

Namba wan man husat i kamap solo atis em biknem pilai bilong Ararua Two Steven Anton bilong Aitape. Anton i bin pilai wantaim Ararua na bihain kamapim Ararua Two.

Tasol i no olsem Steven. John i mekim kaset bilong em long apim nem bilong Sandaun Provins.

"Steven i katim kaset bilong em. Tasol em i no apim nem bilong Sandaun," Ambon i tok.

John em bin olpela lid singa bilong Wamobi Jeles na ol i bin katim wanpela kaset bilong ol tasol long 1990 long Chin H Meen. Ben ya i bruk bihain long ben lida James Wakon i bin sik. Ambon i kam long Mosbi long mekim dri-man bilong em i kamap



tru. Na long pinis bilong 1993, em i pinisim wanpela demo kaset bilong em.

Long 1994, olgeta samting i ron gut long em na CHM i tokorait long demo bilong em. Album ya ol i bin mekim long 16 treks tasol i katim gen 48 trek.

I gat sampela singsing i stap we bai mekim yu seksek liklik olsem long sait A em "Meri O" wanpela singsing em ol Tower Roots stringben bilong Vanimo i save singsing. Na John i mekim dispela singsing.

i kamap moa gutpela wantaim ol musik masin.

Na namba tu singsing em *Surf In Style* em wanpela singsing i apim nem bilong wanpela nupela pilai em long ski long solwara wantaim ol bikpela solwara. Dispela pilai kamap bikpela tru nau long Vanimo.

Long sait B em wanpela singsing Siwbeh na i gutpela long ol lain i save laik danis. Siwbeh i stori long wanpela soldia long Vanimo husat i wok olsem praivet.

I KAM LONG Ela Motors OL WIL BILONG NESEN

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- 1 (1) Another Night M.C Sar and the Real McCoy (BMG)
- 2 (2) The Hit List Cliff Richard (EMI)
- 3 (10) Dookie Green Day (WARNER)
- 4 (5) No Need to Argue The Cranberries (ISL/POL)
- 5 (1) Hi Fi Way You Am I (roo/WAR)
- 6 (4) Smash Offspring (SHOCK)
- 7 (9) The Celts Enya (WARNER)
- 8 (6) Pulp Fiction Soundtrack (MCA)
- 9 (12) Vitalogy Pearl Jam (EPI/SONY)
- 10 (3) Janet Janet Jackson (VIR/EMI)

LONDON TOP TEN SINGLES

- 1 (1) Think Twice Celine Dion/Epic
- 2 (5) Don't Give Me Your Life Alex Party/Systematic
- 3 (2) I've Got A Little Something For You MN8/Columbia
- 4 (16) Push The Feeling On '95 Nightcrawlers/frr
- 5 (21) The Bomb! (These Sounds Fall..) Bucketheads Positiva
- 6 (3) No More I Love You's Annie Lenno/RCA
- 7 (8) Reach Up Perfecto Allstarz/Perfecto
- 8 (7) Set Me Free N-Trance/All Around The World
- 9 (4) Bedtime Story Madonna/Maverick
- 10 (-) Wake Up Boo! The Boo Radleys/Creation

USA TOP TEN SINGLES

- 1 (1) Creep TLC LaFace Gold
- 2 (2) On Bended Knee Boyz II Men Motown
- 3 (3) Another Night Real McCoy Arista Gold
- 4 (5) Take a Bow Madonna Maverick-Sire
- 5 (4) Always Bon Jovi Mercury Gold
- 6 (7) You Gotta Be Des'ree Music
- 7 (8) Before I Llet You Go Blackstreet Interscope
- 8 (9) Sukiyaki 4 PM Next Plateau
- 9 (6) Here Comes the Hotstepper Ini Kamoze Columbia Platinum
- 10 (10) I'm the Only One Melissa Etheridge Island

EMTV TELEWISEN

THURSDAY 11TH MAY, 1995

5:30	STATION OPEN
5:47	TRANSMISSION OPEN
6:00	ITN NEWS
6:30	DAYBREAK NEWS
7:00	TODAY SHOW
9:00	STATION CLOSE
9:01	PROGRAM HIGHLIGHTS
2:57	TRANSMISSION RESUMES
3:00	KIDS KONA
4:00	THE BOOK PLACE
4:30	HOT SCIENCE
4:30	WONDER WORLD
5:00	WONDER WORLD
5:30	HOME AND AWAY (G)
6:00	NATIONAL EMTV (G) NEWS
6:30	A CURRENT AFFAIR (G)
7:00	SALE OF THE CENTURY
7:28	LOTTO DRAW
7:30	NEIGHBOURS
8:00	FIZZ
9:00	CATS & DOGS
9:30	THE FOOTY SHOW
10:30	A CO PRACTICE
11:30	NATIONAL EM-TV NEWS REPLAY
11:57	MEDITATION WITH PASTOR WALO ARNI
12:00	STATION CLOSE

FRIDAY 12TH MAY, 1995

5:47	STATION OPEN
6:00	ITN NEWS
7:00	TODAY SHOW
9:00	STATION CLOSE
9:01	STATION RE-OPEN
2:53	TRANSMISSION RESUMES
3:00	KIDS KONA
4:00	THE BOOK PLACE
4:30	HOT SCIENCE
5:00	WONDER WORLD
5:29	EMTV NEWS BREAK
5:30	HOME AND AWAY
6:00	NATIONAL EMTV NEWS
6:30	A CURRENT AFFAIRS
7:00	SALE OF THE CENTURY
7:28	LOTTO DRAW
7:30	NEIGHBOURS
8:00	AUSTRALIA'S FUNNIEST HOME VIDEO SHOW
8:30	FRIDAY NIGHT FOOTBALL
11:00	RAVEN
12:27	MEDITATION WITH PASTOR WALO ARNI
12:30	STATION CLOSE

SATURDAY 13TH MAY, 1995

8:00	BUSINESS SUNDAY
9:00	SUNDAY
11:00	WIDE WORLD OF

SPORTS

1:00	GOLF SHOW
1:30	LUMEN 2000
2:00	MUSIC & THE SPOKEN WORLD
2:30	TBA
3:00	BONANZA
4:00	SPORTS SUNDAY
6:00	NATIONAL EMTV NEWS
6:30	HEY HEY ITS SATURDAY
8:30	NCDC NEWS
9:00	WRESTLING
10:00	GILLETTE
10:30	MARRIED WITH CHILDREN
11:00	LOVE & WAR
11:30	NATIONAL EMTV NEW REPLAY
11:57	MEDIATION WITH PASTOR WALO ARNI
12:00	STATION CLOSE

SUNDAY 14TH MAY, 1995

8:00	BUSINESS SUNDAY
9:00	SUNDAY
11:00	WIDE WORLD OF SPORTS
12:00	THE FOOTY SHOW
1:00	GOLF SHOW
1:30	LUMEN 2000



2:00	GRAND PRIX
4:00	SPORTS SUNDAY
6:00	NATIONAL EMTV NEWS
6:30	SUNDAY NIGHT FOOTBALL
7:30	60-MINUTES
8:30	SING WITH JOY
9:00	SUNDAY NIGHT MOVIE
10:50	CHIT CHAT WITH SIR PAULIAS MATANE
10:55	EMTV TOK SAVE
11:30	CHURCHES MAGAZINE
11:57	NATIONAL EMTV NEWS REPLAY
12:00	MEDITATION WITH PASTOR WALO ARNI
12:00	STATION CLOSE

PNG TOP TWENTY

AS AT 6/5/95

NO.	SONG	ARTIST
3 (1)	<i>Confuse Mangi</i>	JR Kopes
1 (2)	<i>Rabaul I Tapunang</i>	Charles Kivovon
2 (3)	<i>Dust Over Rabaul</i>	Wong/Bowman
4 (4)	<i>Rama Eno</i>	Tarikana
5 (5)	<i>Tariga Iau</i>	Painim Wok
7 (6)	<i>Kantri Blong Yumi</i>	Reks Band
10 (7)	<i>Elisa</i>	Sauga Band
6 (8)	<i>Pulim Win</i>	Greg/Telek
8 (9)	<i>Rabaul Town</i>	Barike
9 (10)	<i>Swit Hea t</i>	Painim Wok
17 (11)	<i>Wopa Country</i>	Bongas
0 (12)	<i>Butterfly</i>	Hollie Maea
14 (13)	<i>Gomang Na</i>	Bongas
16 (14)	<i>Asakom Asakom</i>	Chako Chako
15 (15)	<i>Bagwauraidia</i>	Dokona
11 (16)	<i>Lalohadai</i>	Dokona
19 (17)	<i>la Anna</i>	Raymond Rangatin
0 (18)	<i>Tipura Pure</i>	Hornetts
12 (19)	<i>Hungara Singa</i>	Hornetts
20 (20)	<i>Love will make it</i>	Riot Squad

* Ratings based on requests on Radio Kalang and not cassette sales.

ELA MOTORS - OL WIL BILONG NESEN

Pikinini bilong Pisin



BIPO bipo tru mipela i gat wanpela pisin o save stilim ol pikinini. Nem bilong em, Masianagai. Em i wanpela bikpela pisin tru, olsem tarangau. Tasol, em i wanpela man tru i tanim olsem pisin.

Orait, wanpela de tupela nupela marit i gat nupela bebi. Tupela i go long wok long gaden. Na tupela i hangamapim klostu long tupela na nildaun mekim save long wok gaden.

Taim tupela i nildaun long wok gaden, dispela bikpela pisin i isi tru i kam na autim pikinini wantaim bilum. Em i autim hariap tru na i karim em i flai i go.

Tupela marit i lukim olsem na ol i kraik singaut na tok; ai, yu karim bebi bilong mitupela i kam bik. Tasol pisin ya i no harim tupela. Em i glai i go antap long wanpela bikpela diwai talis.

Tupela marit i singaut singaut i go na nek bilong tupela i sot. Tupela i sanap taol na stat tromoi han. I go i go na han bilong tupela

tu i tait. Tupela i stap i go inap tudak i kamap na tupela i go long ples na slip.

Bebi ya i wok long krai long susu. Na pisin i wok long giaman givimem kain kain kaikai. Tasol liklik bebi i no pinis krai. Bihain em i givim bol bilong em long bebi ya. Em nau, bebi i pinis krai. Em i sindaun isi na pilai toktok i stap.

Tupela i stap i go sampela yia bihain na bebi ya i kamap wanpela draipela yangpela man tru.

Taim em i kamap bikpela pinis, em i askim papa bilong em olsem, hey papa, mama we? Papa bilong em i tok, mama bilong yu i dai pinis taim yu liklik yet.

Em i kirap na askim gen papa bilong em, na papa, mi kaikai wanem na mi kamap bikpela. Papa bilong em i tok, yu lukluk i go long hap. Em gaden bilong mi i stap long hap. Yu ting yu bikpela nating.

Man ya i amamas tru long papa bilong em. Na em i wok long bihainim ol han bilong diwai talis i go i kam olsem ples graun tru bilong em.

Bihain em i askim papa bilong em, hey papa, bai mi sindaun we na kom? Na papa bilong em i tok, yu bihainim dispela han

diwai i go long hap na sindaun komim gras bilong yu.

Taim em i laik go daun na kom, em i lukim tupela yangpela meri i pulimapim wara i stap. Em i no bin save olsem piksa bilong em i go kamap long wara ya.

Bikpela susa i lukim piksa bilong man ya insait long wara na man ya i luk nais tru. Olsem na namba wan susa i kirap hariap tru na mekim wara i doti. Em i pret, nogut liklik susa bilong em i lukim tu. Liklik susa i kirap na helpim bikpela susa long mekim wara i doti. I go i go na taim tupela i larim wara i laik klia, tupela wantaim i lukim dispela man i sindaun lap long tupela i stap.

Tupela i kirap na ran i go long ples na tokim papa bilong tupela. Na tupela i askim papa tu olsem, papa inap long yu salim tok i go long ol lain bilong yu i kam katim daun wanpela diwai bilong mitupela. Mitupela i bin lukim wanpela gutpela samt- ing. Mitupela bai maritim wanpela gutpela man.

Na papa bilong tupela i kilim ol pik, pasim buai na brus na salim i go long ol lain bilong em. Em nau na ol lain bilong ples bilong em i makim wanpela de ol bai kam na katim daun dispela diwai.



Dispela de i kamap na ol i go long katim. Ol i katim dispela diwai i go i go inap sampela wik olgeta. Na taim dispela diwai i bruk, dispela man ya i kalap i go aninit long ol lip bilong diwai na hait i stap. Ol man i wok long traime painim em i go i go tasol ol i no painim em. Na ol i kirap na lusim na i go long ples bilong ol.

Na tupela meri ya i hait klostu long as bilong dispela diwai. Tupela i stap i go i go klostu long apinun, man ya i ting olgeta man i go long ples pinis. Em i kirap long ples em i hait long en na em i kam autsait. Em i kam na sindaun stret long as bilong diwai we tupela meri ya i hait i stap long en.

Taim em i sindaun i stap, tupela meri ya i kam isi tasol na holimpasim em. Man ya i tok, plis lusim mi i

go. Tasol tupela meri ya i tok, plis kam wantaim mitupela long ples bilong mitupela.

Em i harim tupela na i go wantaim tupela. Ol i wokabout i go long rot na bikpela susa i askim liklik susa osem, husat bai maritim em? Mio yu? Na liklik susa i kirap na tok, maski mitupela i lukim em wantaim. Oke, mitupela i mas maritim em wantaim.

Tupela i wok long toktok kros i go kamap long papa bilong tupela. Papa bilong tupela i skelim toktok i go i go na em i tok, yu bikpela susa bai maritim em. Olsem na bikpela susa i maritim em na liklik susa no gat.

Olsem na nau, yu ken lukim, ol namba wan pikinini i save marit long asples. Na ol namba tu o namba tri i save marit i go longwe.



■ KANAGE i go raun long Koki na hangre i bagarapim em. Em i sekim poket na 10 toea tasol i stap na em i wok long tingting long samt- ing bilong baim. Long sem taim, em i lukim ol meri Wanigela i sindaun salim ol skon na senwits i stap. Boi i go tasol na askim ol, "Hamas?" Nau meri Wanigela i bekim, "Ol ditpela tenwis em posi, pipsi na tiks soea. Na ol plaua em sen, swensi na sesi soea." Kanage i no wet. Boi kirap tromoi 10 toea i go daun, rausim wanpela senwits bilong 60 toea na tekov. Meri Wanigela kirap na singaut, "Holim em, holim tiks, em i go, holim tiks." Tasol tulet, Kanage putim moa pawa na lus long Badili.

S. Metta,
Goroka, E.H.P.

□ KENEX em wanpela gutbras bilong Kanage. Wanpela taim em i go wok long somil. Bos i singautim Kenex na tokim em long go kaunim olgeta diwai long haus. Kenex i kaunim ol diwai i go na stop long 100. Em i go bek na tokim bos, "Bos, mi kaunim ol diwai i go na namba i sot ya." Nau bos i kirap na askim Kenex, "Are you sure?" Na Kenex i bekim, "Mi nogat sua." Nau bos i kirap na tok, "You liar." Tasol Kenex i tok, "Bos mi no bilong lae." Bos tu i bel hat olgeta na kirap singaut antap long Kenex, "Yu stupid." Kwiktaim Kenex i bekim, "Em nau, bos, yu tok stret. Mi bilong Sepik, ples bilong nil bilong saksak i kaikaim yu."

Plus Baki,
Bialla, W.N.B.P.

□ PIKININI bilong Kanage i wok long Goroka taun. Wanpela taim Kanage i go lukim em na pikinini i baim wanpela redio na sampela kaikai. Em i kisim na go bek long ples. Sampela wantok i go lukim Kanage olsem na em i kukim kaikai na skelim long olgeta man. Na wanpela plet em i putim klostu long redio. Olgeta man i kaikai pinis na lukim olsem plet i stap klostu long Kanage na redio i pulap yet i stap. Olgeta i sindaun isi tasol i stap na wanpela i kirap askim Kanage, "Bikman, olsem wanem long plet kaikai ya. Sapos yu les, orait karim i kam na mi bal lukluk strong long en." Kanage kirap na tokim dispela man, "Sore tumas, yu orait o? Dispela em plet kaikai bilong nupela pren bilong mi ya em pikinini i baim long taun." Em tanim lukluk long redio na bikmaus, "Yu olsem wanem? Wanem taim stret bai yu kaikai?" Redio i no bekim toktok olsem na em i bel hat stret. Em i kirap tasol kisim plet rais na sutim redio. Bihain em i raunim olgeta man i go ausait long haus bilong em na sut long redio i go ausait bihainim ol.

Gibson Afe,
Goroka, E.H.P.

Mi wantaim boipren laik givim pikinini long wantok long lukautim



Dia Laiplain,

Mi wantaim boipren bilong mi tokorait long wanpela wantok long adoptim bebi bilong mitupela inap long taim mitupela stretim olgeta samt- ing na painim wanpela haus.

Plis tokim mitupela long ol lo na regulesen bilong adopsen. Wanem taim pikinini bilong mitupela i mas save olsem mitupela i papamama bilong em? Na tu inap mitupela i go lukim em taim em i stap wantaim dispela wantok?

Dia Pren,

Yu askim long sampela lo bilong adopsen. Na mipela bai traime long bekim. Sapos wanpela pikinini stap aninit lukautim bilong gavman bikos em i nogat papa-

mama, i gat ol opisal ol i stap long bihainim sapos wanpela man o meri laik adoptim dispela pikinini. Sapos yu laik save long ol dispela lo na tu rot bilong bihainim long adoptim wanpela pikinini, yu

ken go na lukim wanpela Welfea Opisa.

Sapos adopsen i kamap ausait long lo, eksampel-long sait bilong yu wantaim boipren bilong yu, long luksave bilong mipela i nogat lo i karamapim dispela kain adopsen. Tasol i mas i gat sampela kastam lo. Tasol em i no gutpela long wanpela pikinini no save long trupela papamama bilong em.

Sapos wanpela famili adoptim wanpela pikinini, i moa gutpela long dispela famili no ken tokim em olsem ol i adoptim em. Ol i ken tokim em taim em i bikpela na tu long taim we em bai no inap mekim wanpela samt- ing-eksampel-go bek long trupela famili bilong em. Dispela i ken kamap taim pikinini gat 11-pela o 12-pela krismas.

Dispela i no min olsem papamama bilong em i no ken go

lukim em. Tupela i ken go lukim em. Tasol tupela i no ken soim ples klia olsem tupela i papamama bilong em.

Long sait bilong yu wantaim boipren bilong yu, yutupela i ken go na lukim pikinini bilong yutupela. Tasol yutupela i mas soim em olsem yutupela i anti na ankol bilong em.

Wanpela arapela samt- ing olsem dispela wantok bilong yu bai amamas long yu o boipren bilong yu i go lukim pikinini. Yu mas paitim toktok wantaim em long dispela samt- ing. Yu mas tok klia na tok stret long em olsem yutupela bai no inap traime long soim pikinini olsem yutupela i papa-

mama bilong em taim yutupela i go lukim em.

Mipela i wok long tingting long wanpela samt- ing. Dispela samt- ing em yu tok olsem dispela wantok bilong yu bai lukautim pikinini bilong yutupela inap long taim yutupela i stretim ol samt- ing. Na tu painim wanpela haus. Bikos dispela i min olsem yutupela i gat tingting long kisim bek pikinini long sampela taim bihain.

Wankain olsem mipela i tokaut antap pinis, mipela i askim yu long tingting na skelim na stretim gut tingting bilong yu.

Laiplain

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia

SKRUIIM TOK ANSA

E	M	I	S	T	S	U	K			
N	A	D	Z	A	B	M	D	U	A	
L	A	I	N	M	O	T	U	L		
L	A	I	P	M	A	L	A	I	T	A
O	N	T	A	L	B	U	M	K		
G	M	U	K	M	U	K	K	A		
G	O	M	A	K	A	S	O	L		
T	A	L	A	T	A	L	A	M	A	
U	N	N	U	K	U	B	A	I		
R	C	I	B	M	O	R	O	T	A	
A	I	S	A	K	P	O	I	P		



Big Bio REBO



Spak MAIK



Kainantu taun nogat senis yet

Dia Edita,

Mi wanpela asples manki bilong Kainantu eria insait long Isten hailans provins na mi laik autim wari bilong mi i go long ol lida bilong Kainantu. Dispela liklik taun long Kainantu em maus rot tru bilong go insait long olgeta hailans provins. Tasol taun ya i nogat wanpela senis liklik long bipo yet i kam inap nau. Olgeta samting long dispela hap taun i bruk daun pinis.

Pablik haus sik long Kainantu i no gutpela moa long sevim ol manmeri bilong Kainantu. Planti samting bilong haus sik ya i olupela tru na klostu bruk nau.

Planti taim marasin i save sot long ol sikmanmeri na dokta i no save helpim ol manmeri wantaim sik bilong ol tumas.

Pablik toilet long Kainantu taun tu i bagarap pinis na i go olupela olgeta. Na dispela inap pulim sik i go long ol manmeri insait long komyuniti.

Dispela em wanpela bikpela samting we mipela ol pikinini bilong Kainantu i no save laikim tru long planti yia i kam.

Mipela i ting Kainantu em maus rot bilong olgeta manmeri bilong Papua Niugini na ovasis tu i bihainim i kam go long ol arapela hailans provins. Olsem na i mas kamap gutpela na senis liklik long ai bilong ol pablik manmeri.

Tasol nogat senis yet na olgeta samting bilong gut taim bipo i stap yet.

Mi askim ol memba long nesenel na provinsa gavman long lukluk insait long Kainantu taun na kamapim sampela gutpela senis liklik.

Em tasol wari bilong mi na husat pikinini Kainantu i laik sapot o egensim mi em welkam tasol.

**Tita Poppy
KAINANTU**



NEM: Sandrah Thompson

KRISMAS: 27 (meri)

ADRES: PO Box A157 Adisadel Cape Coast, Ghana West Africa

LAIKIM: Raitim pas, pilai musik, swim long wara, painim poroman na pilai spot.

NEM: Sabina Monney

KRISMAS: 25 (meri)

ADRES: C/o Theophilus Koufie PO Box A157, Adisadel village, Ghana, W/Africa

LAIKIM: Painim pren, raitim pas, kukim kaikai na mekim musik.

NEM: Odilia Wara

KRISMAS: 19 (meri)

ADRES: PO Box 1105, Wewak, Is Sepik provins.

LAIKIM: Laik harim gospel musik, raun wantaim ol pren, ritim ol pas nabaut na raitim pas long ol pen pren.

NEM: Alison Ogam

KRISMAS: 24 (man)

ADRES: PO Box 1009, Madang.

LAIKIM: Painim pen pren husat i ken serim wankain interes olsem mi gat. Mi save laik go long lotu, harim ol gospel musik, pilai gita, pilai soka na raitim pas.

NEM: Soko Gerison Ipi

KRISMAS: 20 (man)

ADRES: Agriculture Engineering section, Ramu sugar Ltd, Gusap, PO Box 2183, Lae, Morobe province.

LAIKIM: Ritim niuspepa, pilai soka na ritim baibel.

NEM: Manasoe Iyamu (man)

ADRES: Nupuru, Community School, RI Tisa, PO Box 562, Goroka, EHP.

LAIKIM: Wok misin, tok pilai, ritim wantok niuspepa na harim musik.

Mi laik pren wantaim ol Yabem na Kote manmeri long Morobe provins.

NEM: Benson Iyae

KRISMAS: 18 (man)

ADRES: Buvussi SDA Church, PO Box 390, Kimbe, WNB.

LAIKIM: Pilai ragbi, go lotu, harim musik, raitim pas na tok pilai.

Ol manmeri go bek long Rabaul

Dia Edita,

Mi laik autim wari i go long ol manmeri husat i bin lusim Rabaul long taim bikpela maunten paia i bin kamap long las yia.

Planti bilong manmeri bilong narapela provins i bin kisim bikpela sapot tru long ol provinsal gavman bilong ol yet long salim sip i go karim ol i go bek long ples bilong ol.

Mi sori tru olsem planti bilong ol dispela manmeri i bin stap long Rabaul moa long 30 na 40 krismas. Na planti bilong ol i bin wok hat tru long mekim Rabaul taun i kamap bikpela.

Nau taim ol i go bek, planti plentesen i karamap long bikbus nau. Na klostu bai sampela i pasim wok bilong ol.

Mi no amamas long Is Nu Briten provinsal gavman long i no lukluk gut long dispela na traim helpim ol manmeri bilong narapela provins i go bek long ples bilong ol.

Gavman bilong Is Nu Briten provins i soim liklik sori liklik long ol lain bilong arapela provins husat i bin mekim bikpela wok long developim Rabaul taun long bipo inap nau.

Nau mi lukim planti plentesen kam-

pani i laik kisim ol kontrak wok i kam long stretim na klinim gen ol plentesen bilong ol bikos olgeta wokman bilong plentesen i go pinis.

Na dispela i soim olsem gavman bilong Is Nu Briten provins i no laik tingting gut pastaim na lukautim ol i stap long taim bagarap bilong volkanu i orait, bai ol i ken go het na stretim gen Rabaul taun.

Nau mi lukim tu olsem sampela kampani i wok long grisim ol ausait manmeri long kam bek gen na wok long kirapim wok bilong ol. Mi lukim ol manmeri bilong arapela provins olsem long hailans, Morobe, Sepik na Madang i wok long kam bek gen. Na mi no save sapos kampani ya i kisim tokorait long provinsal gavman bilong ol long kisim ol manmeri ya i kam bek gen.

Em tasol komplek bilong mi na husat arapela i laik sapot o egensim em laik tasol. Rait long Wantok bai mi tu i ken lukim.

**Tony Hara
KOKOPO**

Yama Sekyuriti Sevis i no baim gut wokman

Dia Edita,

Mi wanpela olupela wokman bilong Yama Sekyuriti Sevis long Madang we mi lusim wok na mi stap nating long haus.

Mi laik autim komplek bilong mi i go long dispela sekyuriti sevis bilong nesenel memba, Peter Yama.

Planti ol yangpela man i save wok long sekyuriti sevis ya long planti krismas i kam tasol bikpela wari na hevi ol i save karim wantaim ol em long potnait pe bilong ol.

Ol dispela sekyuriti wokman bilong Yama Sekyuriti sevis i no save kisim gutpela pe liklik. Ol i save kisim tasol K50 na K60 long potnait bilong ol dispela i no gutpela mani we inap sevim ol na famili bilong ol long haus.

Planti wokman i save kilim tru skin long wok tasol pe bilong ol i no gutpela tru.

Dispela sekyuriti sevis bilong Yama Sekyuriti i no wanpela nupela kam-

pani. Em i wanpela olupela sekyuriti sevis tru long Madang taun. Na nau em i gat bikpela brens i go aut long Lae, Mosbi na tu long hailans. Tasol potnait pe bilong ol trangu wokman i nogut yet.

Mi bin lusim wok long dispela samting tasol. Bikos mi pilim potnait pe bilong mi i no inap tru long sevim mi na famili bilong mi long tupela wik olgeta. Dispela kain K50 na K60 i bilong tupela o tripela de tasol.

Mi askim Yama Sekyuriti sevis long lukluk gut long dispela pe sistem bilong em na stretim bikos i no nupela kampani. Em wanpela lapun kampani tru olsem na kain samting olsem pe bilong ol wokman tu i mas gutpela.

Nau ol prais bilong kaikai na samting long stua i go antap na trangu ol wokman husat i save kisim dispela kain pe i no save pilim gutpela tru bikos mani ol i tromoi long kaikai em i go na go olgeta.

Ol nambis tu wokim blok long hailans

Dia Edita,

Mi laik bekim pas bilong papagraun long Lae siti we i bin toktok long Wantok niuspepa olsem ol hailans tasol i pulap na wokim blok long Lae siti.

Brata mi laik tokim yu stret olsem yu no bin raun gut insait long setelmen bilong yu yet long Lae siti na sekim gut pes bilong ol.

Sapos yu lukim gut, ating i gat sampela nambis manmeri tu i stap na ol Morobe manmeri yet tu i stap.

Mi laik tok olsem yu traim kam raun antap long Goroka, Hagen, Mendi na Wabeg na bai yu ken lukim. Ol nambis manmeri na Morobe tu i baim blok na sindaun i stap.

Mi laik tokim yu stret olsem ol hailans i lain bilong mekim planti bikpela wok helpim long developim kantri na provins bilong yu na mi tu. Ol i stap na ol sevis na developmen i kamap gut. Olsem na no ken daunim mipela hailans.

Yumi olgeta i save mekim wankain asua olsem trabel o bikhet pasin. Yumi olgeta i lain bilong brukim lo olgeta taim. Olsem na no ken sutim finga long wanpela lain tasol.

Em tasol liklik komplek bilong mi na husat arapela i laik bekim em laik tasol.

**Joseph Yasi
BANZ**

Mipela mas sapatim Giheno

Dia Edita,

Mi autim wari bilong mi i go long ol pipel bilong Fayantina senses division insait long Henganofi Distrik.

Yes yupela ol sapatim bilong Viviso Seravo, yupela i ting bai Seravo i kotim Giheno. Mi tingim olsem Giheno i win tru tru na em bai stap olsem memba bilong mipela ol pipel bilong Henganofi.

Olsem na long neks ileksen mipela imas sapatim em na em bai i stap yet long palamen na kisim developmen i kam long ilektret bilong mipela.

**Rodney Bentaso
Kiunga**



TELIKOM

TOK

Ol ensinia na teknisen i greduet long eksens kos

Etpela ensinia na teknisen i greduet bihain long wan mun kos long operens na mentenens bilong dijitel getwe eksens ol i kolim AXE 10. Dispela eksens em wanpela telekomyunikesen kampani ol i kolim Ericsson i wokim.

Adrian Stasinowsky, wanpela Teknikel Trening Instrakta bilong AXE Eksens i bin kam long Australia long ranim dispela kos. Long dispela yia, Telikom bai opim namba tu getwe eksens long Boroko bilong ol intenesenel koneksen. Namba wan getwe eksens em wanpela Ericsson ARM 20 long Lae tasol paia i bin bagarapim long 1987. Orait bihain ol i putim narapela Ericsson AXE 103 Eksens.

Long taim bilong greduesen, Telikom Asisten Jeneral Manesa Fainens, Mista David Pomat i tok dispela greduesen i makim bikpela wok bilong Telikom wantaim intenesenel getwe AXE 10 trening bilong ol ensinia na teknisen.

Mista Pomat i tok trening progrem em i bikpela samting tru long ol ensinia na teknisen bilong Telikom bikos ol i nidim ol gutpela saveman long mekim wok long dispela AXE 10 Eksens.

Mista Pomat i tok Telikom i wok wantaim Ericsson taim em i baim Elektromekenkila eksens bipo na dispela gutpela wok namel longtupela i stap yet i kam inap nau dispela AXE 10 dijitel eksens i kamap.

Las yia Telikom i givim kontrak bilong K1.5 milion long Ericsson Australia Pty Ltd long saplaim na mekim ol wok bilong sanapim dispela nupela AXE 10 eksens. Hap bilong kontrak i tok Ericsson i mas givim trening long ol teknisen na ensinia bilong Telikom long dispela nupela eksens.

Mista Pomat i tok duspela nupela Boroko getwe eksens na narapela long Lae bai helpim Telikom long stretim wari bilong ol kastama. Em i salensim ol dispela lain i greduet long traim save bilong ol na kamapaim gutpela wok bilong helpim ol kastama na wokmani bilong Telikom.

Nau mipela i tok tok!

Fri edukesen polisi wok gut

Dia Edita,
Mi laik egensim pas bilong brata Collin K i bn kamap long 9 Mas, 1995 long dispela pepa. Em i bin toktok egensim fri edukesen sistem bilong olpela gavman bilong Paias Wingti. Mi laik tokaut stret olsem dispela fri edukesen i bin wok gut tru long mipela planti manmeri tru. Na mipela i pilim olsem gavman i mas strongim yet dispela polisi i stap yet bikos em inap helpim planti manmeri moa long kantri. Ol hevi bilong mani nau yumi i gat long kantri i bin kamap long

bipo yet taim gavman bilong Rabbie Namaliu i bin kamap. Ol i kamapim dispela hevi na bihain gavman bilong Paias Wingti i kamap na kisim hevi bilong Namaliu gavman i go wantaim. Tasol em i no wari long dispela na i kamapim fri edukesen polisi wantaim na dispela i bin kamap tru long helpim ol pipel. Nau gavman bilong Sir Julius Chan i kamap na i kamapim moa hevi long mani bilong kantri. Olsem na sapos em i tingting

long rausim fri edukesen polisi, bai em i mekim bikipela asua tru insait long kantri. Bikos dispela sistem i wok na i helpim pinis planti manmeri. Sapos husat papamama i komplem olsem ol i no kisim dispela fri edukesen polisi, ating em i gat hevi wantaim skul bilong em na ol tisa bilong skul. Olsem na em i mas go na askim ol gut. Em tasol toktok bilong mi na husat i laik sapatim o egensim em laik tasol.

**Tony Hara
KOKOPO**

Promis bilong Ginson wet yet

Dia Edita,
Mi laik autim wanpela belhevi bilong mi i go long nesenel memba bilong Kabwum, Ginson Saonu Goheyu. Long stat bilong mun Jenauri, 1995, em i bin promis long baim trenspot fi bilong ol studen long boda bilong Madang na Morobe, em long Sapmanga konstituensi bai ol i go bek gen long Wasu hai skul.

Olgeta studen i pulap tru long ples balus na wet igo nogat na ol yet baim rot na i go. Planti long ol em ol i kam long ol trangu famili na arapela i kam long famili we papamama i wok na i gat inap mani long baim ol fi bilong ol skul pikinini. Sampela studen i tingtinglong wok-abaut tasol ol i harim dispela tok na ol istap. Tasol i nogat wanpela helpim i kam long ol olsem na ol yet i

baim rot bilong ol na i go skul. Planti long ol em skul bod i wok long rausim ol na mi no amamas long dispela kain tok promis bilong memba. Yu lukim dispela trangu lain ya em ol tasol i givim yu namba na biknem. Yu tok tru yu mas mekim no gat i no ken tru opim maus bilong yu. Sapos dispela em wanpela kain tok-tok kempen bilong yu, orait yu mas mekim i kamap tru bai ol manmeri i ken bilip long yu. I no gutpela long tromoi toktok tasol larim i stap olsem na ol manmeri i kisim hevi long giaman promis nating. Em tasol komplem bilong mi na mi bai amamas long harim bekim bilong yupela arapela sapota o pren bilong Ginson Saonu.

**Sandual Sanbarat
LAE**

Larim plisman bilong Lae i stap

Dia Edita
Mi warpela manki Hagen na mi save s.ap long Lae siti. Mi laik autim liklik wari o komplem bilong mi i go long bos bilong ol plis long Morobe provins. Planti taim mi save lukim bos bilong Lae plis i save salim ol Mobail skwat i go wok long Bogenvil olgeta taim. Taim ol Mobail skwat i go long Bogenvil, Lae siti i save go bagarap olgeta. Ol kainkain bikipela trabel olsem roberi, repim meri, stilim kar na kilim man i save kamap. Na tu ol manmeri long siti i save raun wantaim bikipela poret na sampela taim ol i no save go

wok. Taim ol Mobail skwat i stap, ol raskol man i save pret long ol na ol i no save mekim nambaut na mipela ol manmeri long siti i save amamas na raun gut tru. Nau ol Mobail i stap yet long Bogenvil inap 4-pela mun olgeta na Lae siti raskel pasin i go bikipela olgeta. Ol biklain plis na task fos i no save wok gut. Mipela laikim ol Mobail skwat i mas lusim Bogenvil na kam bek long Lae. Mi laik askim bos bilong Lae plis long toktok wantaim bos bilong ol long Mosbi na salim ol Mobail plis bilong Lae ikam bek hariap long wanem ol

komyuniti long Lae i stap wantaim pret. Mipela i gat bikipela bilip long wok bilong olmobail bilong mipela long Lae. Ol i stap na Lae siti i save stap orait. Taim ol i go aut long operesen bilong ol long ol narapela provins, Lae siti i save go bagarap olgeta long ol kainkain trabel. Mi save gut long wok bilong ol mobail na mi toktok long bekhat bilong ol komyuniti bilong Lae siti. Em tasol liklik wari bilong mi i go long bos bilong ol Lae plis.

**Nembel Tomo
Lae**

Ol sekyuriti no ken kamap bos

Dia Edita,
Mi save lukim trangu ol yangpela manmeri i save go apinim wok long ol opis na taim ol i go kamap long opis, sekyuriti i save sanap pinis long dua bilong opis na askim ol. Ol i save askim na save tru long husat em ol manmeri kamap long lukim. Na taim ol i tok long lukim bos long wok, sekyuriti bai kwiktai tok i nogat wok.

Mi laik save wok sapos ol sekyuriti i kisim dispela tok orait bilong bos bilong kampani long tok nogat wok?. Olsem wanem na sekyuriti i save olsem i nogat wok?. Dispela i soim olsem ol dispela sekyuriti gad i laik kamap olsem bos o papa bilong dispela kampani olsem na ol i save rausim ol manmeri long go insait long opis na lukim bos.

Yu dispela sekyuriti yu gat save tasol long sanap na was long dua bilong

opis. Wok sekyuriti em wok bilong yu long lukim olsem i nogat trabel i kamap. Ol dispela manmeri husat i kamap long lukim bos o menesa bilong wok i gat save na eksperiens long wok. Olsem na ol i kamap. Ol i no olsem yu husat i save tasol long sanap na was long dua. Yu husat sekyuriti i wok wantaim ol sekyuriti kampani i mas save olsem yu laki long i gat wok long mekim. Olsem na yu mas isi long ol arapela manmeri husat i panim wok i kam long opis bilong bos o menesa. Em tasol komplem bilong mi egensim ol kain pasin ol sekyuriti i save mekim long ol manmeri husat i save laik go panim wok long ol kampani. Husat arapela brata o susa i laik sapatim o egensim em laik tasol.

**Cyril Umabut
LAE**

Wok stap long ol aposel

Dia Edita,
Mi wanpela man husat i save laik tru long go lotu. Tasol mi no lukim wanpela sios i gat aposel ministri i stap long wokim spirit baptis. I gat planti sios ol i save kisim baptis tasol mi no save lukim spirit baptis long wanpela sios olsem na mi askim yupela olgeta brata na susa sapos yu save long sios i gat aposel ministri, plis rait long dispela adres. NAC PO Box 183, Banz, Westen Hailans provins. Telepon 523668. John 3:5 i Jisas i tok, sapos yu kamap nupela long wara na spirit bai yu go insait longkindom bilong mi. Matyu 16:18. Jisas i giivm ki long heven long aposel Pita. Rit gut long dispela na bai yu save long prea bilong Jisas em prea long helpim ol aposel. Em tasol em prea long helpim ol aposel bilong em taim em i laik go bek long heven. I gat planti hap toktok i stap long buk Baibel tasol mi no inap toktok planti long en bikos mi save yu husat i save ritim Baibel bilong yu bai save long poin toktok bilong mi. Olsem na plis yu stadi gut bai yu save long trupela wok bilong aposel. Olgeta pawa na wok Jisas i stap long dispela graun na wokim long en em givim ol aposel. Tasol i no bisop o pasto o evenjelis o i no narapela wokman bilong sios tude. Tude yumi mas save olsem ol aposel i mas ranim disela wok. Sapos yu laik bekim pas, mi amamas tasol long harim.

**Joseph Yasi
BANZ**

Kontrak wok klinim Mosbi siti

Dia Edita,

Mi sapatim tru wanpela liklik kontrak grup we ibin stat wok long klinim taun stat yet long Mas 27 long dispela yia. Olsem na long nau, mipela i ken lukim taun i luk senis liklik na klin tu.

Bipo taim ol lain long Siti Kaunsil yet i wok ,taun ino kamap. Tasol liklik kontrak grup i kontribiut long liklik we na mipela iken lukim gutpela wok. Long pastaim taun bas stop i pulap long ol kain pipia olsem skin buai na plastik i plai nabaut. Baret tu i blok na smel. Tasol long nau taim liklik kontrak i wok, ol wok man tu i save wok olsem plis na sekyuriti. Na rausim ol pipia bilong buai samting. Olsem na mi sapatim tru dispela kontrak grup. Mi laikim Siti kaunsil long lukluk long gutpela wok bilong dispela grup na larim ol i wok stap. Na maski long senisim ol i go long narapela hap. Mi save sapos grup ya i go long narapela hap, taun bai i luk deti gen.

**Iyave Banogowa
Mosbi
NCD.**

Tupela memba bilong Okapa i no wok

Dia Edita,

Mi no amamas long pasin we tupela provinsal memba bilong mipela long Keakana -Gimi insait long Okapa distrik i mekim. Tupela ya em long Alo Ukali na Badamo Ariko. Mipela ol pipel long Keakana -Gimi inogat bilip tru long tupela memba ya. Na mipela ino amamas tru.

Lukim, tupela memba ya i save stap tasol long Goroka taun hostel. Long ol potnait ol save spak raun na kusai soim olsem ol i memba bilong Keakana-Gimi. Tasol yutupela ino soim hanmak bilong yutupela liklik long ol pipel long ples. Mipela ol pipel ibin hatwok long putim yutupela long gavman. Tasol taim yupela i kisim sia long gavman, yupela i lus tingting long helpim mipela. Ol skul, rot na ol arapela samting moa long hap bilong mipela i bagarap. Na yutupela ino kam raun long konstituensi long tripela krismas

olgeta. Mipela i sem tru long yutupela memba. Long sampela arapela hap we mi raun, mi save lukim hanmak bilong ol memba tasol long mipela yet inogat. Wanpela bikipela samting we mipela i lukim ino stret em Mista Ariko i save ronim wanpela PMV ka. Na mipela i sem pipia long lukim memba i kamap wanpela PMV draiva.

Brata yu longlong pinis ya. Moabeta yu stap bek long ples na lukautim famili bilong yu. Taim bilong yu i ekspai pinis ya mi tokim yu.

Husat i gat sampela toktok long dispela samting, rait i kam tasol long Wantok Niuspepa na mi bai amamas long lukim.

**Lock Hebino
Goroka
Isten Hailans.**

Plisman long Kimbe painim meri

Dia Edita,
Mi laik komplem long ol plisman bilong Kimbe taun long Wes Nu Briten provins.

Mi save raun long Kimbe taun na olgeta taim mi save lukim ol plisman i save giman raun nating nating long ka na lukluk tasol long ol yangpela meri bai wokabout long rot.

Taim ol i lukim ol meri baigris bilong ol i no inap isi. Ol bai kisim ka

i go klostu na sanap wantaim yunifom long grisim ol meri. Mi lukim ol plisman i save mekim dispela pasin olgeta taim na mi laik askim sapos gavman i salim yupela painim meri o gavman i salim yupela long was long lo na oda?.

Mi ken tok stret olsem ol plisman i no save mekim gut wok bilong ol. Wokbilong ol em long raun long ka na lukluk raun long painim ol yangpela meri. Sampela bilong ol tu i maritman pinis tasol ol

i save tanim kamap olsem ol yangpela man na raun. Mi askim ol bos bilong plis dipatmen long lukluk long dispela kain plisman na rausim ol sapos ol i no laik mekim gut wok. Planti yangpela manki i raun nating nating long rot i stap na i laik kamap plisman tasol yupela sampela i pasim spes bilong ol. Em tasol komplem bilong mi. Husat arapela i laik bekim em laik tasol. **Rose Siri
KIMBE**

Raikos no lukim gavman sevis

Dia Edita,
Mi sori tru long ol pipel bilong mi long Raikos bikos ol nesenel na provinsal politisen i save giamanim tru mipela long taim ol i kisim pawa.

Long hia long Raikos komyuniti, mipela ino lukim wanpela wok developmen yet we ol memba ya i promisim mipela long ileksen kempen bilong ol.

Provinsal gavman i kamapim liklik sevis tasol nogat helpim o sevis i kam long nesenel gavman.

Olsem na mipela nau i gat bikipela sapot long ol NGO olsem Wol Visen. Bikos ol i save givim sevis na tu kamapim developmen i go long ol pipel bilong mipela long ples.

Mipela i kiism skul pinis. Olsem long 1997 nesenel ileksen, mipela bai makim ol man husat mipela i ting bai i helpim mipela long kisim gut ol sevis na tu kamapim developmen long ples.

**Ronnie Singlrau
Raikos
Madang provins**

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982 Boroko, NCD.

Ret Kros tingim papa bilong sosaiti

ELIZABETH LENY I raitim

NAMBA 8 de bilong dispela mun (Mei) i makim bikpela de bilong Papua Niugini Ret Kros Sosaiti.

Dispela de i kam aninit long het tok "Gutpela bilong olgeta, gutpela pasin long ol meri."

Ret Kros em i wanpela bilong ol bikpela sosaiti long wol husat i save helpim ol manmeri em ol i painim bagarap taim woa i kam o hevi bilong graun i bungim ol.

Ol atoriti bilong Ret Kros i bin makim dispela de olsem bikde bilong ol. Long wanem long dispela de man husat i kamapim dispela sosaiti namab wan taim mama bilong em i bin karim em. Nem bilong dispela man em Henry Dunant.

Em i bilong wanpela

kantri ol i kolim Swisalen. Long 1859 Dunant i bin go long Frans long wokim sampela wok bilong em. Taim em i kamap long Frans, em i lukim ol lain i kisim bagarap long woa. Em i lukim olsem na em i lusim tingting long wok bilong em. Na em i stat long helpim ol. Ret Kros Sosaiti kamap long dispela taim.

Tude, Ret Kros Sosaiti stap wok long 185 kantri insait long wok. Hetkwata bilong sosaiti save i stap long Jiniva- biktaun bilong Swisalen, kantri bilong Dunant.

Ret Kros em i wanpela sosaiti husat i save wok olsem wanpela namel man. Na tu em i save sanap em yet.

Insait long PNG,

namba wan lain husat i bin wokim wok aninit long Ret Kros em ol voluntia bilong Australia Ret Kros. Ol i bin kam wok taim Wol Woa 2 i wok long go het. Long 1976 dispela oganaisesen i go long han bilong ol Papua Niugini yet.

Ol brens bilong Ret Kros i stap long Lae, Madang, Manus, Hagen, Keviang na Bogenvil.

I gat 26 manmeri husat i givim han long ranim dispela sosaiti. Dispela ol lain i kam aninit long wanpela kaunsol. Ol eksekutiv memba bilong dispela kaunsil em: Siaman-Vai Reva, Namba tu Siaman-Theresia Bejerano, Jenerel Sekreteri-Gaudi Toka na wok bilong karim aut ol wok long kamapim mani bilong sosaiti stap long lukaut bilong Sue Darby. Mis Darby i save go

pas tu long oganaisim na putim kamap resis bilong Mis PNG olgeta yia.

Aninit long dispela kaunsil, i gat wanpela sekretariat husat i save wokim ol wok bilong kisim blut, givim ol spesel edukesen na ol autris program bilong ol disebel pikinini. Dispela sekretariat i gat 17 wokmanmeri.

Siaman Vai Reva i tok iong las Fraide olsem namba bilong ol lain husat i laikim helpim bilong Ret Kros i go antap tru namel long ol 5-pela yia i go pinis.

Em i tok baset bilong sosaiti long dispela yia em K400,000.

Mista Reva i tok dispela mani no inap yet. Na ol manmeri long pablik i mas givim helpim. Long wanem, ol helpim i no bilong helpim Ret Kros. Em bilong helpim ol manmeri husat i wok long bungim hevi.



Soim pes tasol... Ol dispela liklik manki bilong ples Siar insait long Madang Provins i wok long sindaun na algris long ol turis. Kain pasin bilong ol manki, sapos ol i lukim nupela na narakain pes long ples bilong ol, ol bai glasim gut.

Poto: Edna Diuvia.

Setelmen presiden askim Morobe primia long sekim ol setelmen

PAULUS TALI i raitim

VAIS Presiden bilong 5 Mail setelmen long Lae i askim primia long sekim gut ol setelmen insait long Lae pastaim long em i stat klinim Morobe. Bikos sampela graun em bilong Lae Siti Kaunsil we ol manmeri i stap na wokim blok long en bikos ol i wok long siti kaunsil.

Vais presiden, Peter Kunal bilong Menyamya insait long Morobe provins i tok setelmen olsem long 5-Mail em bilong Lae Siti Kaunsil. Olsem na Morobe provinsal gavman i no ken go insait na bagarapim ol manmeri husat i wokim haus na stap long en. Bikos planti bilong ol em wokman bilong LCC.

Mista Kunal i tok ol setelmen olsem long 5 Mail, Kapiak Strit, Bandri Rot, Hanta na Sialum Kompau em bilong ol Morobe pipel stret.

Tasol nau primia i no moa tingim ol pipel bilong em long Morobe yet na i laik rausim ol tu i go bek long ples bilong ol.

Mista Kunal i tok kain toktok primia i mekim long niuspepa olsem em i nogat taim long toktok wantaim husat setelmen komiti o lida i no gutpela tru. Bikos primia em i olsem lida na em i mas lukluk long tupela sait wantaim na i no long wanpela sait tasol.

Em i tok sapos provinsal gavman i rausim ol, bai planti kampani long Lae siti i bungim hevi bikos planti wokman bilong ol i stap long setelmen. Planti kampani bai bungim hevi long wokim mani bikos wokman i sot na dispela bai kamapim nara-pela hevi gen long provinsal gavman.

Bikman ya i tok planti bilong ol Morobe insait long ol setelmen ya i save oltaim sanap long sait bilong Morobe gavman long wok bilong stapim ol trabel insait long siti olgeta taim. Tasol nau gavman bilong ol Morobe i laik rausim ol pipel bilong em yet long Lae siti.

Em i tok planti man husat i stap long ol setelmen long siti i bin lusim ples bilong ol na i kam long taun long painim wok mani. Ol tu i laikim kain sevina samenting bilong taun olsem na ol i kam.

NAU, BIHAIN LONG 7 PELA KRISMAS

NIUPELA PRAIS OLGETA STOA!

PRAIS LONG OLGETA STOA



15t



15t



15t



15t



10t

~~10t~~



15t

~~5t~~



10t

~~10t~~



15t

~~10t~~



15t

~~10t~~



15t


MR BOSMAN BILONG STOA

PLIS SENISIM OL PRAIS LONG P.K STAND BILONG YU OLSEM LONG ANTAP. WANPELA P.K SEILSMAN BAI KAM LONG STOA BILONG YU NA PUTIM OL DISPELA NIUPELA PRAIS STIKA.

SAPOS OL I ASKIM MOA GO LONG NARAPELA STOA!


**new technology
new services
new attitudes**

NEW




TELIKOM

Now we're really talking!



PTC i gat nupela nem nau - Telikom.
Nupela logo na nupela pasin Na
strong long givim nambawan sevis.
Bai yu win wantaim Nupela Telikom
bikos nau mipela i toktok gut.



BUK BILONG OL SEVISIS

CAMPING EQUIPMENT

**OL SAMTING BILONG KEM
S.K. TOP MAN**

Ol nupela kilos bilong man i go inap long gutpela kwaliti Nikko kemping samting olsem sel haus, beg bilong slip, pekbeks, ol but na'saket.

Sapos yu save laikim kwaliti, orait amamasim laip wantaim ol NIKKO PRODAK bilong mipela. Kam na lukim stua bilong mipela-Graun Stua-Monian Haus, Tabari Ples, Boroko. Long kisim bikipela oda: Ringim ROSINA long telipon namba 257074

CONSTRUCTION

**OKAPA CONSTRUCTION
PTY LTD - 26 1879**

I am your handyman in:

Plumbing - roofing, sewerage, hotwater installation, water reticulation and drainage.

Fencing - All types of manual and electrical fencing

Construction - All residential/commercial building repairs/maintenance/constructions

ELECTRONIC

**PAPA BILONG OL TV
SAPOS TV BILONG
YUPELA I BAGARAP
SEKIM WANTAIM MIPELA**

O KAM NA LUKIM MIPELA LONG OLGETA LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'S, RADIOS, ETC.

**P.O. BOX 3572
BOROKO, N.C.D. PHONE: 25 1952
FAX: 25 4743**

HAIR & BEAUTY

TREND'S

We wholesale retail large range of black hair & beauty products. We also sell hair pieces, hair equipment.

Ground Floor
Land Mark Building
Reke St Boroko
Phone/Fax: 255894
PO Box 3239 Boroko

HAIR TREATMENT

We import, distribute and introduce to PNG, exotic and genuine cure for baldness and falling hair. This fabulous chemical defies nature by stimulating and producing hair producing hormones set at the base of hair roots. It is no magic nor miracles, but the end result of many years of intensive scientific research. Write to us now for details:

PNG Sales Manager,
Nationtrade Pty Ltd,
PO Box 1957, LAE

HAIR TREATMENT

Mipela salim marasin bilong groim grass long het kela. Planti man i baim pinis na grass i wok long kamap gen. Yu tu ken baim, yusim, luksave na bilip. Botol marasin i save kam wantaim hap pepa bilong toksave long wei bilong yusim. Tru em i nupela kain samting na planti man ino nap bilip. Tasol yu traim na lukim. Salim K30.00 tasol ikam na bai mipela salim marasin long yu.

**ALOISYUSS RUARRI
PNG SALES MANAGER
NATIONTRADE PTY LTD
P.O. BOX 1957 LAE MP**

MAIL ORDER

**KWIK SALIM P/L
P.O. BOX 2448
BOROKO**

FOR PRICE LIST

PHONE: 25 3444
FAX: 25 3390

PLUMBING & MAINTENANCE

**CLEARWATER
PLUMBING & MAINTENANCE SERVICES**

FOR ALL YOUR PLUMBING NEEDS.

CONTACT:-
PH: 25 8492
FAX/PH: 323 3472

QUALITY SERVICE
AT
REASONABLE RATES

PRINTING

**PUNSIU
SIGNWORKS**

Painting, Signwriting and Screen Printing

For more information call 45 7813

REFRIGERATION & AIRCONDITIONING

**FOR FAST GOOD
QUALITY SERVICE**

Call Bata's refrigeration, airconditioning & appliance service on Telephone:
25 8074 or Fax: **25 8588**

SECONDHAND CLOTHING

**TOP GRADE
PAYLESS**

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs). Household, shoes & toys also available, limited stock. 50 kgs mixed bale @ K165. Only with Lucky Draw. Phone 25 1477 Fax: 23 2895. Location: Gordon's Electrical next to Gaby Fashion Varahe St., Gordons

SIGN WRITING

**PUNSIU
SIGNWORKS**

Signs on cars, trucks, buses, billboards, notice boards.

Phone: 45 7813

TIMBER SALES

TRANSWORLD TRADING (PNG) PTY LTD
The Blue Truck Timber Company
Dia Kastoma,


Mipela i redi long wokim whole-haus baim bilong yu.

Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.

Na sistem i wok olsem: Yu baim. Na bai mipela kisim olgeta samting long haus bilong yu kam.

Ringim mipela long telipon na feks namba **25 5314** (Erima Timber Yard)



Yu ken edvetais dia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.



CONSTITUTIONAL COMMISSION

OL SENIS LONG PROVINSAL GAVMAN

Gavman na nesenel palamen i tok orait pinis long ol senis bai kamap long wok bilong provinsal gavman insait long kantri.

Palamen bai bung gen long mun Jun long dispela yia long mekim las vot bilong senisim lo i bosim wok bilong provinsal gavman na lokal level gavman.

Long taim palamen i tokorait long dispela lo long mun Jun, bai nupela lo i bosim olgeta wok bilong provinsal gavman bihain long 90 de (tripela mun).

Bai i gat bikpela progrem bilong tok save long ol pablik long dispela nupela lo na ol senis i kamap.

Ol toksave bai kamap long ol niuspepa olsem *Post Courier*, *National*, *Wantok* na *Times*. Wankain toksave tu bai kamap long tripela redio sevis bilong NBC (*Karai*, *Kalang* na *Kundu*) na long nesenel televisen sevis, *EMTV* na nupela redio stesin, *Nau FM*.

Gavman bai givimaut ol toksave pepa, posta na liklik buk tu i go long olgeta skul, ol bikpela opis na ol pablik.

Dispela nupela lo em i bikpela samting, olsem na ol pablik i mas kisim stretpela toksave na klia gut long dispela nupela lo.

Long nau i go inap long taim palamen i vot long dispela lo, bai i gat toksave bilong ol senis stat long nau i go inap long 1997. Ol pipel i mas kisim dispela toksave long klia gut long wanem samting bai kamap long taim palamen i tok orait.

Nesenel palamen, nesenel gavman na konstitusenel komisin i bilip olsem dispela lo bai helpim kantri bilong yumi.

Dispela lo bai larim moa mani na ol pablik sevan i go aut long ol rural eria na mekim wok bilong helpim ol pipel.

I kam inap nau, moa pipel i no lukim pes bilong developmen o kisim gavman sevis long ples bilong ol.

Nau em i taim bilong senis. Yumi yet ol pipel bilong kantri i mas kamapim senis bilong bringim gutpela sindaun long laip bilong ol pikinini bilong yumi.

Ol dispela senis bai i no inap kamap hariap, tasol yumi mas lukluk i go het na wokbung long bringim kantri tu i gohet.

**PORT MORESBY SOCCER ASSOCIATION
SOCCER DRAW - WEEK THREE
SATURDAY MAY 13, 1995.**

TIME	FIXTURES VS BISINI 1	FIXTURES V BISINI 2
7.00	GFC v Momase (U/19)	FBHDefence v Uni (U/19)
8.00	PTC v Momase (PR)	Ela United v Moukasi (PR)
9.00	Buresong v Sins (Mapos) (D2)	Maset v K/nimdo (D2)
10.00	Bilawawa v Lae biscuits (D2)	SB Boomersv Cyclone (D2)
11.00	GFC v Golo (PR)	Sobou v Koupa (PR)
12.00	Babaka v PS Roots (D1)	Yellow Pagesv Waliya (D1)
1.05	Sunam v K/Andra (W1)	LSC v Moukasi (W1)
2.10	GFC v Sobou (PREM)	Ela United v M/kasi (PREM)
3.35	Sobou v Koupa (PREM)	Wanzesi v Keweh (D1)
5.00	Sunam v STC (D1)	Amazon Bay v Claudy B. (D1)

SUNDAY MAY 14, 1995

7.00	Koupa v Moukasi (U.19)	B/Kumuls v Guria (U.19)
8.00	Guria v Rapatona (PR)	K/Andra v Uni (PR)
9.00	PS Roots v Batisalam (D2)	Eastenders v Katuman (D2)
10.00	Momase v STC (W2)	Defence v B/Kumuls (PR)
11.00	Hoods v M/Rangers (D1)	Murat v Tarangau (D1)
12.05	Waliya v Sobou (W1)	Wanzesi v GFC (W1)
1.10	Guria v Uni (W1)	Defence v Y/Pages (W1)
2.15	PTC v Momase (PREM)	Defence v B/Kumuls(PREM)
3.40	Guria v Rapatona (PREM)	K/Andra v UNI (PREM)
5.00	Batu Bros v Club Eastern(D2)	Nasemo v Masters (D2)

SUNDAY MAY 14, 1995

GFC OVAL

9.00	Magi Ran. v De La Salle (U/19)
10.00	Golo v PTC (U/19)
11.00	Rapatona v Ela United (U/19)
12.00	Waliya v K/Andra (U/19)
1.00	PTC v Tarangau (W2)
2.00	Gerehu High v Keezsang (W2)
3.00	Murat v B/Kumuls (W2)
4.00	PS Roots v Club Eastern (W2)

**LAHI SOCCER ASSOCIATION
WEEK-END DRAWS**

VENUE: SIR IGNATIUS KILAGE STADIUM

SATURDAY 13/05/95

TIME	DIVISION	FIXTURES	VS	DEFENCE	REFEREE
0900	Under 19	Asiawe	vs	Defence	Pauline Demas
1000	Under 19	Sikambu	vs	Elcom	Ray Bewa
1100	Women	Guria	vs	Gaziga	Terence Pangih
1200	Women	Sobou	vs	Gam	Mark Gamun
1300	Under 19	Kurti Andra	vs	Gaziga	Eston John
1400	Women	Tosin	vs	Elcom	Steven Baita
1500	Women	Asiawe	vs	Sunkist	Maga Anisi
1600	Premier 1	Mairipo	vs	Gaziga	gidas Bayung

SUNDAY: 14/05/95

0900	Premier 1	Rapatona	vs	Elcom	Caspar Wangi
1050	Premier 1	Defence	vs	Kurti Andra	Bobby Memeleng
1230	Premier 1	Asiawe	vs	Gaziga	Paul Pondo
1410	Premier 1	Sobou	vs	Mairipo	Gidas Bayung
1550	Premier 1	Morobe United	vs	Guria	Eli Memeleng

VENUE MARKET

SATURDAY: 13/05/95

0900	Under 19	Sobou	vs	Mairipo	Simeon Manger
1000	Under 19	Guria	vs	Gam	Samson Seliko
1100	Women	Rapatona	vs	Kurti Andra	Daniel Kens
1200	Women	Defence	vs	Mairipo	Charles Pondo
1300	Premier 2	Sobou	vs	Elcom	Caspar Wangi
1430	Premier 2	Guria	vs	Gaziga	Jean Morrie
1600	Division 1	Sunkist	vs	Sikambu	Daniel Kens

SUNDAY: 14/05/95

900	Women	Sobou	vs	Sunkist	Mark Gamun
1000	Under 19	Gaziga	vs	Sikambu	Ray Bewa
1100	Women	Asiawe	vs	Mairipo	Terence Pangih
1200	Premier 2	Sobou	vs	Elcom	Daniel Kens
1330	Premier 2	Morobe United	vs	Asiawe	Samson Seliko

PORT MORESBY RUGBY UNION

Rugby Park, Bara Oval.

Saturday May 13, 1995.

Oval One	C Grade	1.00	Royals	vs	Defence	Oval Two	C Grade	Barbarians	vs	Brothers
B Grade	2.30	Royals	vs	Defence	B Grade	Barbarians	vs	Brothers		
A Grade	4.00	Royals	vs	Defence	A Grade	Barbarians	vs	Brothers		

Sunday May 14, 1995.

Oval One	C Grade	1.00	University	vs	Harlequins	Air Niugini	vs	Telikom
B Grade	2.30	University	vs	Harlequins	Air Niugini	vs	Telikom	
A Grade	4.00	University	vs	Harlequins	Air Niugini	vs	Telikom	

**PORT MORESBY SCHOOLS SOCCER ASSOCIATION
RESULTS**

Saturday May 6, 1995.

S/T	E/T	T/1	VS	T/2	OL	RD	M/N
Under: 7							
08.00	08.40	St Joseph	2 vs	Ela Beach	1	6	7.025
08.40	09.20	Ela Beach	1 vs	POM Int	1	6	7.026
09.20	10.00	Korobosea	0 vs	Murray Int	0	6	7.027
Under: 8							
08.00	08.40	St Josephs	0 vs	Ela Beach	1	9	8.033
08.40	09.20	Korobosea A 2	vs	M/Raider	0	9	8.034
09.20	10.00	Korobosea B 1	vs	M/Warriors	1	9	8.035
10.00	10.40	Ela Beach A0	vs	POM Int	2	9	8.036
Under: 9a							
08.00	08.40	Murray Int	0 vs	POM Int	4	6	9.025
08.40	09.20	Ela Beach A1	vs	St Joseph A 3	6	6	9.026
09.20	10.00	Gordon Int	3 vs	Korobosea A0	6	6	9.027
Under: 9b							
10.00	10.40	Ela Bech B 2	vs	St Joseph B 0	6	6	9.125
10.40	11.20	P/Aravure	0 vs	St Peters	1	6	9.126
11.20	12.00	Moitaka WL 5	vs	Korobosea B0	6	6	9.127
Under: 10a							
08.00	08.50	Ela Beach 2	vs	Korobosea A3	6	6	10.025
08.50	09.40	Bomana PC	vs	bye	6	6	10.026
09.40	10.30	St Joseph	1 vs	Murray B	1	6	10.027
Under: 10b							
10.30	11.20	Murray A	1 vs	POM Int	5	6	10.125
11.20	12.10	Korobosea B 1	vs	Gordon Int	3	6	10.126
12.10	13.00	P/Aravure	2 vs	St Peters	3	6	10.127
Under: 11a							
08.00	08.50	Murray A	0 vs	St Joseph	1	6	11.025
08.50	09.40	Ela Beach A3	vs	Gordon Int	0	6	11.026
09.40	10.30	Bomana PC1	vs	Korobosea 1	6	6	11.027
Under: 11b							
10.30	11.20	Ela Beach B1	vs	P/Aravure	0	6	11.125
11.20	12.10	Gordon Int	0 vs	St Peters	1	6	11.126
12.10	13.00	POM Int	1 vs	Moitaka WL 1	6	6	11.127
Under: 12a							
08.00	08.50	P/Aravure	0 vs	POM Int	1	9	12.033
08.50	09.40	Ted Diro	2 vs	Korobosea 3	9	9	12.034
09.40	10.30	St Joseph	0 vs	Gordon Int	1	9	12.035
10.30	11.20	Murray A	1 vs	St Pauls	0	9	12.036
Under: 12b							
08.00	08.50	Bavaroko	2 vs	St Peters	3	9	12.133
08.50	09.40	Bomana PC0	vs	June Valley	2	9	12.134
09.40	10.30	Diharora	0 vs	St Therese	1	9	12.135
10.30	11.20	Moitaka WL 10	vs	St Francis	0	9	12.136
Under: 13a							
08.00	09.00	St Pauls	2 vs	Gordon Int	2	9	13.033
09.00	10.00	Diharora	0 vs	S/Heart	1	9	13.034
10.00	11.00	Ela Beach	1 vs	Tokarara	6	9	13.035
11.00	12.00	June Valley	0 vs	P/Aravure	2	9	13.036
Under: 13b							
08.00	09.00	St Martins	1 vs	Bomana PC2	9	9	13.133
09.00	10.00	St Josephs	1 vs	G/River	2	9	13.134
10.00	11.00	Coronation	0 vs	Ted Diro	1	9	13.135
11.00	12.00	St Francis	2 vs	Kila Kila	1	9	13.136
Under: 14a							
08.00	09.00	P/Aravure	1 vs	Diharora	0	9	14.033
09.00	10.00	Bomana PC5	vs	Coronation	2	9	14.034
10.00	11.00	St Francis	0 vs	St Therese	2	9	14.035
11.00	12.00	Bavaroko A 2	vs	S/Heart	0	9	14.036
Under: 14b							
08.00	09.00	Don Boscoe4	vs	Korobosea 1	9	9	14.133
09.00	10.00	De La Salle 1	vs	Wards Strip	2	9	14.134
10.00	11.00	Bavaroko B 3	vs	St Pauls	3	9	14.135
11.00	12.00	Moitaka WL 3	vs	POM Int	2	9	14.136
Under: 15							
08.00	09.00	Diharora	0 vs	Hohola Yth	1	9	15.033
09.00	10.00	Don Boscoe1	vs	Kila Kila	0	9	15.034
10.00	11.00	Coronation	1 vs	De La Salle	1	9	15.035
11.00	12.00	Gerehu High	vs	P/Aravure	1	9	15.036
Under: 16							
08.00	09.00	De La Salle 0	vs	G/High	0	9	16.033
09.00	10.00	Don Boscoe1	vs	POM Int	7	9	16.034
10.00	11.00	Hohola Yth 3	vs	Laloki	0	9	16.035
11.00	12.00	June Valley	vs	M/Heduru	0	9	16.036
Under: 17							
12.00	13.00	Laloki	vs	Gerehu High	9	9	17.033
12.00	13.00	De La Salle 4	vs	De La Salle B 2	9	9	17.034
12.00	13.00	P/Aravure	0 vs	Don Boscoe5	9	9	17.035
12.00	13.00	Hohola Yth 1	vs	M/Heduru	0	9	17.036

**PORT MORESBY AMATUER BASKETBALL ASSOCIATION
HOHOLA COURTS**

SUNDAY: MAY 14/1995.

COURT	TIME	TEAM	VS	TEAM	Women
COURT 1	1.30	Pari (No. 1)	vs	Souths	Women
	2.30	Pari (No. 1)	vs	Souths	Men
	3.30	Pari (No. 2)	vs	Kadeboro Highway	Men
	4.30	Tarangau	vs	Dal	Men
COURT 2	1.30	Young Kombas	vs	Elcom	Women
	2.30	Bankers	vs	Pari (No. 2)	Women
	3.30	Tarangau	vs	Golden Alex	Women
	4.30	Zurriel	vs	Medics	Women

PORT MORESBY SCHOOLS SOCCER ASSOCIATION

(1995 Season Sponsored By Coca Cola)

Saturday May 6, 1995.

Team	P	W	D	L	F	A	Pts
Under 7's League							
St Josephs	5	4	1	0	11	3	13
Korobosea	5	3	2	0	9	2	11
Ela Beach A	5	3	1	1	9	5	10
POM Int A	5	2	1	2	6	6	7
Murray Int	5	0	1	4	0	9	1
Ela Beach B	5	0	0	5	1	11	0
Under 8's League							
Korobosea B	7	5	1	1	13	8	16
POM Int	8	4	2	2	14	8	14
Korobosea A	7	3	2	2	11	5	11
St Josephs	7	2	2	3	7	8	8
Ela Beach B	8	2	2	4	8	12	8
Murray W	4	2	1	1	6	7	7
Murray R	8	2	1	5	10	14	7
Ela Beach A	7	2	1	4	6	13	7
Under 9a's League							
POM Int	5	5	0	0	17	5	15
Murray Int	5	3	0	2	5	8	9
Korobosea	8	1	5	2	2	5	8
Gordon Int	5	2	0	3	4	3	6

BASKETBALL




• (antap) Netbal tim bilong ol meri PNG husat i go pilai long Arafura Gems long Darwin, Australia long las wik. Dispela lain meri i bin go wntaim planti arapela spot manmeri bilong PNG husat tu i go pilai insait long wanwan spot bilong ol. Sapos ol tim bilong PNG i wokim gut long dispela Arafura Gems, bai ol i ken mekim gut tru long 1995 Saut Pasifik Gems long Tahiti long mun Ogas.

• (Raithan) Tenis tim bilong PNG tu i kisim poto pastaim tasol long ol i lusim kantri long las wik na go daun long Darwin. Dispela em 6-pela manmeri husat i makim PNG.




• Netbal tu em pilal bilong ol meri. Ol i kalap strong moa long tromoi bal.



• Francis Moyap i traim long stapim fulbek bilong Guria, Vosap Erimas long bikpela salens namel long Guria na Kurti Andra.



• Lukaut long em: Stail bilong manki PTC long Mosbi soka resis.



• Clare Hou em wanpela spotmeri husat i save pilal planti spot.



• CAKES

Weddings & Birthdays
Our speciality25 1266 Pom
42 5349 Lae

PROVINSAL

SOKANIUS



• CAKES

Weddings & Birthdays
Our speciality25 1266 Pom
42 5349 Lae

Vanimo i kirapim kantri soka resis nau

OL pipel bilong Wes Kos Vanimo long Sandaun provins bai i gat sans long lukim gen soka i kamap long ples bilong ol.

Dispela bai sevim ol long i no moa hatwok moa long go long taun na lukim pilai.

Vanimo Kantri bai kirapim gen soka asosiesen bilong em yet ausait long taun kompetisen.

Tripela Ples

Ol i tokaut pinis tu long tripela ples bai kamap olsem ples bilong holim dispela kopetisen.

Dispela tripela ples em Yako, Waromo na Lido. Olgeta ples insait long Dasi i go kamap long Wutung bai kamapim soka tim

bilong ol long kik insait long dispela kantri soka resis.

Ogenaisa bilong dispela tonamen, Valentine Wekre i tok olsem ol i kamapim dispela asosiesen bihainim tasol mama lo bilong PNGFA.

Makim ol pilaia

Valentine i tok husat pilaia ol i makim long wanpela tim long wanem kain bikpela resis olsem rijonal, nesanel na ol ovasis resis, i mas kam long senta we i gat asosiesen i stap. Olsem tasol na ol i kamapim Vanimo Kantri Soka Asosiesen.

Valentine i tok tu olsem wanpela bikpela tingting tu i bilong

STAN RANGA i raitim

strongim pasin Kristen na kastom i mas go het na groa strong insait long wan wan komyuniti.

Em i tok planti klap long ol arapela ples i save sutim tok olsem planti yia i go pinis, Lido i save pilai makim Vanimo Kantri olsem

Askim WTK Realty

na ol i save givim baksait long ol arapela tim. Olsem na long kamapim kain asosiesen tru insait long ples level, bai inap gat gutpela seleksen long makim ol pilaia.

Ol i salim pinis askim i go long WTK Realty Kampani long Vanimo yet bilong stretim tripela pilai graun long Lido, Yako na

Waromo. Bai ol resis i ken kamap long olgeta wiken long ol pilai graun ya.

"Mipela i bin mekim disisen na makim pinis ol opisal husat bai stap na lukautim ol pilai long wanwan wiken insait long tripela ples ya," Valentine i tok.

Dispela i min olgeta tim bai pilai na ol gems bai stap long wan wan ples.

Em i tok ol tim na ol opisal bilong ol yet i mas painim rot na kamap long wanem pilai graun tim ol bai kik long en.

12-pela pilaia

Ol i bin makim pinis 12-pela pilaia pinis long makim Vanimo Kantri insait long Momase Soka

Tonamen we bai i kamap long mun Jun. Dispela bikpela pilai long taim bilong Kwin's Betde wiken bai pulim planti tim tru insait long kantri.

Valentine na komiti bilong em i makim narapela 12-pela man moa long mekim namba i go antap long 24 pilai.

Fainal 18 pilaia

Bihain long fainal trening bai ol i makim las fainal 18 man bilong makim Vanimo Kantri long Momase rijenal soka tonamen.

Em i tok i gat planti taim i stap yet long lukluk gut long ol pilaia na traim makim sampela gutpela pilaia husat inap kam aut klia long dispela taim.

Elcom katim pawa bilong Pascol long Hagen

PASCOL i bungim bikpela hevi taim Elcom i katim pawa bilong em long Hagen soka las wiken wantaim 3-2 skoa. Tupela i pilai long primia gem bilong ol man.

Tupela tim wantaim i kamapim strongpela salens tru we Pascol i painim rot na go insait brukim umben bilong Elcom. Tasol Elcom i save long joinim pawa gen olsem na em tu i go bek na brukim umben bilong Pascol.

Long namba wan hap bilong gem, tupela tim wantaim i kamapim ol gutpela na strongpela gem tru.

Presiden bilong Hagen Soka Asosiesen (HSA) Luke Wa'a i tok dispela i bin wanpela gutpela gem tru bikos planti manmeri i bin kamap long lukim tupela tim i pilai.

Long fultaim, Elcom i gat moa pawa olsem na em givim blekaut long Pascol taim em i katim pawa bilong Pascol wantaim tripela gol. Pascol i sot long taim long kamapim dro olsem na ol i lus

YAKAM KELO i raitim

wantaim 2 poin long fultaim.

Long arapela primia gem, ol plisman bilong Kumuls i sasim tru ol yangpela bilong Sunam. Ol manki Manus i bin mekim planti trabel long dispela taim olsem na Kumuls i sasim ol wantaim 2-0 skoa long fultaim.

Konwan i joinim gen telefon waia bilong em taim em i nekim ol telefon manki bilong PTC wantaim 1-0 skoa.

Konwan em join tim bilong Konokta na Wantok long las yia. Tupela i bung nau na kamapim dispela tim we em i soim tru PTC long las wiken olsem em i wanpela strongpela tim long Hagen soka resis.

Long resis bilong ol meri, Elcom i bihainim lek bilong ol man bilong ol na katim pawa bilong Pascol long 1-0 long fultaim. Dispela i bin wanpela gutpela pilai tru bilong ol meri. Tasol Elcom i strong moa na

autim tiket bilong Pascol.

Tarangau i soim ol meri Kumuls husat em kwin bilong Hagen pri sisen long dispela yia wantaim 2-0 skoa long fultaim.

Tarangau i bin pilai strong tru long daunimKumuls biko. ol meri Kumuls i gat ol gutpela pilaia na gutpela gem bilong ol. Tasol Kumuls i kisim bikpela mekim-save stret long han bilong Tarangau.

Konwan i no isi tu long ol meri Sunam. Konwan i go insait wantaim moa strong long dispela gem na wokim das long Sunam na winim wantaim 2-0 skoa long fultaim.

Presiden, Luke Wa'a i tok em i bin amamas tru long lukim gutpela pilai i kamap.

Dispela i bin namba tu gem bilong raun wan na olgeta manmeri i bin amamas tru long pilai wantaim na kamapim gutpela gem long wiken. Dispela de i bin gutpela na i no gat trabel samting i kamap.



● Kas bilong PTC i kisim bal naranwe long straika bilong Moukasi. PTC i win 5-0.

Lema helpim Kata long Kiunga

KATA soka tim long Kiunga, Westen provins i pait strong tru long winim ol arapela tim na kamap long namba tu ples long poin lata.

Kata i bin stap aninit long lata long dispela yia taim propa sisen i stat.

Kata i bin bungim Kerex long wanpela strongpela gem long las wiken we Kata i win 2-0 long fultaim.

Dispela i bin wanpela strongpela gem tru bikos tupela tim wantaim i pait strong tru long skoa.

Kerex em wanpela strongpela tim husat inap winim Kata tasol long dispela taim, gem bilong

Kata i bin tenis liklik.

Kata i bin kisim bikpela sevis na helpim i kam long biknem PNG intanesenel pilaia, Adam Lema. Adam i sanap long midfil na helpim ol fowat bilong Kata long skoim tupela gol ya.

Adam i stap nau long Kiunga long sampela wok bilong em taim Kata klap i bungim em na kisim em i go pilai wantaim ol. Adam em i kepten na kosa bilong Guria husat em sempion tim bilong PNG.

Long namba wan gem bilong Adam, Kata i bin bungim Blu Kumuls na tupela i pait strong tru long win inap Kata i nekim Kumuls 2-1 long fultaim.

Yako i nekim Lido long Vanimo soka

SEVENPELA tim i tokaut pinis olsem ol i laik kik long soka resis bilong Vanimo Kantri long dispela yia.

Tripela i bilong ol tim ya i bilong ol meri na foapela era tim bilong ol man. Ol tim va i bilong ol ples long hap bilong Wes Kos.

Long resis bilong 30 Sande, Mas. ol tim bilong Lido, Watex na Yako i kam aut na soim tru stail bilong ol.

Maski san i hat na ples i drai, ol tim bilong ol ples va i mekim save tru long pilai na pulim ol sapota long sait lain.

Namba wan pilai i kamap namel long ol susa bilong Yako wantaim ol susa bilong Watex. Tupela tim

wantaim i pilai strong na kikim bal olsem ol man. Tupela tim i was gut tru long namba wan hap bilong pilai.

Ol meri Watex i pilai strong tru tasol Yako tu i no surik. Ol i mekim save long ol. Olsem na long namba wan hap bilong pilai i no gat skoa.

Long namba tu hap bilong resis, winga na straka bilong Yako, Noreen Makis i lukim umben bilong Watex i slek na i gat sans long brukim kiau. Em i salim stret wanpela gutpela bal i go na i no popaia. Bal i mekim nais stret long umben bilong Watex. Yako win 1-0.

Bikpela resis bilong ol man namel long Yako na Lido sempian

tim bilong Vanimo i bin wanpela bikpela na strongpela pilai tru. Tupela tim wantaim i soim ol kain kain stail na trik bilong tupela tasol Yako i strong na autim Lido 1-0.

Maski Lido i gat ol biknem pilaia olsem John Babia, Noel Tamsen, Peter Tapotap, Paul Langro na Bonev Tulu husat i save makim Vanimo long ol ausait pilai, Yako i putim strongpela salens.

Gol bilong Yako i bin kamap taim Jerom i bin winim bal na abrusim Philip bilong Lido na subim bal i go arere stret long kopos we vangpela golkipa bilong Lido. Dunstan Kalos i painim hat long sevim.

Win i stap long han bilong tupela golkipa

YAKAM KELO i raitim

Ronald Simon na Willie Bera i holim ki


BIKPELA salens bilong Mosbi soka resis long Sande bai i stap namel long Guria na Rapatona long bikpela gem bilong ol man.

Dispela bai wanpela bikpela na strongpela gem tru bikos tupela tim wantaim i strongpela na i gat planti gutpela na eksperiens pilaia.

Rapatona bai gat gutpela sans long winim Guria bikos em i gat ol gutpela beklain na midfil husat i ken abrusim ol fulbek bilong Guria na go insait na skoa.

Rapatona bai yusim dispela sans long brukim difens bilong Guria bikos bi cnem fulbek bilong Guria, Adam Lema i no stap na dispela bai givim bikpela hevi long difens bilong Guria.


Narapela sans bilong Rapatona tu em Guria long dispela yia i gat planti nupela pilaia husat i wok



□ Ronald Simon

strong yet long luksave long gem plen na stail bilong Guria. Olsem na Rapatona i ken yusim eksperiens bilong em long brukim difens bilong Guria.

Rapatona i gat ol biknem pilaia olsem, Duri Yarawi husat bai sanap long beklain na holim



□ Willie Bera

difens. Em bai kisim sapot bilong Victor Weira na long golmak em PNG golkipa, Willie Bera bai bosim.

Long midfil i gat ol eksperiens man olsem Jeffery Emang na Paul Kailo. Na Pascalis Atalou bai givim het pen long Guria sapos

Guria i no was gut long em. Long fran lain em Peter Punai wantaim Kalwin husat bai kamapim bikpela salens tru long beklain bilong Guria.

Tasol golkipa bilong Guria, Ronald Simon i ken sevim Guria long dispela wiken sapos ol fulbek i sanap strong long difens na larim em i was gut long ol kain kik bilong Rapatona long ausait.

Lapun Eli Mali i kam bek pinis na em inap yusim eksperiens bilong em long lukautim difens bilong ol manki Guria. Em bai kisim sapot tu long Michael Baungi na Victor. Lapun lek bilong Eric Petrus i stap strong yet na em i ken wok bung wantaim Simon Emmanuel long midfil long setim ol fowat long skoa.

Rapatona i mas was gut tasol long winga bilong Guria. Winta

Fosing na Peter bai pait strong long brukim banis bilong Rapatona long sait lain na salim bal i go long Ben husat i ken traim long brukim difens bilong Rapatona na skoa.

Dispela bai wanpela strongpela gem tasol tupela golkipa yet, Willia Bera na Ronald Simon bai tokaut long husat i ken winim dispela gem.

Narapela strongpela gem tu bai kamap namel long ol telefon manki bilong PTC na ol bikples manki Momase.

PTC i gat ol gutpela fowat olsem Wesley Waiwai na Nicholas Pui olupela straika bilong Lae. Tupela bai kisim bikpela helpim i kam long olupela PNG pilaia, Raymond Nasa long midfil. Long beklain bilong PTC bai Peppy Pombuia i sanap na em bai pilai strong tru.

No gat mani long salim Anda 17 skwat long Vanuatu

PAPUA Niugini Futbol Asosiesen (PNGFA) i stopim PNG anda 17 tim long go pilai long Osenia anda 17 soka tonamen long Vanuatu bikos i no gat mani.

PNGFA i bin bung las wik long Lae na kamapim dispela tingting bilong stapim PNG anda 17 tim long go kik long Vanuatu. Bikos PNGFA i no gat mani long salim junia skwat i go kik long Vanuatu.

Nesenel Yut kosa, Ludwig Peka i tok em i no amamas long harim dispela disisen bikos em i save olsem dispela disisen i ken kilim tru interes na laik bilong ol dispela manki. Planti bilong ol i ken lusim soka na go long arapela spot nau.

Ludwig i tok dispela skwat i bin wanpela gutpela skwat tru bikos ol i save trening gut tru na bihainim olgeta toktok na mekim ol samting i kamap bihainim plen bilong kosa.

Ludwig i tok em i wari nogut planti bilong ol dispela manki bai lusim soka nau. Bikos olgeta i liklik manki yet na tingting bilong ol

YAKAM KELO i raitim

i wok long groa yet. Na sapos kain samting olsem i kilim interes bilong ol, bai ol i ken lusim pilai olgeta.

Yut kosa i tok em i ken tokaut stret olsem dispela ol manki inap kamapim senia mens tim bilong PNG long 5-pela krismas bihain. Bikos nau em i ken lukim stret pilai bilong ol i gutpela na strongpela tru.

Ol i bin holim wanpela trening gem wantaim LFA skwat tim tupela wik go pinis na dro 0-0 long fultaim. Dispela i bin wanpela strongpela gem tru we ol biknem pilaia bilong LFA i painim hat tru long abrusim ol na go skoa.

Ludwig i tok Michael Kami na David Kaukesa bilong Madang bai kamap tupela top midfil pilaia bilong PNG long bihaintaim. Na tupela inap sanap long PNG senia mens skwat long midfil posisen.

Tasol ripot i kam long PNGFA presiden, Peter Mommers i tok PNGFA bai traim long kamapim

wanpela pilai bilong ol dispela yangpela manki wantaim Irian Jaya long dispela yia. Dispela em long mekim ol manki i amamas long pilai na holim yet laik na interes bilong ol long pilai na makim kantri.

Mommers i tok ol bai traim long holim yet ol dispela manki wantaim long stap long skwat na makim PNG long neks yia o yia bihain long ol junia tonamen insait long Pasifik.

Ludwig i tok em i wok long kisim ol askim i kam long telefon long ol papamama bilong ol dispela manki long skwat bilong em.

Ol i wok long ringim em na askim em long wanem samting PNGFA i wok long mekim nau long redim ol pikinini bilong ol long go pilai long Vanuatu.

Nesenel Yut Kosa i tok em i sori tru long ol dispela askim bilong ol papamama tasol em i laikim PNGFA i mas kamapim sampela rot bilong mekim ol papamama ya i amamas na sapotim ol pikinini bilong ol yet long pilai soka.



□ Pawa tim bilong Elcom long Mosbi Pablik Sevis resis.

Yuni i givim skul long Momase

MOMASE i kisim namba wan skul bilong em taim em i lus long Yunivesiti 2-1 las wiken long Mosbi soka.

Dispela em i namba tu gem bilong Momase insait long primia divisen na em i stat pilim pinis strong bilong primia divisen taim em i givim hatpela gem egens Yunivesiti.

Momase i kisim gutpela trening tru long han bilong Yunivesiti las wiken taim straika bilong Yunivesiti, Hanz Gewabing i skorim tupela gol insait long mak bilong Momase long kamapim win bilong Yunivesiti.

Yunivesiti husat i gat planti biknem pilaia olsem Steven Mune, Komok Jem, Desmond Waku, Roy Karang, Joe Aisa, Batman Fugiri na golkipa Francis Kupe i pilim strongpela gem tru egensim ol dispela yangpela blut bilong

Momase.

Long namba wan hap bilong pilai, straika bilong Yunivesiti, Hanz Gewabing i kwiktaim skorim wanpela gol insait long 2 minit bilong pilai. Dispela gol i opim ai na tingting bilong ol manki Momase na ol i stat long ranim bal long graun na sanap makim gut ol birua bilong ol.

Roy Karang i bin abrusim wanpela klia gol long dispela taim. Em i kik na bal i go abrusim golmak bilong Momase na go antap long golpos.

Long namba tu hap bilong pilai, Momase i strongim yet dispela men to men making long ol fowat bilong Yunivesiti. Olsem na Desmond i salim wanpela bal i go long Steven Mune na taim ol fulbek bilong Momase i ron i go long Steven, Hanz i katim i go long narapela sait we em i sanap fri tru

na Steven i salim bal i go antap na pundaun long lek bilong em na em subim stret long mak bilong Momase.

Tasol ol yangpela manki bilong Momase i no lukdaun long dispela tupela gol bilong Yuni. Ol i pilai gem bilong ol i go inap wanpela gutpela bal i go long rait winga na em salim i go stret long mak bilong Yuni. Francis Kupe na Ekar i kalap wantaim na paulim tupela yet. Olsem na bal ya i go na pas long umben.

Wanpela gutpela sans i bin kamap tu long Momase taim Max i kisim wanpela gutpela bal na em subim i go antap long golmak bilong Yunivesiti.

Klostu long fultaim, Ekar i hanbal insait long penalti eria bilong Yunivesiti stret we Momase i kisim penalti kik tasol Francis Kupe i sevim. Olsem na Yunivesiti i win.



□ Stail manki Rengan bilong PTC i mekim na ol i autim Moukasi 5-0 long primia resis bilong Mosbi soka las wik.

Karate Shotokan pulim interes long Wau

ARI GUH DANDEE i raitim

OL bisnis lain na papa-mama bilong Wau distrik insait long Morobe provins i amamas tru long harim gutpela stori bilong ol Karate Shotokan lain husat i bin winim ol medel insait long nesenel tonamen long Ista wiken long Lae. Insait long presentesen

nait bilong ol long Wau, presiden bilong klap, Silvanus Asi i tok em i amamas tru long lukim olsem ol boi bilong klap i bin wok hat tru na pait insait long dispela Ista tonamen. Na Wau i bin kamap namba 4 ples insait long Papua Niugini. Em i tok maski Wau i


bin go olsem wanpela nupela klap long tonamen, ol i mekim gut tru long winim ol arapela olpela klap husat i bin kamap long dispela taim bilong pait. Em i mekim toktok amamas tu i go long ol eksekutiv bilong klap, ol bisnis haus na ol wanwan manmeri husat i bin givim taim bilong ol long helpim na salim dispela klap i

karim nem bilong Wau i go pait insait long dispela tonamen long Lae. Silvanus i tok sapot bilong olgeta lain long Wau i bringim tu ol medel ikam long Wau long dispela yia. Ol i winim tripela tropi na arapela medel. Insait long ol dispela prais, Pomai Rauai na Sam Andrew i win long Anda 12 divisen. Ol

arapela paitman em Billy Majma husat tu i winim tropi long divisen bilong em. Gol medel i bin go long Gauvin Patak, silva medel i go long Sam Gurua na brons medel i go long Gene Gisa. Trena bilong ol, Authur Yang i tok em i amamas tru long lukim Wau i kamapim gutpela risal tru long dispela nesenel tonamen. Em i

tok planti lain bilong em i bin win long teknikel nokaut tasol. Yang i mekim bikipela tok amamas i go long ol Anda 12 pilaia bilong em bikos dispela i namba wan taim tru we ol bin gat Anda 12. Na ol i bin pait gut tru na i winim dispela tonamen long divisen bilong ol. Yang i tok dispela spot bilong Karate Shotokan i wok long kamap

bikipela na i wok long pulim interes bilong planti yangpela manmeri insait long Wau distrik long go insait. Ol bosman bilong Kibung Treding, CRA Mineral, Wau hai skul, Distrik Sevis na Fiseris bilong Lae i bin stap long Wau long dispela taim na witnessim presentesen nait bilong ol Katate Shotokan long las wiken.



PNG meri wokim gut long Arafura volibal salens

JAMES KILA i raitim

VOLIBAL tim bilong ol meri PNG i autim tiket bilong Noten Teritori 3-1 long namba wan gem long las wik Sande. Ol meri PNG i bin pilai strong tru na winim dispela gem we ol i rabisim ol toktok i bin kamap long niuspepa olsem PNG tim bilong volibal i no redi gut long dispela Arafura Gems long Darwin. Yangpela meri, Winnie Ninuku husat i bin pilai long 1993 na PNG i winim gol medel i pilai gen long dispela yia. Na em i bin kamapim planti gutpela pilai tru we i pulim tru ai bilong ol opisal na sapota long las wiken gem.

Winnie i bin kamapim planti gutpela na strongpela spaik tru long banis bilong Noten Teritori na helpim PNG volibal tim long winim dispela namba wan gem. Ol meri Noten Teritori i bin painim hat tru long stapim ol strongpela spaik bilong Winnie. Papa bilong Winnie, Henry Ninuku husat em kosa bilong PNG wimens volibal tim i tok Winnie i pilai gut tru. Na em i laikim olgeta meri i mas pilai olsem Winnie bai PNG i ken gat bikipela sans long winim gol medel gen long dispela Arafura Gems.

Winnie i bin yangpela meri tru na em i stap insait long 1993 skwat we ol i bin winim gol medel. Nau em i vais kepten bilong PNG tim long 1995: Arafura Gems. Kepten em Marie Kairu husat i bin kamapim planti gutpela pilai tru long las wiken. Em wantaim Winnie i bung wantaim na kamapim win bilong PNG long namba 2 na namba 3 raun we PNG i winim tupela raun wantaim. Kosa, Henry Ninuku i tok dispela namba wan win i rabisim pinis ol toktok olsem we i bin kamap long nius olsem wimens tim bilong ol meri i no fit long dispela gem. Nau ol i win, ol bai pait strong yet long go insait long

winim medel. PNG i bin lusim namba tu gem bilong em egens Australia Difens Fos (ADF) 3-1, Henry i tok ol bai kam bek strong long bekim bek dispela lus. Insait long dispela gem bilong PNG egens ADF, PNG meri i soim strongpela salens tru we i pusim gen i go long foapela sets. Na ol meri PNG i lus 3-1 sets long fultaim. Long Mande PNG tim bilong man i lus long Macau 3-0. Macau tim i kamapim strongpela difens tru long dispela gem na winim PNG tim long fultaim. PNG tim i pilai strong tru tasol em i abrusim long luksave long ol mistek bilong em na stretim.

Lukaut long em! Lyneth Gure em wanpela strongpela mama husat i save pilai strong tru long kamapim win long tim bilong em.

Long las wiken gem, Lyneth i pilai strong tru na helpim tim bilong em Rebels long autim tiket bilong Raiowai wantaim 33-26 skoa long fultaim. Poto: Jack Ami

Wau basketbal go insait long propa sisen

WAU Basketbal Asosiesen bai i no inap pilaim ol gems bilong em long pri sisen bikos ol i ran bihain long tiam bilong pilai.

Tasol ol bai statim pilai stret long propa sisen na dispela em long 6 Me long las wiken.

I gat pinis 12-pela klap i putim nem bilong ol long pilai insait long dispela resis bilong basketbal long dispela yia. 8-pela tim bilong ol meri na 7-pela tim bilong ol man.

Ol dispela klab bai baim K20 rejistresen fi na K6. pilaia fi bilong wanwan pilaia.

Ol tim husat i givim pinis nem em ol meri Napa Treding, Wantoks, CLC, Warriors, Kalindaga, Mairu, Kolorong, Drifters, Wau Hai Skul na Wara Muli.

Wau Basketbal Asosiesen nau i askim ol klab long baim hariap ol rejistresen fi bilong ol. Na tu ol i mas redi long go insait long pilai graun taim pilai stat bikos dispela em propa sisen na ol i no laikim ol tim i no kamap long pilai.

Siaman bilong pilai, Mathew Humango i tok planti toksave long pepa i go aut pinis na ol klab i no gat wanpela samting long komplek long en sapos ol i kisim profit long dispela taim bilong pilai.

Westpac makim LFA long klap sempionsip

PAULUS TALI i raitim

WESTPAC soka tim bilong Lae Futbol Asosiesen (LFA) i redi long makim LFA insait long nesenel klap sempionsip long Jun Kwins Betde long Lae.

Westpac em wanpela nupela soka tim husat i bin bungim ol yangpela manki bilong West Taraka na kamapim dispela tim.

Westpac i bin soim em i wanpela strong tim long kamap insait planti nokaut na fainal bilong LFA long las yia na tu long 1993.


Westpac i gat ol yangpela blut olsem Beto Voivoi, Ngayang Masi, Jeffery Allan Sampson na planti arapela moa. Na dispela bai namba wan taim bilong Westpac long smelim kain bikipela sempionsip bilong PNGFA long dispela yia.

Tonamen Dairekta bilong PNGFA, John Peka i tokaut long dispela olsem Lahi Soka Asosiesen (LSA) bai lukautim dispela pilai long Sir Ignatius Kilage Stedum. Tim bilong ol man long LFA em Westpac na ol meri em Waliya.

Long Lahi em ol meri Gaziga na ol manki Sobou bai makim Lahi long dispela nesenel klap sempionsip.


Peka i tok arapela asosiesen i mas givim toksave long wanem tim o klap bai bilong ol bai go long dispela sempionsip. Bai em i ken lukim na stat long redim dro bilong pilai ken kamap bihainim.

Em i askim olgeta asosiesen long baim afilieesn fi bilong ol i go hariap long nesenel bodi (PNGFA). Sapos ol asosiesen i no baim ol dispela fi bilong ol, bai sempion klap bilong ol i no inap kamap long dispela nesenel klap sempionsip long Lae long Jun Kwins Betde long mun Jun.



• Volibal resis bilong ol wantok Buka insait long Mosbi.

WANTOK SPOTS



Plen bilong siti soka i kisim bikpela sapot

TOKTOK bilong kirapim soka salens namel long Lae na Mosbi kisim bikpela sapot pinis. Na olgeta samting i stap nau long tupela siti yet long paitim toktok na makim taim.

Siti salens bai bungim Lae na Mosbi wantaim long traim kirapim laik bilong pilai soka. Long wankain taim, kirapim bel na tingting bilong ol manmeri long go lukim na sapotim. Na long tu mekim ol pilaia i pilai strong long winim wanpela na arapela.

Dispela em i wanpela plen we i stap ausait long kalenda bilong Papua Niugini Futbol Asosiesen (PNGFA). Tasol sapos plen ya i kamap gut, PNGFA bai tingting long sapotim long bihain taim.

Seketeri bilong Lahi Soka

Asosiesen (LSA) long Lae, Moses Demas i tokaut pinis olsem dispela em i wanpela gutpela tingting. Na Lahi bai redi tasol long putim kamap wanpela skwat bilong dispela kik resis.

Lae bai gat tupela tim. Bikos i gat tupela asosiesen-Lae Futbol Asosiesen (LFA) na Lahi.

Wanpela provinsal memba husat i sapota bilong LFA i bin tokaut tu olsem em i sapotim dispela tingting. Na ol i laik traim Mosbi. Bikos olgeta taim ol pilaia bilong Mosbi tasol i save pulap long PNG skwat long ol ovasis tonamen.

Memba ya i tok olgeta taim ol manmeri save ting Mosbi em i strongpela soka senta. Olsem na ol i laik traim Mosbi insait long dis-

YAKAM KELO i raitim

pela siti salens.

Olpela presiden bilong LFA na tonamen dairekta bilong PNGFA, John Peka i tokaut pinis olsem siti salens i gutpela. Olsem na em i laikim dipsela salens i mas kamap.

Peka i bin tokaut tu olsem sapos siti salens i kamap, ol arapela senta i welkam long joinim.

Dispela tingting bilong statim siti salens i bin kamap long maus bilong Presiden bilong Mosbi Soka Asosiesen (PMSA), Mark Basausau long dispela yia taim em i winim sia bilong PMSA presiden.

Basausau i tok em i laik kamapim dispela siti salens. Olsem na em bai traim toktok

wantaim tupela asosiesen long Lae. Na sapos tupela i tokorait, ol bai paitim toktok na redim na stre-tim ol samting long kirapim dispela salens.

Kasausau i tok astingting bilong dispela siti salens em long givim gutpela trening long ol yangpela anda 19 pilaia husat inap kamap sinia pilai long bihain. Na tu i ken helpim asosiesen long redim skwat bilong em long ol PNGFA nesanel tonamen.

Wanpela bikpela tingting tu em long helpim asosiesen i wokim mani bilong em long geit taim em i lukautim dispela pilai.

Presiden bilong PMSA i ting olsem sapos dispela siti salens i kamap, dispela inap pulim laik bilong ol pilaia i go strong. Na tu

pulim moa manmeri long kamap na lukim pilai.

Em i tok, "Soka i bin kamap bipo long Papua Niugini long ol arapela spot. Na planti manmeri save long soka. Olsem na mipela i mas kamapim rot bilong pulim bek dispela laik bilong ol manmeri long kam bek na sapotim soka."

Dispela tingting bilong siti salens i kamap ples klia pinis long Lae na Mosbi.

Wok i stap nau long han bilong tupela biknem senta ya long makim taim na redim ol pilaia bilong tupela.

Sapos olgeta samting i orait, namba wan siti salens bai kamap namel long Mosbi na Lae long Mosbi long dispela yia.



Madang Toyota pawa.....Dispela tupela poto i soim MTC B Gfret basketbal tim bilong ol man na meri. Ol pilaia bilong B Gret tim bilong ol meri em: (Sindaun l-r) Salome Salum, Wendy Dunstan, Paula Anis na Ruth Nabur. (Sanap l-r) Martha Saran, Aileen Francis na Vicky Anum. Tim bilong ol man: (Sindaun l-r) Brandy Tanda, Joseph Sau, John Tominde na Tepra Kokie. (Sanap l-r) Gaunga Musim, Lawrance Parang na Frederick Masu.

Paia bilong Inta Siti resis bai stat long Sande

LONG Sande bai bikpela resis bilong SP ragbi lig Inta siti Kap i statim namba wan raun bilong ol.

Planti manmeri long kantri save kolim dispela inta siti resis olsem semi profesenel futbol, bai kamap long Goroka, Madang, Mt Hagen na Mosbi we 8-pela tim insait long dispela resis bai brukim bun gen long resis bilong dispela yia.

Ol 8-pela tim ya em Madang Globetrotters, Kundiawa Warriors,

Mendi Muruks, Lae Bombers, Port Moresby Vipers, Hagen Eagles, Goroka Lahanis na Rabaul Guria.

Sempion tim bilong las yia, Port Moresby Vipers i mekim bikpela senis long tim bilong ol long resis bilong dispela yia. I gat planti nupela pes long tim. Wankain taim tu i gat ol ekspiriens pilaia long tim.

Tasol wanpela bikpela skim em inap ol i holim yet taitel bilong ol long dispela yia. Long wanem planti ara-

pela liklik senta i bin mekim bikpela wok tru long op sisen long traim na rausim dispela kap long ol lain Mosbi.

Vipers bai bungim Mt Hagen Eagles, Lae bai bungim Goroka, Rabaul bai bungim Madang na Mendi bai bungim Kundiawa.

Dispela yia resis i bikpela moa long wanem SP Holding, sponsa bilong dispela resis, i putim K115,000 i go insait long resis. Na tu planti biknem kampani insait long kantri wok long putim moa

mani go insait long dispela resis.

Globetrotters, wanpela tim husat i no winim wanpela pilai bilong ol long las yia i kisim moa sapot long dispela yia long baim ol pilaia bilong ol long K70 long wanwan pilai. Na K140 long wanpela potnait.

Dispela i bikpela sapot tru na luk olsem long pilai bilong ol long dispela wiken, ol bai no nap givim wanpela sans long Rabaul Guria.

Narapela bikpela pilai em namel long Lae

Bombers na Goroka Lahanis long Goroka.

Lahanis, husat i kisim gutpela sponsasip long Wills na Collins & Leahy bai putim strongpela pilai tru long dispela wiken. Kumul senta David Gomia i stap pinis insait long Lahanis sait na dispela i givim moa pawa long ol. Lae tu i gat nupela kosa-liklik brata bilong kosa bilong Brisbane Broncos Wyanne Bannett. Bob Bannett husat i kisim wok long dispela yia i redim gut tru ol man.

Namba wan Raun

Goroka Lahanis vs Lae Bomber (Goroka)

Port Moresby Vipers vs Mt Hagen Eagles (Pot Mosbi)

Madang Globetrotters vs Rabaul Guria (Madang)

Kundiawa Warriors vs Mendi Muruks (Mendi)

**LAE
BISCUIT**



RAGBI LIG

NIUS

I NO BILONG SALIM

**LAE
BISCUIT**



Inap ol Eagles holim bek ol Sinek

MOSBI VIPERS vs MT HAGEN EAGLES

RODNEY KAMUS i raitim

MOSBI Vipers long dispela wiken bai bungim bikipela salens tru i kam long han bilong ol Mt Hagen Eagles long resis bilong raun namba wan SP Inta Siti Kap.

Mt Hagen Eagles wanpela tim husat i no bin mekim nem bilong ol i bikipela long las yia bai kam strong tru long dispela yia long wanem ol i bin tokaut pinis olsem ol i laik kamap olsem tim we i save pilai egensim Mosbi long taim dispela resis i stat tasol.

Kosa Simon Moi Mell i tokim lig nius olsem long dispela yia, Eagles bai wanpela tim em ol pilai i mas pilai hat tru long wanem olgeta bai stap aninit long kontrak.

Long dispela i soim olsem Mosbi Vipers i mas redi gut tru long

daunim ol mangi Hagen.

Hagen Eagles long dispela yia tu bai lusim biknem Kumul senta bilong ol David Gomia husat i stap nau long Goroka Lahanis. Gomia i bin trense i go long Goroka long wok bilong em olsem na em i pilai long Lahanis tim husat bai kisim Bombers long dispela wiken.

Tasol Mosbi Vipers long dispela yia i gat planti ol spitman long fowat lain bilong ol na beklain tu wantaim. Dispela bai putim bikipela presa long ol ol Hagen long beklain bilong ol long wanem ki man bilong ol Gomia i no moa stap long bosim dispela ples.

Long wankain taim tu ol Mosbi pilai olsem Aqula Emil, Stanley

Haru na Ben Bire i kam bek long tim na dispela bai putim moa strong i go insait long tim.

Yangpela Markus

Bai na Peter Sterlo bilong Paga Panthers husat bai pilaim namba wan gem bilong ol long dispela wiken bai i stap autsait long pilai graun

long soim olgeta olsem ol yangpela i ken mekim.

Bai husat i gat nem long ranawe i go na

putim trai wantaim gutpela spit bilong em na Sterlo man husat i save mekim ol strongpela takel bai ol Eagles i mas

was gut long ol long dispela bikipela pilai.

Ol fowat olsem Bire na Naipao husat i bin pilai gut tru long las wiken bai redi gen long memem ol fowat bilong Mt Hagen Eagles. Tasol Eagles tu i gat moa strong long fowat lain bilong ol long holim bek ol Vipers.

Ol Vipers husat i bin opem gen dispela Operesen Demolisen 2 long las wik Sarere bai redi tasol long resis bilong dispela yia.

Long ol narapela pilai bilong inta siti resis long raun namba 1, Goroka Lahanis bai bungim Lae Bombers long Goroka em wanpela gutpela pilai we ol Lahanis bai traim gen long kisim strong bilong ol gen olsem 1993, Rabaul Guria bai lusim ples na kam pilai egensim Kalibobo Globetrotters long Madang na Kundiawa Warriors bai bungim Mendi Muruks long Hagen.



□ Fowat bilong Vipers James Naipao i traim long brukim banis bilong ol Eagles long wanpela pilai bilong ol long las yia.

Kumul hapbek em No: 7 bilong Maroons

**STATE OV
ORIJIN RIPOT**

PAPUA Niugini Kumuls hapbek Adrian Lam bai mekim ol sapota long kantri i amamas moa taim em i kisim pilai graun bilong Sidni Futbol Stadium long neks wik Mande we em bai werim Maroons namba 7 jesi.

Lam husat mama i karim em long Papua Niugin na muv i go long Kwinslen taim em i gat tripela kismas i kisim ples bilong Allan Langer olsem hapbek bilong Kwinslen bihain long ol selekta bilong Kwinslen i tokaut long Mande nait.

Planti manmeri i na lig sapota insait long kantri i amamas tru long harim dispela tok

olsem wanpela Papua Niugini Kumul pilai i go insait nau long Maroons tim long pilai long dispela yia.

Lam i kisim ples Allan Langer long pilai long wanem Langer wantaim narapela ol wan pilai olsem Kerrod Walters, Steve Renouf, Wendell Sailor, Willie Carne na Michael Hancock i no nap pilai logn Maroons long wanem ol i sain pinis wantaim supa lig.

Tasol dispela i no nap long stopim State ov Origin pilai long go het na ol selekta i makim Lam long holim dispela bikipela wok bilong Kwinslen.

Lam i bin opim ai bilong ol selekta bihain long em yet i bin mekimtuim bilong em Sidni Siti Roosters long winim pilai bilong ol

egensim South Kwinslen Crushers na tu egensim Gold Coast we kosa bilong em Phil Gould husat bai kosim ol Maroons i tok olsem Lam i namba wan hapbek tru.

Long wankain taim kosa bilong Maroons Paul Vautin i amamas tru long pilai bilong Lam na i laikim em long pilai.

Papua Niugini Ragbi Futbol Lig i bin givim tokorait pinis long Lam long pilai.

Lam i tok olsem pilai long State ov Origin em narakain tasol em bai pilai long hapbek bilong Papua Niugini yet long wanem bikipela laik bilong em tru em long pilai long Kumuls.

**Lain ap bilong
Orijin tim bilong
Kwinslen
(Queensland)**

**Robbie O'Davies, Brett Dallas,
Mark Coyne, Danny Moore,
Matt Sing, Dale Shearer,
Adrian Lam, Gavin Allen,
Wayne Bartrim, Tony Hearn,
Trevor Gillmeister(kepten),
Garry Larson, Billy Moore.**

Risev:

**Ben Ikin, Terry Cook,
Mark Hohn, Craig Egan.**

**Lain ap bilong Orijin tim
bilong Nu Saut Wels
(New SouthWales)**

**Tim Brasher, Rod Wishart,
Terry Hill, Paul McGregor,
Craig Hancock,
Mathew Johns, Andrew Johns,
Brad Fitter(kepten),
Steve Menzies, Brad Mackay,
Mark Carroll, Jim Serdari,
Paul Harragon.**

Risev:

**Matthew Seers, Greg Florimo,
David Fairleigh, Adam Mlur.**



Bun bai pen long dispela samting ... □ Ol yangpela ya i holim dispela bikipela kap em ol 8-pela tim bai stat pait long em, long dispela wiken.

PORT MORESBY RUGBY FOOTBALL LEAGUE

Saturday May 13, 1995.

Round: 1/8

Table with columns: Ground, Time, Grade, Team, Vs, Team. Lists matches for Saturday May 13 and Sunday May 14, 1995.

LAE WINFIELD LEAGUE DRAWS

(Round Three Four Seniors And Round Six And Seven Of Juniors Coca-Cola Sevens)

All Juniors please note: all under 17 matches on Saturday and all under 19 matches on Sunday.

Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

Table with columns: Time, Division, Team, Vs, Team. Lists matches for Saturday May 13, 1995.

SYDNEY RUGBY LEAGUE LAST WEEK'S RESULTS

Table with columns: Team, Points, Team, Points. Lists results for Sydney Rugby League last week.

POINTS TABLE

Table with columns: TEAMS, W, D, L, F, A, P. Lists points table for Sydney Rugby League.

SYDNEY RUGBY LEAGUE THIS WEEK'S DRAWS

Table with columns: SPLIT, ROUND, Team, Team. Lists draws for Sydney Rugby League this week.

MONDAY NIGHT STATE OF ORIGIN - SFS

Ol pilaia senis long Inta Siti tim

RODNEY KAMUS i raitim

...Bai I gat senis o nogat?...

RESIS bilong SP Inta Siti Kap long dispela yia bai lukim planti bikipela senis moa long ol pilaia long wanwan tim.

Ol sampela bilong ol pilaia husat i bin stap long ol tim long las yia i surik i go long ol narapela tim long sait bilong wok ol o ol narapela senta i kisim ol long givim ekspirians long ol pilaia bilong ol.

Planti ol biknem pilaia insait long kantri nau i lusim ol biknem tim long go insait wantaim ol liklik tim long apim stendet bilong ol long pilai i kam antap.

Ragbi Lig Nius long dispela wik i lukluk long ol wanwan pilaia husat i lusim tim bilong ol na go long ol narapela tim long resis bilong SP Inta Siti kap em bai stat long dispela wik.

David Gomia Strongpela Kumul senta husat i mekim planti ol lain i kalap nogut taim ol Lahanis i tokaut long nem bilong em long skwat bilong ol. Gomia i lusim Hagen na nau i stap long Goroka na i kisim ples pinis insait long Lahanis tim. Em i go long Goroka long wanem wok bilong em i salim em i go. Dispela bai mekim strong bilong ol Hagen Eagles long beklain bai pundaun liklik long wanem, Gomia i wanpela strongpela man tru long dispela eria.

Kuks Pato Wanpela strongpela fowat bilogn rabaul Guria long las yia tasol nau em i stap long Madang na bai pilai aninit long flag bilong Kalibobo.

Dispela bai i givim ol moa pawa long fowat lain. Na wankain taim tu Rabaul Guria i lusim wanpela strongpela man bilong ol.

Patrick Kiap Dispela strongpela fowat bilong ol Lae Bombers i stap nau wantaim Mosbi Vipers long wanem em i wok nau long Mosbi. Long las yia em i save flai i go long ol pilai bilong Bombers tasol nau em i pilai long Brothers na i go insait pinislong Mosbi Vipers. Ol strongpela ron bilong em bai mekim ol narapela senta i het pen liklik.

Robert Tia Wanpela strongpela fowat husat i save pilai wantaim Royals long Mosbi lig. Em i

wanpela strongpela man bilong takel na tu long ron. Kalibobo Globetrotters i kisim Tia long helpim ol yangpela bilong ol long kisim kain save osem Tia i gat long pilai ragbi na mekim tim bilong ol i strong moa.

Sam Karara na Joe Gispe

Sapos olgeta toktok i go orait na tupela pilaia i pilai wantaim Globetrotters, Karara em wanpela man tasol husat i pilai pinis long planti inta siti tim na em i ken skulim gut ol yangpela pilaia bilong Madang. Wankain taim tu, Gispe husat i pilai gut tru long Mosbi Vipers long las yia na wanpela bikipela nem Kumul pilaia bai go pas wantaim Tia long strongim Kalibobo Globetrotters. Karara na Gispe i luk osem bai kamap ol ki pilaia bilong Madang sapos ol i kisim tupela.

Lae redim ol bom bilong sutim Lahanis



Nander Yer

Yer husat i wanpela strongpela fowat tru bilong kantri i stap nau long Mendi na long dispela yia bai ol sapota i lukim em i keptenim Muruks tim long dispela yia. Yer husat i bin stap wantaim Mosbi Vipers long las yia i wanpela biknem pilaia insait long kantri. Em bin pilai bipo long lae Bombers we em i mekim nem bilong em yet long Kumul tim na dispela yia, em bai karim ol Muruks gen.

LAE siti Bombers bai pilaim namba wan gem bilong SP inta-siti kap salens wantaim Goroka Lahanis long Sande. Swat bilong Bombers stat trening long taim yet long mun Februari na luk ol tasol long nau ol kisim Lahanis. Kosa bilong Bombers, Bob Bennett i hat wok tru long bugim ol olupela na yangpela pilaia long stretim bun na mit strong long dispela gem egensim Lahanis. Menesmen bilong tim makim pinis kaptan bilong Morobe Tigers na lok fowad bilong Bombers, Matthew Elara, to

igo pas na bringim ol long lik Danny Leahy, oval long dispela salens.

Toktok tu ikam osem las yia kaptan John Piel, bai ron wantaim Bombers long Goroka na em (John) i givim bikipela stia long Bombers long Bagarapim ol "mad man" long Sande.

Piel i wanpela strongman bilong tim na em i soim pinis osem em i hat tru long birua tim long stopim em taim em holim bal. Takol bilong em to i osem

plais na bai ol Lahanis mas was gut long en sapos ol ilaik long win. Bombers fowad fos osem David Reeka, Eddie Lovuru, tupela brata Simon na Francis Pegu, Iron Piel long stopim bikipela Goroka Lahanis man.

Lahanis mas lukluk gut long holim Bombers fullbek Peter Bomai bilong wanem taim em kam insait wantaim beklain bai osem Moto Baik stres. Em iken wel nating namel long Lahanis na putim trai bilong tim bilong em.

Bombers kosa no amamas long ripot

LAE Siti Bombers Kosa, Mr Bob Bennett, Ino wan bel long nius ripot bilong ol pilaia bilong Bombers tim osem pepa (Wantok) i putim aut las wik.

Long wik igo pinis (Ragbi Lig Nius) telimautim ol asua bilong bik nem Bombers pilaia husas instap insait long skwas long SP inta-siti ragbi lig kap resis long dispela yia. Planti biknem na olupela Bombers pilaia ino soim

sampela komitmen na disiplin long pilai bilong ol long lokol klab gem bilong ol osem na sampela spetetas i bringim vari bilong ol long Wantok opis long Lae long raitim kamap las wik.

Kosa Bennett long las sarere tok pait wantaim Lae lig sekretari na ripot bilong Wantok Zeph Aigal, osem em ino hamamas long dispela ripot bilong wanem ripot i bagarapim tingting na wok hat

bilong pilaia. Ripota Zeph tokim Kosa osem ripot ino tingting na toktok bilong niuspepa tasol em ol bel hevi na komplem bilong planti sapotas bilong Bombers husat ino bin pilaim wanpela gren fainel yet bilong inta-siti cup resis.

Kosa Bennett i kaikai finga bilong em yet long karamapim asua bilong dispela ol pilaia.

Tarangau go pas yet long Mosbi Lig

...bai win i stap wankain yet o nogat...

MOSBI Tarangau long las wiken i soim tru osem ol i wanpela tim em bai go insait long gren fainel bilong dispela yia. Tasol bikipela samting i mas samting long ol fowat bilong ol.

Long pilai bilong ol long las wiken, Vipers fowat husat i save pilai long Tarangau Ben-"bigfoot" Bire i bin mekim tupela strongpela ron we em yet i putim tupela trai long kirapim tingting bilong ol Tarangau long winim pilai bilong ol egensim Air Niugini Souths long las wik Sande bipo long bikipela pilai namel long West na Magani. Wanpela trai bilong Bire i kamap bihain

tasol long hap taim we ol Souths i kik tasol i kam na pas stret long Bire we em i kisim long gol eria na ron strong tru i go na brukim banis bilong ol Souths na go olgeta long skoa aninit long trai lain bilong ol. Na narapela gen em long 57 minit we Bire i kisim na mekim wankain ron long 30 mita mak bilong ol i go olgeta long trai bilong ol Souths na putim trai long kona.

Dispela pilai we Tarangau i winim long namba tu hap long 35-13 i soim tru pawa bilong ol long fowat lain

MOSBI LIG RIPOT

bilong ol. Long namba wan hap bilong pilai, i luk osem Souths bai winim dispela pilai long wanem ol i bin go pas long 12 pons na Tarangau i stap bihain long 6 pons.

Tasol taim pilai i go insait long namba tu hap, Tarangau i laitim paia bilong ol strong tru we ol i winim pilai bilong ol na holim yet namba wan ples bilong ol long poin lata. Tasol bikipela askim i stap sapos ol fowat

bilong Tarangau i go insait long Vipers osem Elias Piayo, Bire, Micheal Mondo na Billy Kambuoa, inap Tarangau i winim yet ol pilai bilong ol long fowat lain o nogat. Dispela em yumi mas wet na lukluk tasol.

Long bikipela pilai bilong apinun namel long West na Magani, West i brukim dispela rop i holim tupela tim ya bihain long ol i win long 26-18 egensim ol Magani. Tupela tim wantaim ya husat i bin pas long long 8 pons long lata i bin kamapim gutpela pilai tru em

planti manmeri i bin amamas long lukim.

Trai i kamap long tupela sait wantaim tasol wanpela bikipela samting tru em tupela Kumul faiv-eit Aquila Emil na Tuksy Karu i soim tru stail bilong tupela long dispela resis.

West i winim dispela pilai na i stap namba tri ples bihain long Difens na Tarangau.

Long narapela pilai tu namel long Paga Panthers na Brothers, Paga Panther i strong moa na autim Brothers na long pilai bilong Sarere, Royals i strong moa na autim ol Post Puma.

Goroka Ragbi lig ripot

Inap Goroka Lahanis i mekim nem gen long dispela yia

SAPE METTA i raitim

WANTAIM K50,000 ol i kisim olsem sponsasip bilong dispela yia, Goroka Lahanis i gat moa strong nau bihain long wanpela Kumul pilaia i go insait long tim bilong ol long dispela sisen.

Tasol nau yet i gat ol kainkain toktok i wok long kamap nau bihain long ol i no kisim ol sampela biknem ekspirians pilaia na wankain taim ol i kisim ol planti yangpela pilai tumas.

Beklain bilong Lahanis bai strong moa nau long dispela sisen bihain long olpela Mt Hagen Eagles pilai na Kumul senta David Gomia husat i trense i go long Goroka na i wok long pilai wantaim NK United long lokel Winfield lig resis.

Gomia husat bai pilai long beklain bai givim bikipela strong tru long ol Lahanis long spit bilong em na tu long strongpela ol takel bilog em. Dispela bai i ken kamapim gutpela pilaia namel long ol lain olsem David Buko, Stanley Gene, Gomia na ol narapela pilaia olsem Agi Tete na Ivan Mosoka.

Planti ol lain long Goroka i amamas tru long kisim Gomia na long wankain taim tu ol i amamas long welkamim olpela Rabaul Guria fowat Joe Kale husat i stap nau long Kerowagi na i wok olsem wanpela plisman.

Long sait bilong Kale long go insait long fowat lain bilong ol Lahabis bai stap longpela

...Kumul senta David Gomia i pilai nau long Lahanis.....

taim liklik pastaim long wanem Goroka f gat longpela lain ol fowat tru tasol em i ken stap olsem wanpela inta sens pilaia.

Gomia i go insait isi tasol long wanem tripela strongpela pilaia bilong Lahanis em ol i bin rausim long wanem ol i mekim sampela liklik bikhet pasin.

Ol selekta i bin rausim Paul Gela, Peter Kare, Fatty Buka na Oscar Zugu na kisim ol yangpela pilaia Tony Koko na Oliver John long kisim ples bilong ol.

Gomia bai pilai wantaim Martin Abori long senta long wanem tupela i gat ekspirians na tu ol bai stat pastaim long ol narapela yangpela.

Ol narapela pilaia em ol i dropim ol long skwat em em Mao Andrew, Andrew Kuno, Joseph Gabriel na Ken Kemutafe.

Ol selekta i kisim ol yangpela fowat olsem Michael Kari, John Apaks, Jackson Leko na olpela Lahanis fowat David Sari na Tom Jim long pilai long second row posisen.

Narapela pilaia Petrus Bangkoma i stap pinis nau long Goroka na i pilai wantaim Country bihain long ol toktok i kamap olsem bangkoma i stap long Madang na i redi tasol long pilai wantaim ol Globetrotters. Tasol em i stap nau long

Goroka na i luk olsem ol selekta bai kisim em long pilai bihain taim liklik.

Long beklain dispela hapbek posisen em i stap nating nau bihain long Malum Oiyufa husat i kisim saspensen. Dispela ples bilong em i luk olsem Stanley Gene bai kisim na Agi Tete bai pilai long faiv eit we bai

mekim rot long Gomia long pilai long senta.

Ol selekta i holim planti bilong ol Lahanis pilaia bilong las yia long pilaiam namba wan pilai bilong ol wantaim Lae Bombers long sait bilong David Buko, Uti Divilake, David Gomia, Martin Abori, Ivan Mosoka, Agi Tete, Stanley Gene, Atu Isoi, Tom Jim, Tiuyo Evei, John Markham (kepten) Suwo Amos, Mathew Midi, Joe Kale, Oliver John na Jackson Levo.

Tupela narapela pilaia ba go

wantaim tim tasol bai ino nap pilai tasol sapos i gat sampela laspela minit senis bai tupela i ken go insait long tim.

Ol selekta i bin rausim Buko long kepten na putim John Markham i go insait long wanem Buko i bin bikhet liklik long wanpela pilai. Markham bai kisim helpim i kam long namba tu kepten Stanley Gene.

Kosa Leva Tete i tok olsem olgeta dispela 30 pilaia i gat sans long kisim ol 15 pela jesi long dispela wiken pilaia egen-sim ol Bombers.



Ol pilaia bilong Goroka Lahanis bihain long ol i winim 1993 SP Ita Siti kap egensim ol Vipers.

Olpela Goroka Lig edministreta i dai

OLGETA lain opisal, eksekutiv, ol pilaia na ol sapota bilong Goroka Ragbi Futbol Lig i wok long stap long sore nau bihain long wanpela lig edministreta bilong ol i dai.

Lig presiden James Korarome i tok, "Mipela i kalap nogut tru long harim dai bilong Mista Sam Faki long Australia."

Em i tok olsem Faki i bin sevim Goroka Lig olsem wanpela strongpela man tru long 1987 i kam inap 1991 olsem seketeri na tresera na planti taim i save yusim ol risos bilong kampani bilong em long sapotim ragbi lig long provins.

Leit Mista Faki bilong Henagaru long Okapa insait long Isten Hailen. Em i marit na gat 4-pela pikinini na em i mekim bikipela wok tru long baim

K60,000 dinau mani em ol eksekutiv bilong bipo i bin mekim.

Mista Faki na Korarome tupela wantaim i bin wok hat tru logn daunim dispela dinau i go daun long K25,000 long taim bilong em long opis na tu em i bin pilaiam bikipela wok tru long long kirapim ol samting long Sir Danny Leahy pilai graun.

"Mipela bai sori tru long lusim Faki tasol wanem samting em i mekim long mipela bai mipela i tingim yet long lewa bilong mipela," Korarome i tok.

Mista Faki i bi stap long Australia long skul moa long Accounting taim em i dai. Bodi bilong em i kamap long Goroka long las wik we ol i karim i go long ples bilong em na plani.

Ol klab opisal komplem long Lahanis Seleksen

OL Opisal bilong tupela klab gren fainel klab bilong Goroka Lig Tarangau na Brothers i bilip olsem fevertim ol pilaia na kainkain kros namel long ol selekta i bin pilaiam bikipela hap tru long seleksen bilong Goroka Lahania inta siti tim long resis bilong dispela yia.

Klab seketeri bilong Tarangau, Robert Goihae na klab presiden bilong Brothers Tinemau Divilake i tok olsem ol bai mekim sampela toktok wantaim Goroka Lig presiden James Korarome long painimaut long wanem kain rot tru ol i bin yusim long makim ol pilaia long dispela 13 man skwat we planti bilong ol pila-

ia ya i bin pilai long risev gret na junia futbol long las yia.

Divilake i tok olsem ol selekta i no mekim gutpela seleksen long wanem ol i putim interes bilong ol klab bilong ol i go pas na i no tingim Goroka lig na Goroka Lahanis tim.


Goihae husat i no amamas tumas i tok olsem Tarangau em ol primia tim bilong las yia na planti ol pilaia i soim strongpela pilai tru long las tupela sisen na tu long pri sisen olsem ol i namba wan tim.

Em i tok olsem dispela i no gutpela tru long wanem ol klab we opisal bilong ol i stap


insait long long seleksen tim i mekim wansait na makim planti ol pilaia long tim bilong ol i go insait na long sait bilong Tarangau na Brothers husat i gat ol gutpela difens pilaia, ol i no bin makim planti bilong ol na i gat tupela o tripela tasol.

"Wanem kain rot tru dispela ol selekta i yusim long makim ol pilaia na dropim ol kain pilaia olsem Fatty Buka na Paul Gela husat i gutpela yutiliti pilaia na kepten bilong tim bilong ol tu," Goihae i tok.

"Mi bai askim siaman bilong ol selekta James Korarome long tokaut gut sapos i gat kainkain kros i stap namel long ol yet."



Orchy®



...em i fresh



Em mi laikim tru.



Orchy
...naturally.

250ml NA 375ml NAU I KAM WANTAIM NIUPELA SKRU CAPS

SP INTER-CITY CUP 1995



ROUND 1 MAY 14TH	POM v HGU (POM)
	KWA v MDU (HGU)
	GKA v LAE (GKA)
	MAG v RAB (MAG)

ROUND 2 MAY 21ST	HGU v MDU (HGU)
	LAE v POM (LAE)
	MAG v KWA (MAG)
	GKA v RAB (GKA)

ROUND 3 MAY 28TH	MDU v LAE (BNZ)
	HGU v MAG (HGU)
	POM v GKA (POM)
	KWA v RAB (MNJ)

ROUND 4 JUNE 4TH	LAE v MAG (LAE)
	GKA v MDU (GKA)
	KWA v HGU (MNJ)
	POM v RAB (POM)

ROUND 5 JUNE 11TH	MAG v GKA (MAG)
	LAE v KWA (LAE)
	MDU v POM (HGU)
	RAB v HGU (LAE)

ROUND 6 JUNE 18TH	GKA v KWA (GKA)
	POM v MAG (POM)
	HGU v LAE (HGU)
	MDU v RAB (BNZ)

ROUND 7 JUNE 25TH	POM v KWA (POM)
	GKA v HGU (GKA)
	MAG v MDU (MAG)
	LAE v RAB (LAE)

ROUND 8 JULY 2ND	HGU v POM (HGU)
	MDU v KWA (HGU)
	LAE v GKA (LAE)
	RAB v MAG (KPO)

ROUND 9 JULY 9TH	MDU v HGU (HGU)
	POM v LAE (POM)
	KWA v MAG (GKA)
	RAB v GKA (KPO)

ROUND 10 JULY 16TH	LAE v MDU (LAE)
	MAG v HGU (MAG)
	GKA v POM (GKA)
	RAB v KWA (KPO)

ROUND 11 JULY 30TH	MAG v LAE (MAG)
	MDU v GKA (HGU)
	HGU v KWA (HGU)
	RAB v POM (KPO)

ROUND 12 AUGUST 6TH	GKA v MAG (GKA)
	KWA v LAE (MNJ)
	POM v MDU (POM)
	HGU v RAB (HGU)

ROUND 13 AUGUST 13TH	KWA v GKA (GKA)
	MAG v POM (MAG)
	LAE v HGU (LAE)
	RAB v MDU (KPO)

ROUND 14 AUGUST 20TH	KWA v POM (MNJ)
	HGU v GKA (HGU)
	MDU v MAG (BNZ)
	RAB v LAE (KPO)



AUGUST 27TH - SEMI FINALS
SEPTEMBER 3RD - FINAL
SEPTEMBER 10TH - GRAND FINALS
FOOTNOTE: DATES AND VENUES SUBJECT TO CHANGE IF CIRCUMSTANCES NECESSITATE.

- Collins & Leahy /Wills (PNG) Ltd Laharis.....GOROKA
- Lae Builders & Contractors Bombers.....LAE
- Wamp Nga Eagles.....MOUNT HAGEN
- Coral Sea Hotels Vipers.....PORT MORESBY
- Collins & Leahy /Wills (PNG) Ltd Warriors.....KUNDIAWA
- Kalibobo Globetrotters.....MADANG
- Hagen Buildings & Supplies Muruks.....MENDI
- Islands Nationair Gurias.....RABAU




* SP Holdings Limited and PNGRFEL will not be held responsible in the event that dates are changed due to unforeseen circumstances.

NO1 BIA - NO1 GAME



•Tupela pilaia bilong Mosbi West ragbi lig klab i bung wantaim long daunim winga bilong Magani long bikpela pilai bilong ol long las wik Sande. West i winim Magani 26-18. Poto: Jack Ami



•Strongpela senta bilong Paga Panthers long Mosbi Iig Markus Bai i mekim wanpela kain strongpela ron bilong em we i kism em yet i go insait long Vipers tim. Paga i winim Brothers long pilai bilong ol long las wiken.



•Olpela Kumul faiv-eit na West kepten Tuksy Karu i salim wanpela bal i go long poroman bilong em. Karu i helpim West long winim ol Magani long 26-18. Lephon: Wanpela pilaia bilong Brothers i kism strongpela takel tru long ol fowat bilong Tarangau. Tarangau i win long 35-13 na bosim yet primiasip lata bilong Mosbi lig.



•Tupela poto ya long lephan na raithan i soim pilai namel long Brothers na Paga Panther long Mosbi lig. Tupela tim wantaim ya i wok long traim hat tru long kam antap long lata bilong Mosbi Iig resis olsem na long las wiken, strongpela pilai tru i kamap namel long tupela tim ya. Paga i winim dispela pilai.



PRIDE and PREJUDICE

STET OF ORIJIN I NO YET

Tingting bilong mi olsem, olgeta pilala, maski wanem kain samting ol mekim, inap long pilai insait long Stet of Origin.

Yumi mas tingim. ARL i bin tok olsem ol bai ino inap long rausim ol klap taim dispela Supa Lig ibin kamap. Na yumi save olsem Canberra, Brisbane na ol Bulldogs i bin givim baksait long ARL pinis.

Long dispela taim, ARL i bin tok olsem bilong wanem ol ibin tingting long ol sapota bilong ragbi lig. Tasol nau ol i rausim ol dispela tim husat i stap wantaim supa lig bai ol i noken pilai long stet of origin na dispela ino gutpela.

Tasol ol man i noken kisim dispela tingting olsem Stet of Origin ino gutpela moa bilong wanem ol gutpela pilala ino pilai. Dispela Stet of Origin bai gutpela yet, maski husat man i pilai. Bilong wanem dispela pilai, Stet of Origin i wanpela pilai we maski husat man i pilai, dispela pilai bai apim ol go antap tru na ol bai kamautim ol kainkain gutpela pilai. Stet of Origin olsem wanpela paia i save lait taim ol pilala i save putim ol dispela Blu o Maroon jesi. Dispela pilai ino olsem ol narapela ragbi lig. Long dispela Stet of Origin, igat sampela gutpela pilala istap yet. Insait long NSW sait, em Tim Brasher, Matthew Seers, Rod Wishart, Steve Menzies, Terry Hill, John Simon, Paul McGregor, Jim Sedaris, Brad Mackay, Brad Fittler na ol sampela narapela pilala i stap. Tasol bikpela kwesten mak istap long Kwinslen sait long sampela long ki posisen blong ol.

Dispela em wankain olsem bipo taim Stet of Origin i bin stat na olgeta man ibin tok olsem Kwinslen bai lus. Tasol ol i bin putim sampela yangpela pilala olsem Wally Lewis, Mal Meninga na ol kaim man olsem Rod Morris.

Dispela man Morris i bin wanpela yangpela pilala husat ibin stap wantaim Balmain na nogat man ibin save long em. Tasol taim em i pilai long Kwinslen sait, em i kamap wanpela top pilala and em i bin representim Australia tu.

Ibin gat planti long ol narapela pilala tu husat ibin mekim nem bilong ol long dispela nambawan Stet of Origin.

Na nau long 1995, wankain samting inap kamap. Olsem na ol man i noken daunim dispela Stet of Origin bilong wanem planti gutpela pilala ino istap.

Tasol dispela pilai bai ino inap long dai bilong wanem planti long ol yangpela pilala i stap blong mekim nem bilong ol.

Plantilala olsem Darren Fritz, Brett Dallas, Terry Cook, Paul Galea na Adrian Vowles na sampela moa i gat sans long

mekim nem bilong ol long dispela pilai. Stet of Origin em Stet of Origin. Maski husat man i pilai, pilai i mas onb yet.



Brett Dallas (left), Matt Seers (top) and Tim Brasher (inset) ... young guns ready to pick up the Origin slack.

Ol sapota ino wanbel long ol Supa Lig pilalaia.

Wanpela redio stesen long Australia ibin tromoi wanpela askim igo long ol manmeri blong pablik bilong kisim tingting bilong ol long ol pilai long Supa Lig na Stet of Origin.

Dispela askim ikam long 2UE redio stesen igo olsem ; "Ol Supa Lig pilalaia inap long pilai insait long ol representiv pilai o nogat?"

77 pesen long ol man husat ibin ring igo insait bilong autim tingting bilong ol i tok olsem ol Supa Lig pilalaia bai noken sanap long ol representitiv pilai.

2UE i painim aut olsem planti man ino

wanbel long ol pilalaia husat igo long Supa Lig na ol i tok olsem ol i noken pilai long ol representitiv pilai.

Plantilala man i kisim bek ol tiket bilong ol long go na lukim Stet of Origin pilai taim ol i painim aut olsem ol gutpela pilalaia bai ino inap long pilai insait long Stet of Origin.

2UE i bin ting olsem sapos ol man i sapotim ARL, ol bai go na lukluk long pilai, tasol ol ino mekim olsem. Na nau dispela askim 2UE i putim igo long pablik i soim tru tingting bilong planti long ol man long ol pilalaia long Supa Lig.

NUPELA SENIS YA!

Belcher amamas long Mullins i kamap

GARRY BELCHER i save pinis olsem em i lukim 1990 sait bilong Graeme Langlands long Canberra las Fraide nait.

Belcher i bin amamas nogut tru long lukim fulbek bilong Canberra Brett Mullins na i nogat moa toktok long em olsem wanpela namba wan pilaia insait long lig.

Olpela tes fulbek ya i tokaut olsem em i lukim Langlands taim em i stat pilai ragbi lig tasol na tok moa olsem namel long tupela (Mullins na Langlands) em i ken mekim sampela toktok long pilaia bilong tupela.

"Em i save moa gutpela long olgeta taim mi lukim em. Taim yu lukim mangi ya i gat 8-pela moa yia bilong pilai i stap yet, bai yu save olsem em bai kamap moa gutpela," Belcher i tok bihain long lukim Mullins i daunim ol Broncos.

"Mi save ritim na lukim ol clip bilong Langlands planti taim-em i wanpela sempion. Tasol sapos em i stap antap moa long Mullins, i luk olsem em narakain man olgeta."

"Dispela trai bilong Mullins egensim ol Broncos we em i kikim tupela taim na kisim gen long putim trai i no wanpela samting bai yu lukim olgeta taim. Tasol mi lukim em i save mekim planti taim bipo."

Bihain long sampela kain hevi, Mullins i bin kisim namba 1jesi bilong Belcher taim em i pinis long pilai long 1993.

"I tru mi ting olsem Kenny Nagas bai kisim dispela wok long mi...na mi tok tu long dispela taim," Belcher i tok.

"Tingting bilong mi i no long save bilong Brett long pilai-tasol moa long pasin bilong

em. Mi no nap haitim dispela olsem Mullins em i wanpela les man bilong tren na i save mekim planti bikhet pasin.

"Tasol bihain long ol narapela liklik samting-na leit olsem namba wan pilai bilong dispela sisen-em i klinim em yet pinis. Long save bilong mi yet, Mullins em i wanpela gutpela trena tru long Canberra."

Dispela em i bikpela moa long taim bilong Belcher wantaim Raiders. Belcher i tingim bek wanpela bun kakaruk mangi husat i save traim hat tru long trening na sampela taim em i save hat taim ol i tren long gym.

Mullins nau i tanim olgeta dispela samting na i kisim tingting bilong ol bikpela man, nau na ol kosing staf bilong Raiders i save toktok long dispela.

Belcher i save tingting bikpela tru long stail bilong Mullins wantaim bikpela spit bilong em. Ol narapela em strong, tingting bilong em na em i no wanpela man bilong pret.


"Dispela olgeta samting i stap wantaim Mullins. Nau em i traim long putim olgeta dispela samting long wok wantaim," Belcher i tok.

"Em bai wanpela namba wan fulbek tru."

Belcher i tok olsem, em bin lukim stail pilai bilong Mullins taim tupela i bin pilai wantaim long laspela pilai bilong em.

Dispela em long 1993 semi fainel egensim Broncos na Broncos i bagarapim stret sindaun bilong Canberra 30-12. Mullins i pilai long senta dispela taim na i no pilai gut.

"Dispela em bin taim nogut stret na Mullins i no nap lus tingting long dispela



long op sisen yet na dispela i tanim ol samting long em," Belcher i tok.

"Ol manmeri i toktok planti long em na em i kam bek long soim olgeta long wanem samting em i ken mekim."

Taim Mullins i kamap olsem namba wan fulbek bilong Australia na go pas long planti ol yangpela, Belcher i tokaut stret olsem Mullins i no nap resis wantaim Broncos fulbek Julian O Neil long resis bilong dispela yia.

Mullins i tokaut tu olsem O Neil i bin pilai gut tru long namba wan 17 minit long Fraide nait we em i stopim Mullins long putim wanpela trai na mekim gutpela wok tru long difens.

BLUT NA GLORI

CANBERRA supasta Laurie Daley i bilip olsem em i taim nau ARL i mas mekim sampela lo long taim pilaia i kisim blut long pilai graun long stopim ol kain sik olsem AIDS na ol narapela sik long go long ol narapela pilai.

Daley husat i pilai gut tru nau i tok olsem em i save pret long takelim wanpela pilaia husat i gat blut.

"Taim lig i putim dispela blood bin rul, we i gutpela tru, pilaia husat i gat blut bai pilai yet inap referi i lukim em i gat blut," em i tok.

"Ol dokta i tok olsem sans bilong ol pilaia long kisim AIDS i liklik tru tasol dispela em i bikpela wari yet."

Daley wantaim tim meit bilong em long Raiders Bradley Clyde i wok wantaim Ragbi Lig Week (RLW) raita Daniel Lane logn raitim wanpela buk bilong tupela: LUARIE and CLYDE: Young Guns of Rugby League.

Tupela pilaia wantaim i givim kainkain

Daley na Clyde autim

tingting bilong tupela long pilai ragbi lig long nau.

DALEY LONG LIG

Sapos em i no long ragbi lig, mi bai wok yet long ofal rum long wagga Distrik long haus bilong katim mit.

Namoa wan wok bilong mi bihain long mi pinisim gret 10 long Junee Haiskul em long wok long haus bilong katim mit. Dispela taim mi wok long mekim kainkain wok...na dispela ofal rum i wanpela rabis tru.

CLYDE LONG DRAGS

Taim mi yangpela mangi yet, mi traim mariuana long sampela taim long tru bikpela as em mi no smokim moa em mariuana i save mekim planti samting long mi em mi no save mekim.

Mariuana, gras, kuks ... o wanem samting yupela i save kolim i no mekim wanpela samting long mi tasol i save bringim moa mani long poket bilong mi.

Taim mi wok long drags, mi save long wanem samting ol bai mekim long mi. Mi lusim long wanem mi les long kisim ol sik olsem tingting i lus hariap na het i bagarap na tu kisim sik AIDS.

DALEY LONG 1991 SALARY CAP HEVI

Taim Raiders i bin painim hevi long 1991-we ol opisal i bin brukim lo bilong ol kontrak bilong mipela na ol niulain i bin tokaut long hevi bilong mipela na mi bin pilim nogut stret olsem wanpela memba bilong klub.

Ol niusman i tokim mipela olsem mipela i

cheat na mi ken tingim yet ol sapota long ol narapela hap i save kolim mipela long kainkain samting.

Olgeta lain long ragbi lig i toktok long mipela na mipela i no nap mekim wanpela samting long helpim mipela yet. Wanem samting mipela i ken tok nau em...olpela edministresen bilong mipela i mekim liklik rong na mipela olgeta i bin bagarap.

CLYDE LONG OL REFERI

I gat sampela bikpela samting i stap em yu mas save sapos yu laik kamap wanpela top referi.

Ol referi i mas gat dispela long wanem ol i mas save long stap na dai wantaim wanem kain disisen ol i mekim.

Tasol sampela taim ol i save nogat dispela na taim ol i toktok long ol pilaia...ol i save toktok olsem wanpela man i wok long toktim wanpela liklik pikinini bilong wanem na skai i blu.

•Laurie and Clyde: Young Guns of Rugby League

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.